

**NATIONAL ASSEMBLY OF
SEYCHELLES**

Wednesday 26 June 2024

The Assembly met at 9 am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab. Bonzour nou bann zofisye Lasanble ki pe asiste nou e tou piblik ki pe swiv nou. Byenveni pour nou travay ozordi. Nou annan en *amended* - en *revised Order Paper* avek en *Public Bill First Reading* lo la. Madanm Deputy, mon a demann ou pou fer *Public Reading*.

MADAM DEPUTY CLERK

Mersi Mr Speaker. Bonzour tou bann Manm Onorab, tou bann staf Lasanble, tou dimoun a lekout. *First Reading* i konm swivan;

“This Act may be cited as the Curatelle (Amendment) Act, 2024. Mersi Mr Speaker.

MR SPEAKER

Mersi Madanm Deputy Clerk. Madanm *Hansard Reporter*, nou ava apel delegasyon avek

Minis pour nou kontinyen lo *Bill*.

Bon, bonzour bann zofisye ki avek nou. Minis Patricia Francourt, PS Bernard Valentin, PS Mrs Linda William Melanie, *Deputy CEO* Tracy Tirant. E akote, Ms Nisreen Abdul Majid pour *Pension Fund* e Mrs Julia Jean pour *AG’s Office*.

Mersi pou zwenn nou ankor en fwa pou kontinyen lo *Functional Capacity Assessment Board Bill, 2024*. Nou pe prezan pran *Committee Stage*. Mon a demann *Sergeant* pou met nou dan *Committee Stage*.

Tre byen. Lo kote *Bills Committee* lekel ki pou diriz *amendment*? Onorab John Hoareau, ou kapab konmanse.

HON JOHN HOAREAU

Mersi Mr Chair. Dabor avan nou konmanse, mon ti ava kontan met a latansyon Lasanble ki i annan en let sirkile le 21 *juin*, savedir Vandredi pase, ki annan tou bann lamannman ki'n ganny propoze. An vi ki sa ti en konsern pour *Leader* Lopozisyon pandan sesyon kot nou ti pe debat lo merit.

Bon, nou ava konmanse avek bann lamannman. Premye lamannman i ganny trouve anba *Arrangement of Sections* anba *Part 6*

Miscellaneous, 15. Instead of “offence” i “offences.” Savedir nou'n azout en “s” avek.

Nou al lo paz 4 aprezan lo *long title*. “A *Bill for an Act*”. Nou'n tir “*of an Act.*”

Nou aprezan al lo paz 3 kot i annan en definisyon pour “*terminal illness.*”

Mon le fer remarke ki ti annan en mankman ler *Bill* in ganny Gazete lo kote pou met *terminal illness* koman enn bann – wi, koman enn bann determinasyon bann *Board*, ki pou trouve lo paz 10 ki apre mon pou koz lo la.

MR SPEAKER

Wi, zis-

HON JOHN HOAREAU

Me anvi-

MR SPEAKER

Zis pou sa ki ou'n mansyonnen la. Si mon pa tronpe, ou'n dir paz 3. I lo paz 5 mon krwar.

HON JOHN HOAREAU

Wi, paz 5. So, anvi ki nou pe met sa definisyon ki ti'n manke lo paz 10 – *I mean* sa-wi, sa determinasyon lo paz 10. Alor nou'n *define* anba Seksyon *Interpretations* kisisa *terminal illness*.

So, i lir koumsa. Savedir *after (b)* i pou annan en *(c)*. Non, non *sorry*, i pa en *(c)*, *sorry*. *After (b)* i pou annan sa

definisyon; “*terminal illness means an incurable condition caused by injury or disease from which there is no prospect of recovery regardless of the application of life-sustaining measures.*”

Prezan nou prosede pou al lo paz 7. Paz 7 anba 3. *Sorry*, mon pe get byen sa nimero? Kot nou ete? *Subsection (11)*. *Ok. Subsection (11)*. “*The members shall be paid such remunerations.*” Nou'n tir “s”, so i vin “*remuneration, as may be determined by the Minister responsible for finance,* - prezan nou'n azout *in accordance with government policies.*” Sa i en pti pe konsistan dan tou bann *Bill* ki nou travay lo la.

MR SPEAKER

Un instant. En lanmen ki'n leve. Onorab Loze?

HON JOHAN LOZE

Mersi Mr Speaker. Mr Speaker eskize, mon ti le zis retourn en bout deryer. *Part 2 - Functional Capacity Assessment Board*.

There is established a Board known as the Board known as the Functional Capacity – ok. The Minister shall appoint the members of the Board on such terms and conditions –

Prezan i liste en seri profesyonnel lasante. Sa ki pa determinen Mr Speaker, lekel

ki pou verifiye kalifikasyon sa bann profesyonnel? Eski *the Minister present today* ou swa Minis Lasante or Minister Lasante? Lekel ki pou determin kalifikasyon sa bann profesyonnel ki pou al lo sa *Board*? Mersi Mr Speaker.

MR SPEAKER

Mersi. Petet mon a ganny lopinyon Minis ki pe prezant *Bill*?

MINISTER PATRICIA FRANCOURT

Bonzour Mr Speaker. Bonzour tou Manm Lasanble. *PS* Valentin pou reponn, akoz sa *Bill* i pour Minister Lasante. Mersi.

MR SPEAKER

Byen. *PS*?

PS BERNARD VALENTIN

Mersi Mr Speaker. Bon, normalman avan ki Minis i resevwar bann rekomandasyon pour bann apwentman lo *Board* - so i annan bann dimoun ki fer bann *check* neserer. Apre ki sa bann *check* in ganny fer, ki rekomandasyon i fer avek Minis pou apwent tel ou tel dimoun.

Donk, se bann dimoun teknik dan Minister Lasante ki pou tyek sa bann kalifikasyon, epi anvoy kot Minis as rekomandasyon. Mersi bokou.

MR SPEAKER

Mersi. Onorab Hoareau ou a kontinyen?

HON JOHN HOAREAU

Mersi Mr Chair. Nou kontinyen avek *subsection (12)* lo menm paz. Lo premye laliny *word "expert"* nou'n met en "s" avek "*experts*" pou met i li an pliriyel.

Subsection (13) "*The Board shall meet not less than once a week*" in ganny retire. E in ganny mete – azout "*at such time and place as the Chairperson may determine.*"

Mr Speaker, sa in ganny retire pou retir sa lanmaraz en pti pe lo komikman kan *Board* i *meet*. Akoz *the Board* apre nou vwar pli tar, i *regulate* son *own proceedings*. So, si i *regulate* son *own proceedings*, i bezwen determinen kan i *meet*.

MR SPEAKER

Onorab Pillay, ou ti'n lev lanmen. Ou annan en kestyon?

HON SEBASTIEN PILLAY

Mon annan en lobzervasyon avek en kestyon. Premyerman, apre ki Onorab Hoareau in prezant ou avek let lamannman, ou *still* pa ankor donn nou ou pozisyon lo *what constitutes notice* anba nou *Standing Order*.

Standing Order i dir poudir *72 hours*. Zot kapab konplent, *but that's the reality*. Akoz mwan mon kote latab i bezwen *subscribe to notice as working days*. Me akoz kote *LDS* i *subscribe to notice as days - as calendar days*? E sa pour mwan i en problem. E mon le ou pronons ou lekor lo la.

MR SPEAKER

Mon'n aksepte sa *notice* konman *72 hours required*. Menm...

HON SEBASTIEN PILLAY

Tre byen. Savedir *in the future* nou osi nou ava fer parey. Ou ava aksepte li parey.

(Interruption)

MR SPEAKER

Onorab silvouple, i pa en letan – i pa en letan pour ou lev sa bann size! Si ou annan bann size koumsa, ou devret lev li dan *ABC*. E silvouple, respekte sa ki nou pe fer. Mersi. Si ou annan – si ou annan en pwen...

HON SEBASTIEN PILLAY

Mon definitivman respekte sa ki nou pe fer. Me i enportan ki tou dimoun i konnen kwa ki pe pase dan Lasanble Nasyonal.

MR SPEAKER

...en pwen klarifikasyon silvouple, ou kapab pran li la.

HON SEBASTIEN PILLAY

Dezyenman, mon vin lo sa propozisyon lamannman. Sa propozisyon lamannman pe dir pou dir *Board* pou *meet* sa zour ki *Chairperson* i decide. Mon konpran zot largiman.

Be sa i en *Board* ki pou al fer desizyon lo si en dimoun pou benefisye avek en keksoz. Par egzanp *Planning Authority*, in set li. I zwenn tou le Vandredi.

So, akoz ki zot, zot pa'n war li neser pou fer ki zot annan en *set day* ki sa *Board* i bezwen zwenn absoliman, ki ou les li *up to the Chairperson*, or ou les li *up to the Board*?

MR SPEAKER

Mersi.

HON SEBASTIEN PILLAY

I annan *Board* ki dan lepase – (les mwan fini silvouple Mr Speaker) - I annan *Board* ki dan lepase, nou'n fer menm prosedir avek zot. E zot pa'n *meet*.

So, i enportan ki mannyer nou prosede, ki sa bann dimoun ki ler ou annan en kes ki pe vin devan sa *Board*, nou konnen poudir tel zour sa *Board* pe konsider sa bann kes. Tel parey *Planning Authority*.

Mon ti a kontan konn *from panel*, akoz nou pa'n met sa? Akoz konman sa *Bill* i pase, i pou annan en lenpak lo bann dimoun ki pou ganny *assessed by the Functional Capacity Assessment Board*. Mersi.

MR SPEAKER

Mersi. Onorab Hoareau in deza donn en lopinyon *Bills Committee*. In dir zot pou *regulate* zot lekor. Minis, eski ou annan okenn lot leksplikasyon pou azoute? *Well*, oubyen Minis, si ou pe pas keston avèk *PS, fine*.

PS BERNARD VALENTIN

Mersi Mr Speaker. Donk, inisyalman sa ki ti la sete ki *Board a meet* en fwa tou le semenn. Me selman dan *Bills Committee* letan nou ti pe diskite nou ti dir, i posib i annan 2 semenn kot pou napa kes pour *Board* konsidere.

Alors si napa kes sa semenn, i napa nesosite pou *Board meet*. Sanmenm sa nou ti ouver li en pti pe plis. Me selman i pa tro en gran *issue*. Si nou bezwen *meet* en fwa tou le semenn, i pa en problem *at all*. Mersi.

MR SPEAKER

Mersi. Bon, i napa en *amendment* ki ganny propoze. Nou a kontinyen Onorab

Hoareau. Onorab Esparon, ou annan en klarifikasyon?

HON REGINA ESPARON

Mersi Mr Speaker. Mr Speaker, mon le reponn en pti kou lo *subsection – lo section 3 (1) (9)* kot i dir, “*Any vacancy that arises in the membership of the Board shall be filled by a member who shall be appointed in accordance with subsections (1) and (2).*”

Mon ti ava anvi konnen, par egzanp si en Manm in deza ganny apwente, me i pa'n fini son manda in *resign*, sa lot manm ki ganny *co-op* pou ranplas sa manm ki'n *resign*, eski i pou *fulfil* sa *full* manda 3 an, oubyen i pou kontinyen kot sa manm in arete? Mersi.

MR SPEAKER

Mersi. *Panel*, i annan en klarifikasyon?

PS BERNARD VALENTIN

I pou kontinyen term sa manm ki nepli la. Konmsi si dizon apre 1 an en manm i bezwen ganny ranplase, sa lot nouvo ki vini i pou fer larestan sa term. I pa pou fer 3 an.

MR SPEAKER

Mersi. Onorab Hoareau, kontinyen.

HON JOHN HOAREAU

Mersi Mr Chair. Mr Chair, nou kontinyen avèk lo menm paz

subsection (15) kot in ganny azoute;

“A decision of the majority of the members of the Board present at a meeting shall constitute a decision of the Board, and in the event of an equality of votes on any matter, the person presiding shall have a casting vote in addition to his or her vote.”

Mr Speaker, sa provizyon in ganny mete, akoz ler nou pe get *quorum* anba 14, i dir pou dir i annan 4 members. E sa i en *even number*. E si i annan 4 members pour *quorum*. Out of 8, 4 i rezonnab.

So, si pou annan 4 members, en *even number*, i riske annan de fwa pa annan en vot pour ou pas en rezolisyon. Alor pou fer sa posib, nou'n donn *Chairperson* en lot vot ki i kapab vin en *casting* vot.

MR SPEAKER

Mersi, Onorab Pillay, ou annan en klarifikasyon?

HON SEBASTIEN PILLAY

Mersi. Mon war li en pe bizar ki nou'n dir ki *out of 8 members, 4 is a quorum*. Mon ti ava ekspekte poudir *5 would be the quorum*. Dan ka ou annan 7, *4 is a quorum* akoz i *more than half of the members present*.

So, pour ki rezon ki ou pou annan 4 members, which

means ki ou almost guaranteed an equality of votes dan tou ka. So why shouldn't it be 8?

Mon krwar *PMC* dan son lentansyon, si nou get lezot Lalwa, *PMC* dan son Lalwa, dan son lentansyon i prekoniz dan sirkonstans kot ou annan 8 manm, 5 i reprezant *quorum*.

E ler mon pe get sa bann dimoun ki – ou'n annan 8 manm ki reprezante lo sa *Board*, 4 is lanmwaye. Usually ou *quorum* i one more than half. So, mon ti a kontan ganny en leksplikasyon avek *panel* akoz zot in come to sa *quantum of 4?*

MR SPEAKER

Panel i le adrese?

PS BERNARD VALENTIN

Parmi sa 8, enn i en *ex-officio*. E dapre sa ki mon konpran, *ex-officio* napa – non? *Ex-officio* napa *voting right* normalman. So, sa 8, parmi i annan enn ki *ex-officio*. Savedir an realite, 7.

MR SPEAKER

Tre byen. Mersi. Nou a kontinyen.

HON JOHN HOAREAU

Mersi Mr Chair. Nou kontinyen menm paz ankor. Apre sa (15), *subsection (15)*, nou *renumber* sa lot pou fer li vin (16).

MR SPEAKER

Un instant. Wi, Onorab Pillay?

HON SEBASTIEN PILLAY

Swivan largiman ki nou'n gannyen ki sa enn – savedir, eski ou *ex-officio member* ki napa en *voting right*, pou reprezant en *quorum of 4*?

In which case if it does, then i pa pe vote li. Then ou annan zis 3 manm ki pe vote a sa moman. Ou swiv mwan? Konmsi ou pa kapab kont li koman as present in the quorum. Ou napa en quorum ler i la, because she doesn't have a vote.

So, ou quorum constitutes of members present and voting. And can vote. Ou quorum pa kapab constitute en manm ki pa kapab vote.

Akoz vi ki ou pe pran en desizyon lo kapasite fonksyonnel en dimoun, ki enportan pour sa dimoun, i nesese ki ou annan li en desizyon ki kapab ganny zistifye. Apre si sa dimoun i deside pou demann en revi desizyon ki sa Board in pran.

MR SPEAKER

Byen.

HON SEBASTIEN PILLAY

Mon le zis met sa la pour mwan kapab ganny en konpran.

PS BERNARD VALENTIN

Well, nou -

MR SPEAKER

Wi PS, carry on.

PS BERNARD VALENTIN

Nou understanding Mr Speaker, se ki sa 4 manm ki konstitye quorum, se 4 ki annan voting rights. Se 4 ki annan voting rights. Prezan si i annan en tie, 2 i vot en fason, lot 2 i vot lot fason. La ki pou bezwen en tie breaker.

MR SPEAKER

Onorab Pillay?

HON SEBASTIEN PILLAY

Dernyen pwen lo la. Be if that is the case, then ou bezwen dir eksplisitman ki that's the constitution of your quorum. Ki manm ki annan voting rights. Be ou Lalwa pa dir sa.

Akoz dan ou membership of the Board, if I go back up ou mansyonn; "the Board shall consist of the following members - (a), (b), (c), (d), (e), (f), (g), (h) i fini avek "the Manager who shall be an ex-officio member.

E prezan apre ou dir the quorum shall be 4. So, the quorum shall constitute members of the Board that can vote. So, i bezwen ganny dir somewhere non?

MR SPEAKER

Well, sa ti...

HON SEBASTIEN PILLAY

Or si i pa ganny dir, *then* eski *Manager* i vin *ex-officio member*?

MR SPEAKER

Sa i en propozisyon ki ti kapab ganny mete konman en *amendment*. Si Manm i le propoz en *amendment*, mon a kapab konsider li konman en *simple amendment*. *Panel*, zot annan okenn *further opinion*?
Yes?

PS BERNARD VALENTIN

Mr Speaker, nou – mon sipoze *panel* i *open to any amendment* ki pou klarifye sa pwen *based on* sa leksplikasyon ki nou'n donnen. Mersi.

MR SPEAKER

Mersi. Eski okenn Manm i le propoz *amendment*? Bon, si napa nou a kontinyen. Onorab John Hoareau?

HON JOHN HOAREAU

Mersi Mr Chair. Mr Chair, be si sa i en problem, i en *issue*, *then* dan (14) kot i dir “*The quorum for the meeting of the Board shall be four voting members.*” Nou ava met sa mo “*voting.*”

MR SPEAKER

Bon, *ok*. Onorab Hoareau in propoz sa. Eski Manm i annan okenn lopinyon? *Sorry, one*

second. Ok wi, nou a segonde apre – so ou pe dir annou antre dan en deba. Bon, eski sa amannman i ganny segonde? Onorab Naidu?

HON SATHYA NAIDU

Yes, Mr Speaker.

MR SPEAKER

Ok, in ganny segonde. So Manm i kapab donn lopinyon lo la. Onorab Georges, nou'n pran sa prosedir formel.

Rezon aköz mon ti'n dir sa, se ki aköz normalman en kantite bann pti *amendment*, nou zis regarde si napa obzeksyon. E si napa obzeksyon nou prosede.

So eski Manm i a vot lo sa *amendment*? *Sorry*, eski Manm i anvi eksprim lopinyon sa *amendment*? Mon kapab pran en lopinyon lo sak kote.

Ok. Eski nou bezwen vote oubyen si napa obzeksyon nou kapab kontinyen? Bon, si napa obzeksyon, nou a kontinyen. Mersi. Onorab Georges?

HON BERNARD GEORGES

Non, non, Mr Chair. *With all due respect*. I en lamannman ki'n ganny propoze e segonde. *It has to go to a vote.*

MR SPEAKER

Ok.

HON BERNARD GEORGES

Sa bann lamannman ki zis pase...

(Interruption)

HON BERNARD GEORGES

...ki zis pase *with a nod* ki nou pa bezwen vote. Mersi.

MR SPEAKER

Bon. Nou pa pou *debate* lo sa prosedir.

HON SEBASTIEN PILLAY

(Off-Mic)

MR SPEAKER

Ale, ki ou lopinyon?

HON SEBASTIEN PILLAY

Mersi Mr Speaker. Mr Speaker, mwan mon vwar Onorab Georges pe *usurp* prosedir ki nou'n etabli. *This is a simple amendment* ki panel in dakor pou fer zot *Bill* pli kler. *Ok.*

(Interruption)

MR SPEAKER

Sorry!

HON SEBASTIEN PILLAY

So, ki mannyer li ler i anmenn *simple amendments*...

MR SPEAKER

Sorry!

HON SEBASTIEN PILLAY

...nou pa bezwen vote, ler Onorab Hoareau i anmennen, nou bezwen vote?

MR SPEAKER

Ale, fer ou pwen.

HON SEBASTIEN PILLAY

So, mwan mon krwar poudir Onorab Hoareau tou sa ki in propoze se ki en manm ki vote ki reprezant en *quorum*.

So that the Manager ki form par dan Board as a ex-officio member, pa form par Board. Napa naryen mal ek sa ki'n propoze. In fact i fer li pli kler. What is the problem la?

MR SPEAKER

Ok. The only point la...

HON SEBASTIEN PILLAY

I en simple amendment.

MR SPEAKER

The only point la se ki si Manm i vote e i aprouv, this is definitive. Si nou les li lo si Manm i dakor oubyen non, i still annan sa keston.

So, mon pou prosed to a vote. Manm ki an faver sa lamannman lev lanmen silvouple? Manm ki an faver sa lamannman lev lanmen silvouple? Mersi. Manm ki kont?

(laughter)

MR SPEAKER

Byen. Mon a ganny en kont. Lo vot lo sa *amendment*, 12 Manm in vot pour. 15 Manm in vot kont. Donk sa *amendment* pa'n aprouve. E *the text* i reste parey i ete. Onorab Hoareau, kontinyen.

HON JOHN HOAREAU

Mersi Mr Chair. Nou kontinyen lo, *after (15)* nou *renumber* sa lot ki swivre konman (16). Sa lot *subsection* konman (16). E i lir koumsa;

“Subject to the provisions of this Act and regulations made under this Act” - apre nou retir sa capital “T” nou met en small “t” The Board may regulate its own proceedings.” E i annan en pti komanter ki Onorab Georges ti ava kontan fer lo la. Mon ti ava les li eksplik son komanter *please*.

MR SPEAKER

Onorab Georges pa ankor lev lanmen.

HON BERNARD GEORGES

Mersi Mr Chair. Mr Chair, mon pe *move* en *simple amendment* pou tir sa mo “*may*” e pou retourn li “*shall*” parey i ti ete avan. Akoz – e mon'n mete mon rezon *in the margin*. E sa se si *Board* pa *regulate* son prop *proceedings*, lekel ki pou fer li, si zis zot pa fer li?

E in fact the “shall” there actually means a “may.” E i annan sa bann sirkonstans annan de fwa dan Lalwa kot nou vwar ki “*may*” means “*shall*”, e “*shall*” means “*may*”.

Savedir the Board can if it wants to regulate its proceedings. But its not obliged to do it si nou met “shall”. Me si nou met “may” e zot pa fer li, pa pou annan en proceedings ki pou ganny regulate by anybody. E sa i pou les en trou.

So I move a simple amendment from “may” back to “shall.” Mersi.

MR SPEAKER

Mersi. Onorab Pillay?

HON SEBASTIEN PILLAY

Mersi Mr Speaker. So, la – la nou tann li i le *move* en *simple amendment* prezan li. Taler ler en lot Manm ti *move* en *simple amendment*...

MR SPEAKER

Koz lo sa amannman silvouple.

HON SEBASTIEN PILLAY

...i ti *force* li *to a vote*.

(Interruption)

MR SPEAKER

Koz – koz lo sa amannman.

HON SEBASTIEN PILLAY

Be, nou pa pou fer parey li nou. Akoz nou, nou santi poudir menm si in fer parey in fer taler, pou li dir *shall* –“*the Board shall regulate its own proceedings*” I fer sans. So, let *the Board decide on its own proceedings*. Napa problem.

MR SPEAKER

So, eski...?

HON SEBASTIEN PILLAY

Selman nou pa pou fer parey li in fer nou. Ou konpran? *Ok*.

(Interruption)

MR SPEAKER

Eski Manm i annan okenn obzeksyon kont aksepte sa lamannman san en vot? Donk, dan sa ka nou a aksepte li konman en senp amannman e nou a kontinyen.

(laughter)

HON JOHN HOAREAU

Mersi Mr Chair. Nou aprezan lo paz 8 anba *Part 3 Secretariat*. So (6) (1) – (6)(2)(a) i lir koumsa; “*implementing the decisions of the Board and...*” *Ok*. So nou'n retir “*the*.” Apre “*implementation*” nou'n sanz li. “*implementing*.” Nou'n retir “*of*.” Apre i kontinyen “*and managing*.” So, la nou'n retir “*a*” avan *managing*. E nou'n tir

“*management*’ nou met li “*managing*.” E i kontinyen “*of the affairs of the Secretariat*.”

So pou fer sans, nou ava lir li avek son *chapeaux*;

“*The Manager shall report to the Chairperson of the Board and shall, inter alia, be responsible for implementing the decisions of the Board and managing of the affairs of the Secretariat*.”

MR SPEAKER

Mersi. Onorab Georges?

HON BERNARD GEORGES

Mersi Mr Chair. Mr Chair, mon krwar zot tou zot in vwar egzakteman kot mon pe vini. *I want to move an amendment to the amendment proposed as a simple amendment e pou delete dan dezyenm parti (a) the word “of” so that it reads “managing the affairs of the Secretariat.”* Mersi.

MR SPEAKER

Thank you.

HON BERNARD GEORGES

It’s a simple amendment Mr Chair. E permet mwan pou eksplike ki prosedir dan sa Lasanble se ler en dimoun i move en simple amendment and there are no objections, it is nodded through.

But when somebody moves a simple amendment and somebody objects, then it

must go to a vote. E set egzakteman sa ki nou'n fer bomaten. Mersi.

MR SPEAKER

Bon, mersi. Se sa. Onorab Pillay?

HON SEBASTIEN PILLAY

I'm objecting Mr Speaker.

MR SPEAKER

Objecting to the amendment?

HON SEBASTIEN PILLAY

Yeah.

MR SPEAKER

Ok. Bon, mon santi – mon santi ki i annan en pe eleman obstruction dan sa ki nou pe fer.

HON SEBASTIEN PILLAY

(Off-Mic)

MR SPEAKER

Mon pe koze Onorab Pillay! Mwan mon'n prosed, mon'n swiv prosedir dapre sa ki mon konpran.

E prosedir dapre sa ki mon konpran se ki si en amannman i ganny propoze e napa lobzeksyon, nou aksepte li. E me selman si en Manm i obzekte, i mazine i soz.

Mon pe war en pe frivolite dan mannyer bann Manm pe reazir. E mon krwar poudir en kote pe zis obzekte aköz lot

kote in mansyonnen. E *vice versa*.

So, mon pe demann tou pour nou silvouple pour nou kapab travay e swiv prosedir san tro bokou *delay* lo sa. Ki nou annan sa konprenezon lo sa prosedir.

Bon, Onorab Pillay in *raise en objection*. Ou le dir aköz?

HON SEBASTIEN PILLAY

Mersi Mr Speaker. Mon lobzeksyon i prosedir, aköz mon santi poudir si nou *allow* Manm ki'n *move* sa lamannman lo lamannman – i fer sa partou li. *Without* li menm li vin avek son propozisyon lamannman.

E taler letan nou nou'n fer en propozisyon, be ou'n dir ek nou koumsa pa anmenn frivolite dan nou desizyon. So nou ava les li *up to* ou.

Aköz i annan en pwen ki ou, ou annan. E sa se ou ki determinen final, si ou pou konsider lamannman ki'n anmennen konman en lamannman senp. *In which case*, ou pa le *move* li *to a vote*.

So, apre ki ou'n fer sa *statement* ki ou'n fer, ki ou pare pou asire ki tou lede kote i pa fer desizyon dan frivolite, nou ava les sa dan ou lanmen pour ou pran en desizyon. Mersi.

MR SPEAKER

Bon, eski Manm i war sa amannman konman en amannman ki zot annan okenn kestyon e ki zot pa dakor ki i pase konman en senp *amendment*?

Ok. Dan sa ka nou a konsider li konman en senp *amendment*. Onorab Hoareau, ou a kontinyen.

HON JOHN HOAREAU

Mersi Mr Chair. Nou prezan lo paz 9, *subsection (f)* i lir koumsa; *explaining the policies and procedures to a person* - so nou'n tir "*the*" nou'n met "*a*" person "*referred to him or her, or other interested parties.*"

Aprè *(f)* nou pou *renumber consequently* tou sa bann lezot provizyon ki vini. So aprè *(f)* i ava vin *(g), (h), (i), (j), (k), (l), (m)*.

Nou al prezan lo paz 10. Parey mon ti pe eksplike o paravan, i annan en pti mankman ler *Bill* in ganny Gazete lo kote "*a terminal illness*".

An vi ki Fon Pansyon i deza pe donn benefis bann dimoun ki *terminally ill* ki en fason zot kapab *enjoy* zot pti larzan avan zot kit sa *monde*, alor sa provizyon in ganny mete la pou met li – pou *tidy li up* avek *practice* ki i deza pe ganny fer par Fon Pansyon.

So, (10) - *subsection (10)(a)(v)* i lir koumsa; "*a terminal illness.*"

MR SPEAKER

Thank you. Mon pa'n war okenn lanmen leve pour komanter Onorab. *Panel*, si i annan okenn komanter. Parey labitid nou kontinyen, amwen ki zot lev lanmen. Onorab Hoareau?

HON JOHN HOAREAU

Nou prezan al lo paz 12. Anba *Part 5* anba *Appeals Committee*. So, *subsection (5) – (13) (5)* "*The Minister may, upon the recommendation of the Appeals Committee.*" Ok? E nou retir "*Board.*"

Aprè, nou kontinyen anba *subsection (6)*.

MR SPEAKER

Eskiz mwan Onorab. Diriz mwan – dir mwan ankor sa dernyen seksyon ki ou'n mansyonnen la zis pour mwan kapab swiv.

HON JOHN HOAREAU

In (13) (5) lo paz 12.

MR SPEAKER

Ok-ok, mon'n *catch up* avek ou, wi.

HON JOHN HOAREAU

Lo pour mwan i paz 12. Eskize, petet i annan en pti *discrepancy* lo bann nimerò

paz ki manner in ganny *print*.
Lo pour mwan i 12.

MR SPEAKER

Wi, lo pour mwan osi i 12, wi.

HON JOHN HOAREAU

Ok, so subsection (6) "The members of the Appeals Committee shall receive such remuneration as may be determined by the Minister responsible for finance in accordance with government policies." Sa i standar ki nou mete dan tou bann *Clause* ki en pe parey.

Nou al aprezan anba *decision of on appeal*. Bon, ti annan en pti pe si ou le, diskisyon lo nivo anvi ki *Appeals Board* ki konpri 3 dimoun. Ki si ou get zot kalite dimoun ki pou asiz lo *Appeal*, zot ti *far inferior* avek *the main Board*. *Ok*.

So, dan sa ka en prensip ki normal – par egzansp si ou pe get tou bann *Appellate Board*, ordinerman bann dimoun ki asiz konman bann *Appeal Judges*, zot *Senior Judges* dan sa ka.

So, menm fason dan le menm lespr nou pe get sa, nou ti vwar li ki dan sa konteks sa *Appellate Body* i ti en pti pe *inferior to the main Board*.

Alor, nou'n sey *mitigate* sa lefe ki kalite determinasyon ki kapab fer an azoutan *(d)*

dernyen. So nou pou al lo *(c)* avan.

Lamannman ki annan pour *(c)*. *(c)* i dir bann desizyon ki i kapab pran lo *Appeal*; "*set aside the decision of the Board and make a decision in substitution for it; or.*"

Aprezan nou al lo *(d)* "*give such directions to the Board as the Appeals Committee may consider.*" Sorry, mon a re lir sa. "*give such directions to the Board as the Appeals Committee may consider necessary.*"

MR SPEAKER

Wi, Onorab Pillay?

HON SEBASTIEN PILLAY

Wi, mon krwar mon annan en konsern mon le eksprimen avek *panel*. Sa "*give such directions*" i bezwen an relasyon ek en desizyon ki *Board* in pran. Be manner ou pe met li, ou pe met li en pti pe tro larz.

Ou kapab *give such directions in relation to a decision taken by the Board*. *Because the Appeals Committee, i pa sit above the Board. I sit in relation to the decisions taken by the Board in regards to a case. Not the functioning of the Board on anything else.*

Be manner ou pe met li la, *you're not qualifying it*

enough. Petet sa i kapab annan en danze.

Aprè dezyenmman; Minis – the Minister for Health would also appoint. Li menm li ki pou appoint sa Appeals Board. So, zot pa'n konsider en lot opsyon. But right now, nou pe bring bann Board right back to where they were pre-2019. Which is dan lanmen bann political appointees.

That's the decision ki Gouvernman i le al ladan, that's your issue. Mon pe prezimen si ou kapab eksplik nou ki manner dan bann sirkonstans sa pou marse. E ou pa vwar sa en konsern. Then mon ava rest my case. Mersi.

MR SPEAKER

Onorab Georges?

HON BERNARD GEORGES

Mersi Mr Chair. Mr Chair, mon dakor avek pwen ki Onorab Leader Lopozisyon fek leve la lo (d). Me mon konsern i en pti pe diferan. *Definitely it's very wide* e sa i en konsern li menm.

Me dezyenmman, mon pe demann mwan ki diferans i annan ant (b) avek (d)? Akoz dan (b) ler zot *set aside* en desizyon, zot kapab fer en rekomandasyon ki sa Board i fer en *new determination*.

So, *usually* dan en *appeal* i annan 3 keksoz ki

kapab arive. *You confirm the decision of the Board dan (a). Fine. Ou set li aside dan (b) e ou fer en nouvo determinasyon ou menm. Oubyen (c) ou re anvoy – ou refer en lot keksoz.*

Me la mon pa vwar en distenksyon ant (b) avek (d). Mon krwar ki kekfwatou lede *is going in the same direction. Unless of course* ki mon pe mank en keksoz. Mersi.

MR SPEAKER

Mersi. Onorab Esparon, ou ti lo menm pwen? *Sorry*. Onorab Henrie ki ti'n lev lanmen, wi?

HON GERVAIS HENRIE

Mersi Mr Chair. Bonzour tou dimoun. Mr Chair, dan *Bills Committee* letan nou ti pe diskite lo pwen ki pou *set aside* desizyon, i al en pti pe anliny avek sa ki Onorab Hoareau ti pe dir. Akoz nou ti santi poudir the *Appeals Board* zot – mon pe rod en mo pour mwan dir ki-

Ler nou pou met zot ansanm baze lo zot – *the pool of expertise* i pli lour dan son *main Board* anba. E nou panse poudir zot *Board* anba i pou'n probableman fer desizyon korek *as to* akoz en dimoun pa kalifye.

E prezan anler kekfwatou i ti kapab mank en pe keksoz pour zot kapab zis *overturn* en desizyon. So nou pa'n kapab

vremen zis trouv *the right formula*. So nou'n vin avek sa *as the best option*. So i reste pour Lasanble amelyor lo la.

Lot pwen ki *Leader* Lopozisyon in fer, kot zafer bann lapwentman i vin dan lanmen politisyen. Me par lefet - mwan mon rekonforte par lefet ki kalifikasyon bann dimoun ki pou lo *Board*, ki swa *Appeals* ouswa *the main Board* anba, i ganny definir dan Lalwa.

De tout fason i pou bezwen en Minis ki en politisyen dayer ki pou apwente. I bezwen annan en dimoun ki pou apwente.

Selman mon napa okenn krentif *as in* konmsi en politisyen pou pran son Sekreter Sekter e pou met lo *Appeals*. Non, i pa pou fer sa. I pou pran li baze lo son kalifikasyon ki merit vin lo sa *Board*. Mersi.

MR SPEAKER

Mersi. Nou a ekout lopinyon *panel* lo bann pwen ki'n ganny leve pour Manm –

(Interruption)

MR SPEAKER

Nou a ekout lopinyon *panel* lo lopinyon ki Manm in eksprimen. E apre Manm a kapab konsidere si i annan en *simple amendment* ki zot anvi

propoze. *Panel?* Minis nou a pas kot *PS Valentin?*

PS BERNARD VALENTIN

Mersi Mr Speaker. Nou Mr Speaker, dan enplimantasyon sa Lalwa, nou zis enterese ki i annan en *Appeals process* ki marse e ki mars byen. So nou reseptiv avek okenn amannman ki bann Onorab Manm Lasanble ti a kontan fer. Mersi.

MR SPEAKER

Ok. Eski i annan amannman ki nou kapab konsidere konman en amannman ase senp, pa enn ki konplike, ki *reword* tou keksoz ki la? Akoz sa pou vin konman en *major amendment*. Onorab Pillay?

HON SEBASTIEN PILLAY

Mersi Mr Speaker. Malgre nou kote latab nou pa – nou'n eksprim nou pozisyon lo sa Lalwa. Me lefe i reste ki avek mazorite dan Lasanble, sa Lalwa pou pase e i pou ganny enplimante. E ler i pou ganny enplimante i pou afekte Seselwa la deor.

Nou pa ti a kontan dan son konpozisyon, en antite ki annan en desizyon pou fer lo Seselwa, i annan serten mankman oubyen zot mont lo lipye kanmarad ki kree en konfli dan lonterm.

Posib. Definitivman nou, ler nou ariv dan Gouvernman,

nou pou sanz serten prekonizasyon pou fer ki sa 2 *Board* i konpletman diferan. Me pour lemoman sityasyon i konm tel.

Mwan mon krwar alors ki sa bann lamannman ki pe ganny propoze par lao sa 2 lezot, i an plis. I pa neser. Ou'n deza dir poudir an relasyon avek sa *Board*, *Appeals Board* i kapab 1); *confirm* desizyon sa *Board*.

Dezyenm; *set aside* desizyon sa *Board* e rekomannde ki i fer en nouvo determinasyon.

Oubyen (c), *set aside* desizyon *Board* and fer en desizyon, *substitute for it*. Sa 3 i ase. Larestan mon krwar i *surplus to requirements* aköz desizyon – direksyon-

En *Appeals Board* pa kapab donn direksyon en *Board* ki li menm li i pe *regulate* son *own proceedings*. Ki ou'n fini fer kler ladan.

So mon krwar sa enn anba pa neser. I en propozisyon deza li so, nou zis pa aksepte ki i sa. La vwala mon lopinyon dan lentere dimoun la deor. Mersi.

MR SPEAKER

Ok. So, propozisyon se ki (d) i ganny *delete* si mon konpran byen. Onorab Hoareau, *is that the case?*

HON JOHN HOAREAU

Yes, Mr Speaker. Petet mon krwar nou a kapab pran en vot lo la si nou le *delete (d)* si nou war li *surplus to the recommendations*.

MR SPEAKER

Ok. Eski nou a – Onorab Georges?

HON BERNARD GEORGES

Mersi Mr Chair. Mr Chair, mon pe sey rekonsilye sa 2 largiman ki'n ganny souleve la bomaten. Mon napa okenn preferans. Mon preferans mwan si mon ti annan enn, ti ava pou *delete (d)* parey Onorab *Leader* Lopozisyon in mansyonnen.

Me li menm li i ti'n propoz en lamannman - i pa ti'n propoz en lamannman, me i ti'n soulev en largiman san propoz en lamannman pli boner, ki kekfw a i annan serten merit ladan. E kekfw a i ava rezwenn en pti pe sa ki *Bills Committee* ti anvi fer.

E sa se *limit (d)* a en desizyon ki devan sa *Appeals Board – Appeals Committee*. E donk, kekfw nou ti a kapab – mon ti ava propoze ki nou annan 2 swa devan nou.

Enn se *delete (d)* konpletman. E lot se gard (d) e azout sa bann mo swivan; “*give such directions to the Board as the Appeals Committee may consider*

necessary in relation to an Appeal before it."

Donk, *limit li to the "Appeal before it."* E la kekfwa i ava al en pti pe pli lwen ki (b). Akoz – sorry. Wi, en pti pe pli lwen ki (b) kot zis zot re anvway kot *Board* e demann *Board* fer en nouvo *assessment*.

Me dan (d) zot kapab donn direksyon olye les sa *to the Board to make the new assessment*. Zot donn direksyon egzaktaman sa ki zot ti a kontan vwar *to the Board*. *And of course*, se *Board* ki ava decide.

Mon pe fer sa 2 propozisyon parey mon'n dir, mon napa gran preferans ant tou lede. Me sa dezyenm propozisyon i *capture* en sizesyon ki'n ganny fer. Mersi.

MR SPEAKER

Ok. Bann Manm e *panel* osi, donk pour nou *settle* sa, nou pou bezwen pa'n sa 2 *possible amendment* enn par enn. E premye *logiquement*, se en *amendment* pou *delete* (d) konpletman. Si sa i fini, donk lot i tonbe.

Me selman si Manm i anvi al lo lot *amendment*, zot devret aksepte ki nou gard li e nou a pran lot *amendment*. Onorab Pillay, wi?

HON SEBASTIEN PILLAY

Mr Speaker, annou pa fer nou travay difisil. Mwan menm mon ki ti soulev tou le de konsern. Propozisyon ki pe fer i pou zwenn konsern ki mon annan e dan lentere piblik la deor.

So si nou pe gard (d) e nou pe met en kler definisyon ki sa i dil ek en *appeal*, i zis i senp. *It becomes a very simple amendment that it relates only to an appeal*.

So there's no point ki nou retourn lo *the deletion*. Nou kontinyen ek sa enn e me nou fer lamannman avek sa ki'n ganny propoze dan Lalwa la, *and we move on*. Mersi Mr Speaker.

MR SPEAKER

Mersi. Onorab Hoareau, ou ti'n fini propoze ki nou *move* (d). Ou le retourn lo la?

HON JOHN HOAREAU

Wi Mr Chair, mon krwar i rezonnab. E i toutafe lo pwen ki Onorab Georges in fer. So nou a fer met li, nou a *limit li to "in relations to cases before it – appeals before it."*

MR SPEAKER

Thank you. Eski...?

HON JOHN HOAREAU

Wi *"in relation to an appeal before it."* *"In relation to an appeal before it."*

MR SPEAKER

Thank you. Eski Manm – okenn Manm i annan okenn obzeksyon pour nou aksepte sa konman en simple amendment? Ok, si napa we'll go forward. The amendment is accepted. Mersi.

HON JOHN HOAREAU

Mr Speaker, aprezan nou al lo paz 15 anba *directions by the Minister*. Non, sorry. Anba *protection against legal proceedings*. Ok, paz 15, (20). Seksyon (20).

“A member of the Board, the Manager, or any person acting under the authority of the Board under this Act, shall not be liable – olye “to” nou met “for any loss, damage, claim”, eksetera, eksetera. So nou'n retir sa mo “to” nou'n met “for.”

Apre nou al lo paz 16 anba *First Schedule Consequential Amendments to the Social Security Act*. Parey nou konnen poudir sa Lalwa ki la i pou afekte 2 Lalwa. *Seychelles Security Act* *avek Pensions Act - Pension Funds Act*.

So, anba *amendment of section 2 clause (1) (a) “Functional Capacity Assessment Board” means the Board established under section 3 of the National Functional Capacity Assessment Board Act.*”

So nou pe refer avek sa Lalwa isi an sa ki konsern Lalwa *Social Security* pou refer avek sa Lalwa ki la.

MR SPEAKER

En moman. Wi, Onorab Pillay?

HON SEBASTIEN PILLAY

Mr Speaker, petet dan seksyon (20) trwazyenm laliny. *To any legal action “for a decision made in good faith”, i manke?*

MR SPEAKER

Sorry, mon fek retourn lo sa.

HON SEBASTIEN PILLAY

Ok, i seksyon (20) *protection against legal proceedings*, e trwazyenm laliny i dir – i basically dir sa dimoun *“shall not be liable for any loss, damage, claim or be subjected to any legal action.”*

Mon krwar petet i mank *“for a decision made in good faith in the performance of their functions.”*

MR SPEAKER

To any legal action...

HON SEBASTIEN PILLAY

Yeah. So i mank *“for a decision” or “for any action done in good faith.”* Mon pa konnen si ou le met *“for any action done in good faith” or “for a decision made in good faith.”* Mersi. I mank sa pti

bout pou fer li kler. I pa kler pour lemoman. Mersi.

MR SPEAKER

Sorry. Mon pa pe tro konpran ladiferans. *For any?* Lir mwan ankor silvouple Onorab Pillay.

HON SEBASTIEN PILLAY

Mersi Mr Speaker. Mr Speaker, si ou lir li byen, i pe dir sa dimoun poudir “*or be subjected to any legal action made in good faith in the performance of their functions.*” *A legal action.*

Pa sa *legal action* ki *made in good faith*. I sa desizyon ki sa dimoun in pran *which is made in good faith*. So nou mank sa bout *for a decision*. Petet *panel* i kapab zis enkli sa dan zot sa, si ou konpran mwan Mr Speaker.

MR SPEAKER

Wi, mon konpran ou e mon a sizere ki nou re get sa. Parske *any legal action made*. Mon pa tro sir si *made* i ale e soz - Onorab Georges?

HON BERNARD GEORGES

Non Mr Chair. Mon ti anv i zis pran laparol pou dir ki i annan parfetman rezon e i devret annan sa 3 mo. Me i pa ankor *move* son *simple amendment*. *If he does, it will be nodd ed through.* Mersi.

MR SPEAKER

Bon, ou'n propoz en *amendment* Onorab Pillay?

HON SEBASTIEN PILLAY

Mr Speaker, dan lespri grander lespri e pou *encapsulate* sa ki ou'n dir bomaten e pou montre mon koleg ki koumsa ki ou devret travay, mon propoz en *simple amendment* “*for any decision made in good faith*”, *ok?* Prezan i ava *nod* through Mr Speaker. Grandi.

MR SPEAKER

Eski okenn Manm i war sa konmen en - plis ki en *simple amendment* ki annan okenn obzeksyon? Nou kapab aksepte li konman en *simple amendment?* *Ok. It's done. Its accepted.* Onorab Hoareau, ou kapab retourn kot nou ti ete.

HON JOHN HOAREAU

Wi Mr Chair, nou lo menm paz 16. Paz 16 parey mon'n dir anba *Consequential amendments.* Prezan *amendments to the Pension Fund Act.* So, anba *amendments of section 2* premye *clause* i lir koumsa; “*The Pension Fund Act*” - nou retir sa bout *section 2*” of”, so nou konmans en *capital letter* “*The Seychelles Pension Fund Act 2005*” - So 2005 – “*(hereinafter referred to as the principal Act)* is amended in *section 2*” – prezan ki nou met

sa bout “in section 2, by repealing the definition “Medical Board.” Ensidswit.

Apré nou al lo paz 17. Paz 17 “Functional Capacity Assessment Board” means the Board established under section 3 of the Functional Capacity Assessment Act.”

MR SPEAKER

Bon. Ok, mon pa war okenn - lev lanmen.

HON JOHN HOAREAU

Aprézan i annan en new subsection – a new amendment of section 30 ki'n ganny mete. So i lir koumsa;

“Section 30 of the principal Act is amended by deleting the word ‘permanent’ in subsection (e).”

Apré nou al amendment of section 35. “Section 35 of the principal Act is amended by repealing the words “Medical Board” in subsection (2) and substituting them with the words “Functional Capacity Assessment Board.”

Nou al amendment of section 40. I pou lir koumsa. I pou katriyenm sa, en? So, anba section 30 i annan 2. Anba section 35 i annan 3. E la anba section 40 i annan 4.

“Section 40 of the principal Act is repealed and substituted with the following - “Incapacity pension

40 (1) i lir koumsa; “Where a member of the Pension Fund who has not yet retired is determined by the Functional Capacity Assessment Board to have capacity functioning restrictions under section 10(1)(a)(iii) or (iv) of the Functional Capacity Assessment Board Act and.”

Prezan nou al lo subsection (a) “that member qualifies for a pension under section 33 of the Act, then that member will receive a pension for life or for such period of time as determined by the Functional Capacity Assessment Board; or.”

I kontinyen (b) “that member does not qualify for a pension under section 33 of the Act, the member will receive a lump sum payment of the member’s voluntary and mandatory contributions to the Fund.”

I al lo (2) aprézan; “Where a member who is receiving a retirement pension dies and leaves behind, other than a spouse, a dependent with functioning restrictions determined under section 10 (1)(a)(iii) or (iv) of the Functional Capacity Assessment Board Act, the dependant is entitled to a pension of 40% of the deceased member's pension provided that the Functional Capacity Assessment Board’s

determination is furnished in support of the claim.”

Aprè sa nou annan *amendment to Amendment of Section (43)*. I zis bann *numbers* ki ganny – *of the clause* ki ganny *amended* la. So nou annan *instead of 3* nou annan 5. Aprè pou *Part 6, 7* i vin *6 instead of 4*. Aprè *amendment of section 56* *instead of 5* i vin 7. E sa i dernyen lamannman ki'n ganny propoze.

MR SPEAKER

Bon, sa i bann lamannman ki ase sibstansyel. So mon prezimen nou bezwen pran e vot lo la. Eski i korek pou pran li seksyon par seksyon pour nou konsidere, Onorab Georges?

HON BERNARD GEORGES

Non, non Mr Chair. I preferab pou pran li seksyon par seksyon. Mon ti'n lev mon lanmen akòz mon ti annan en *amendment to an amendment*. Me nou a fer li ler nou ariv lo sa seksyon. Mersi.

MR SPEAKER

Mersi. *Ok*. So, Onorab Hoareau, mersi pour soz. Nou a retourn seksyon (30). Premye seksyon mon krwar ki annan en *substantial amendment*. Nou a pran en Mosyon pour sa *amendment*.

HON JOHN HOAREAU

Mr Chair, mon pe *move* ki anba *Order (72)* ki *the following sections* are *amended*. *Section (30)-*

MR SPEAKER

Sorry, mon krwar dan *Standing Order* i dir ou-

HON JOHN HOAREAU

73.

MR SPEAKER

Ou pran li *amendment by amendment*. So si nou a pran li seksyon par seksyon e pran vot lo la, mon krwar i pou pli annord.

HON JOHN HOAREAU

Ok. *Alright*, so, anba (72) *Amendment of Bills*. So, la aprezan nou pou *amend* – mon pe *move* ki nou *amend section 30*.

MR SPEAKER

Mersi. Sa Mosyon a ganny segonde. Onorab Naidu?

HON SATHYA NAIDU

Yes, Mr Chair.

MR SPEAKER

Ok, nou a pran vot. Onorab Naidu in segonde.

HON SATHYA NAIDU

Wi, Mr Chair.

MR SPEAKER

Onorab Naidu in segonde. Nou a pran en vot lo sa *amendment*. Manm ki an faver, lev lanmen silvouple? *Thank you*. Manm ki kont?

Lo *amendment of section 30, 22* Manm in vot pour, 6 – sorry 0 Manm in vot kont e 5 Manm in *abstain*. So sa *amendment* in ganny adopte. *Section 35* prezan Onorab Hoareau?

HON JOHN HOAREAU

Ok Mr Chair. *Still* anba *Order (72)*, mon le *move* ki *amendment of section 35* i ganny konsidere.

MR SPEAKER

Nou a ganny en segonnman, Onorab Naidu?

HON SATHYA NAIDU

Mon le segonn sa lamannman ki pe ganny propoze Mr Chair.

MR SPEAKER

Mersi. Manm ki an faver, lev lanmen silvouple? *Thank you*. Manm ki kont?

Lo *amendment to section 35, 22* Manm in vot pour, 0 kont e 5 in *abstain*. *Amendment to section 40*, Onorab Hoareau?

HON JOHN HOAREAU

Mersi Mr Chair. Anba *Order (72)* ankor mon le *move* ki *amendments of section 40* i ganny konsidere.

MR SPEAKER

Mersi. Nou a ganny segonde, Onorab Naidu?

HON SATHYA NAIDU

Yes, Mr Chair. Lamannman in ganny segonde.

MR SPEAKER

Wi, Onorab Georges, ou le – ou ti'n dir ou le propoz en *amendment to an amendment* la.

HON BERNARD GEORGES

Yes, mersi Mr Chair. Anba *Order (73)(3)* mon pe *move to amend* seksyon (40). Sou seksyon 2. *That is 2 in English*, dan son senkyenm laliny pou ranplas “*is entitled to*” avek “*shall receive*.”

E rezon pour sa lamannman i dir ki, ler en dimoun i mor e i kit deryer li en *spouse* oubyen en *dependant* ki annan restriksyon fonksyonnel, sa dimoun ava apre ki in ganny *assessed* par sa *Board*, resevwar 40poursan sa ki - sa pansyon ki son *spouse* oubyen ki son paran ti pou'n resevwar si zot pa ti'n mor.

Mon vwar ki sa 3 mo “*is entitled to*” i en pe tro vag akoz zis i donn li *entitlement*. Me mon krwar *that the intention is* ki i pou ganny 40poursan. Alor mon sizesyon se pou

ranplas “*is entitled to*” avek “*shall receive.*” Mersi.

MR SPEAKER

Mersi. *Panel* si zot annan okenn lopinyon, silvouple sinyale. Antretan, eski Manm i annan okenn obzeksyon ki nou tret sa konman en *simple amendment*?

Bon, mon krwar *panel* i dakor e napa obzeksyon lo Manm. So nou a tret sa konman *amendment* - konman en *simple amendment*.

HON BERNARD GEORGES

Yes, Mr Chair. *Whether it's simple or not*, si Manm i vot pour li, *it becomes an amendment to the amendment*. Apre nou vot lo *the clause as amended by the amendment*. Mersi.

MR SPEAKER

Wi. Me nou pa bezwen pran en vot lo sa *amendment*. Nou a zis pran en vot lo *clause as amended*. Onorab Hoareau, petet ou devret refer ou Mosyon so that we propose that the section 40 is adopted as amended.

HON JOHN HOAREAU

Yes, Mr Chair. So, anba *Order (73) (3)* mon pe *move* ki sa lamannman ki'n ganny propoze lo lamannman, i ganny konsidere.

MR SPEAKER

Mersi. Onorab Naidu, ou segonde?

HON SATHYA NAIDU

Yes, Mr Chair.

MR SPEAKER

Tre byen. Nou a pran vot lo *amendment of section 40*. Manm ki an faver, lev lanmen silvouple? Mersi. Manm ki kont? Lo *amendment to section 40 as amended*, 21 Manm in vot pour, 0 kont e 6 in *abstain*. Sa lamannman in ganny aprouve.

Ok, mon krwar sa i bann *major amendments* ki nou'n konsidere. I annan 2 pti *amendment* ki Onorab Hoareau in liste apre. Eski i annan okenn obzeksyon ki nou pran sa konman bann *simple amendment*? Ok, *there'll be none*. Nou'n ariv a lafen Onorab Hoareau? Tre byen.

HON JOHN HOAREAU

Yes, Mr Chair.

MR SPEAKER

Thank you. Nou a *move* dan Staz Lasanble pour *Third Reading*. Mon kapab ganny Mosyon pour *Third Reading* silvouple.

HON BERNARD GEORGES

Mersi Mr Speaker. Mr Speaker, annakor avek *Order (76) nou Standing Orders*, mon move ki *the Functional Capacity Assessment Board Act, 2024* i ganny lir – *as amended*, i ganny lir en Trwazyenm Fwa. Mersi.

MR SPEAKER

Bon, mersi. Nou a ganny segonnman, Onorab Esparon.

HON REGINA ESPARON

Mersi Mr Speaker. Mon segonn Mosyon pour ki *the Functional Capacity Assessment Board Bill, 2024 as amended* i ganny lir en Trwazyenm Fwa. Mersi.

MR SPEAKER

Mersi. Manm a vot lo Mosyon silvouple. Manm ki an faver, lev lanmen? Mersi. Manm ki kont? Lo *Formal Third Reading Functional Capacity Assessment Board Bill, 2024 as amended*, 21 Manm in vot pour, 0 kont e 6 in *abstain*. Donk sa *Bill* in aprouve par Lasanble e Madanm Clerk a fer en *Formal Third Reading*.

MADAM DEPUTY CLERK

Mersi Mr Speaker.

“This Act may be cited as the Functional Capacity Assessment Board Act, 2024, and shall come into operation on such date as the Minister

may, by notice published in the Gazette, appoint.” Mersi.

MR SPEAKER

Mersi. Bon, nou'n ariv a lafen travay lo sa *Bill*. Mon a remersye Minis e son delegasyon pour zot partisipasyon. E mon swet zot bonn kontinyasyon dan zot travay. E mersi bann Manm pour zot kontribisyon lo sa *Bill*.

Lasanble i ava pran poz la. Mon pa pou komans lo Mosyon deswit, akoz i pou annan zis en pti gin letan apenn pour son loter fer son lentrodiksyon. So mon ti a prefere war ki nou fer li ansanm. So nou ava *adjourn* ziska 11 er. E Lasanble a rebran lo Mosyon. Mersi.

(BREAK)

(Mr Deputy Speaker in the Chair)

MR DEPUTY SPEAKER

Welcome back tou dimoun e mon ava dir zot ankor enn fwa, bonzour. Nou pou kontinyen avek nou travay lo *Order Paper* pour sa Merkredi.

Nou prosen *item* lo nou *Order Paper* se Mosyon ki dan non Manm Elekte pour distrik Anse Etoile. Onorab Romain, mon ava envit ou pou prezant ou Mosyon. Ou ava segonde.

Aprè nou a retounn kot ou pour ou prezantasyon.

HON GEORGES ROMAIN

Mersi Mr Speaker. Bonzour tou Manm koleg Onorab e tou dimoun a lekout. Mr Speaker, mon Mosyon i al koumsa;

“Etandonnen ki Lendistri Touris pe kontinyen grandi e demann ozordi i pli egzizan, Lasanble Nasyonal i ankouraz nou zenn dan sa Lendistri pou delivre a en pli o standar e osi demann Lendistri pou rekonpans zot dan en fason apropiye. Mersi Mr Speaker.

MR DEPUTY SPEAKER

Mersi Onorab. Mon war Onorab Zialor pe endike ki ou pou segonde.

HON NADDY ZIALOR

Mersi Mr Speaker. Mr Speaker, bonzour. Anliny avek *Standing Order* (43)(2), mon pe segonn Mosyon table par Onorab Romain. Mersi.

MR DEPUTY SPEAKER

Mersi Onorab. Donk, le moman in arive pou prezant Mosyon. Onorab Romain, mon a donn ou laparol.

HON GEORGES ROMAIN

Mersi ankor enn fwa Mr Speaker. Mr Speaker, bann Manm Onorab, ozordi sa Mosyon ki mon pe anmenn devan Lasanble Nasyonal, i

vize pou met lanfaz lo rol kle ki Lendistri Touris i zwe dan nou lekonomi Nasyonal.

E pli enportan, sa Mosyon pe rod sipor sa Lasanble, pou ankouraz nou bann zenn pou partisip aktivman dan sa sekter ki vremen dinamik.

I enportan pour nou tou realiz lenportans e lavenir Lendistri Touris. E koumsa nou ava kree loportinite pou ankouraz zenn pou antre dan sa domenn.

Mr Speaker, sa Mosyon i vremen enportan, aköz Lendistri Touris i enn pilye mazer pour nou lekonomi. E dapre Departman Touris, ziska lafen Desanm lannen pase, sa Lendistri in kontribye \$960 milyon dan nou lekonomi, ki montre koman en pti zil ki mannyer nou lavi i relye direktman avek sikse Lendistri Touris.

Sa Lendistri i osi kree bokou loportinite pour lanplwa. E ozordi statistik in montre nou ki i kontribye 30poursan lanplwa dan Sesel.

Plizyer biznes i depan lo touris, enkli; lotel, restoran, *car hire*, taksi, fermye, peser, mizisyen, artizan ek bokou bann lezot pti biznes, ki fer ki sa Lendistri i annan en lenpak direk e endirek lo bokou sekter lekonomi dan Sesel.

Mr Speaker, sa Lendistri i osi anmenn bokou valer

azoute dan nou lekonomi. E egalman enportan e i anmenn en kontribisyon enorm atraver taks pour pei. E alor Mr Speaker, soutenabilite sa Lendistri, i devret toultan pe ganny revwar pour nou asire ki nou kapab maksimiz benefis nou Lendistri Touris.

Ozordi, Sesel i ganny rekonnet partou dan lemonn pour son destinasyon touristik. Pour son labote, son bann lans, son lanmer, son leritaz kiltirel ki vreman ris. San oubliy nou stabilite ki nou annan dan nou pei.

E alor Mr Speaker, i enportan ki nou sey mentenir e amelyor sa o standar ki'n fer Sesel parmi enn sa destinasyon ki meyer pour bann touris.

Nou bezwen fer sir ki nou touris i ganny en leksperyans inoubliyab. E sa i demann ki nou etidye zot bezwen e lekspektasyon e fer sir ki nou delivre lo la.

Nou konnen ki Lendistri Touris Sesel in demontre en logmantasyon remarkab dan bann lannen pase. Malgre defi global, enkli resaman avek pandemi *COVID-19*, nou Lendistri in montre rezilyans e abilite pou adapte, gras a en Gouvernman ki'n byen kalkil son stratezi konman en pei ki'n donn lelan sa Lendistri.

Pandan sa letan difisil kot touris ti rekomans retourn

Sesel, nou'n vwar bann operater touris leve e rod nouvo fason pou atir viziter. Zot ti revwar striktir zot pri. Entrodwir nouvo *package* enteresan e servi teknoloji pou *market* zot prodwi pli byen.

Avek sa logmantasyon viziter ki'n arive gradyelman apre *COVID*, i annan en demann pou kontinyelman agrandi ekselans dan nou servis e revwar nou stratezi koman en pei pou atir plis touris isi Sesel.

Dapre Biro Statistik, kantite touris ki'n antre ziska 24enm semenn an 2024, i 4poursan pli o ki 2023. Ki tonm en pti pe par lao 6 mil viziter an plis sa lannen.

Akoz touris ozordi Mr Speaker, i pli egzizan ki zanmen. Konpetisyon i for la deor e zot ekspekte servis dan en nivo o ler zot depans zot larzan.

Sa set aköz zot pe viv ver prodwi de kalite avek en leksperyans inik. E pou zwenn sa bann demann, i enportan ki nou investir dan nou resours imen ki deservi sa Lendistri, pour nou donn nou latous Seselwa.

Me an menm tan, asire ki nou annan mendev de kalite pou kapab siport sa servis. Sa prodwi ki Sesel i ofer avek nou bann viziter. E ler nou koz mendev, se la kot nou vwar lenportans nou bann zenn e

rol ki zot kapab zwe dan sa Lendistri.

Mr Speaker, lavenir sa Lendistri i avek nou bann zenn akoz se zot ki pou anmenn nouvo perspektiv, lide inovativ e sa lenerzi ki neser pour nou gard nou Lendistri vivan e konpetitiv. Bann zenn i annan sa kapasite pou adapte vitman avek nouvo sityasyon. E zot kapab enspir e anmenn en nouvo dinamiz dan sa sekter.

I esansyel alor ki nou ankouraz plis zenn pou vwar karyer dan Lendistri Touris, koman enn ki vo lapenn e ki pour zot i annan en rannman.

Nou devret kree bann program ki fer sa Lendistri vin atiran pour en zenn. E ki sa zenn i vwar loportinite pou devlopman profesyonnel, e ki i kapab ganny en karyer stab.

Ozordi, STA i sa lenstitisyon ki furni pli gran kantite zenn dan sa Lendistri. Mr Speaker, pandan sa dernyen 5 an depi 2019 ziska 2023, STA in toultan pran par anba 300 etidyan par lannen.

E i donn zot sa fondasyon e konesans dan debaz pou deservi sa Lendistri e osi furni Seselwa kalifye, dan en zefor pou kapab ranplas bann etranze.

Dapre lenformasyon ki STA in donner, lannen pase zot ti kapab pran selman 267 etidyan, menm si zot ti annan par lao 300 aplikan ki ti'n

demontre lentere pou zwenn sa lenstitisyon.

Sa set akoz zot ti met lanfaz lo asire ki tou etidyan ki ti kalifye pour en plas kot STA, i zwenn serten kriter akademik e non pa vin zwenn sa lenstitisyon akoz ti napa en lot swa.

Statistik in osi montre nou ki zis 71poursan etidyan STA ki *graduate* tou-le-z-an. Savedir 29poursan etidyan pa fini zot kour kot STA. Ti ava enteresan pou konn lakoz sa statistik Mr Speaker.

Me Mr Speaker, eski nou pe byen sansibiliz nou bann zenn? Eski nou pe al anver en target bann zenn ki serye e ki anvi en karyer dan sa Lendistri?

Bokou fwa ler bann zenn i mazin en karyer dan sa Lendistri, zot pe mazin kwizinyen, *barman*, *waitress*. Me eski nou pe demontre avek bann zenn ki lanpler en karyer dan sa Lendistri i kapab anmenn?

Eski nou pe sansibiliz nou bann zenn ki ankor dan segonder, pou eksplik zot ki en karyer dan Sekter Touris i tous bokou lezot louvraz, e pa zis dan lotel? Sa kantite louvraz i vas.

Nou pe koz lo Lazans Vwayaz, lo bato, tour operater, bann gid, bann Sant Plonze. Lezot bann pti akomodasyon.

Bann pti biznes artizanal.
Bann biznes *Eco Tourism*.

E la avek *platform* nimerik, i annan bokou plis loportinite biznes pour bann zenn ozordi ki annan sa kreativite. E Mr Speaker, tou sa bann diferan lanplwa, byensir i vin avek son benefis.

Dapre statistik Biro Touris pandan sa dernyen 5 an, selman lanmwaye etidyan ki'n kit *STA* ki'n antre edan lanplwa formel. Kote lezot in ale, Mr Speaker? Eski nou kapab rod fason pou fer sa Lendistri vin pli atiran pour bann zenn ki pe sorti kot *STA*?

Ledikasyon e formasyon i fondamantal pou prepar bann zenn pour sa Lendistri. Nou bezwen kontinyen asire, ki nou bann lenstitisyon edikasyonnel parey *STA* i ofer programm apropiye, e ki lo kalite ki donn nou bann zenn kapasite e konesans neser pou devlope.

Sa i enkli bann formasyon teknik. Bann loportinite pou al fer bann *attachment* dan landrwa travay kot i annan en langazman formel avek en programm an plas pou devlop sa etidyan. E osi en swivi tre pros pou asire ki i ganny sa konesans pratik dan sa Lendistri.

Akoz nou konnen Mr Speaker, i annan enn de landrwa travay ki ler i annan

sa bann etidyan ki vin fer zot programm *attachment*, zot pa donn lentere sa bann etidyan, aköz zot pa fer sa letan pour zot. Me plito zot fer sa bann etidyan fer bann louvraz ki pa relevan. E sa i osi ede pou dekouraz zot pou al dan sa karyer.

STA i osi kapab eksplor plis lesanz avek bann lezot pei e lezot lenstitisyon enternasyonal, pou anrиси kalite zot programm ki zot ofer. E an retour, fer lantrennman pli relevan. E ki nou a vin pli konekte ek sa ki en touris pe rode ozordi.

Mr Speaker, laprantisaz e devlopman i osi en keksoz ki devret kontinyel. Zot ledikasyon pa sipoze terminen apre zot formasyon kot *STA*. Dapre statistik, nou'n vwar an mwayen ki zis 8poursan bann etidyan ki *graduate* sorti *STA*, ki ganny bann labours oubyen lezot loportinite lantrennman.

Mr Speaker, petet sa i en statistik ki nou bezwen ogmante, e asire ki plis zenn i kapab benefisye avek bann tel labours. Petet sa i ava en lankourazman pour zot osi zwenn *STA*, si zot konn loportinite ki egziste pour zot.

Sa i en keksoz ki *STA*, Minister pour Touris, ansanm avek Minister Ledikasyon i kapab eksplote pou asir sa koman en *incentive* pou

ogmant bann zenn ki annan abilite pou zwenn STA.

Mr Speaker, ler en zenn i antre dan lanplwa dan Sekter Touris, nou bezwen kapab re tenir sa zenn pour li reste dan sa Lendistri. Ki bann *incentive* ki sa sekter i kapab ofer pour zot reste?

Petet nou merit revwar lafason ki nou rekonnet zot kontribisyon dan sa sekter. Donn bann *package* ou saler atiran. Loportinite pour lavansman dan zot karyer. E asire ki i annan en lanvironnman travay ki soutenab pou motiv zot.

Nou bezwen kree en lanvironnman, kot bann zenn i santi zot apresye zot louvraz e ganny valorize. Zot bezwen ganny ankouraze pou fer bann formasyon kontinyel pour zot toultan reste azour avek bann nouvo devlopman ek tandans dan sa Lendistri.

Me, sa Mr Speaker, pou depan bokou lo sipor letablisman touris ki zot pe travay avek, pou donn zot sa bann loportinite.

Sa i kapab enkli bann lesanz ou menm lantrennman formel atraver bann gran lasenn lotel ou lezot biznes touristik. Oubyen menm lesanz atraver Lakor Bilateral ant bann pei ki anvi korpore ek Sesel.

Gouvernman i kapab osi vin ek bann Polisi e osi

incentives ki siport bann letablisman ki anploy plis bann zenn Seselwa dan sa Lendistri. Me pli enportan dan serten pozisyon kot Seselwa i merit annan priyorite pour lanplwa, konpare ek en etranze.

Me an menm tan, nou bezwen lans lapel avek bann zenn pou kontinyen travay dir e prouv zot lekor, pou kapab asir sa bann loportinite, akoz zot kapab fer li.

Nou osi devret asire ki bann mezir i an plas pou siport bann nouvo lantrepriz dan Sekter Touris, sirtou bann ki ganny dirize par zenn. Annou rod fason pou ed zot devlop en konsep pour zot biznes ou proze. E ed zot pou konn rod finansman pou demar zot dan sa Lendistri.

Mr Speaker, sa Mosyon ki devan nou i en lapel pour aksyon. I en lapel pou rekonnet rol endispansab touris dan nou lekonomi nasyonal. E pour nou pran bann mezir pou asire ki sa Lendistri i kontinyen fer byen. Akoz se sa ki pe kree larises dan nou pei.

Nou bezwen travay ansanm pou kree bann loportinite ki ankouraz zenn pou antre dan Lendistri Touris. E pli enportan, pour zot reste dan sa Lendistri.

Retenir en karyer, koumsa nou ava redwir

depandans lo etranze dan sa sekter. Par ankouraz nou bann zenn pou annan en karyer dan sa Sekter Touris e par rekonpans zot zefor dan en fason apropriye, nou pe non selman asir lavenir sa Lendistri, me osi amelyor prosperite nou nasyon.

Nou bezwen fer sir ki bann zenn i santi zot annan en plas enportan dan devlopman Sesel e ki zot kontribisyon i ganny rekonnèt e valorize. Akoz se zot ki lavenir nou pei, Mr Speaker.

E avan mon terminen, mon le pran sa loportinite pou felisit tou Seselwa ki pe donn tou dan sa Lendistri. Espesyalman bann zenn ki pe deza travay dan sa sekter e pe demontre zot kapabilite byen ozordi koman bann Seselwa dan sa Lendistri.

Mr Speaker, la mon ti a kontan fer en mansyon enn de bann Seselwa ki'n konmans byen zenn dan sa Lendistri e ki ozordi zot bann legzanp pour bokou nou.

Nou'n vwar Mr Lucas D'offay kot Lotel *L'Archipel* ki'n kontiny dan lepa son papa. Nou osi vwar Ms Natasha Hoarau. En lot zenn ki pe *manage* Lotel *Palm Beach* e ki li osi in swiv dan lepa son paran. Nou osi annan Mr Robert Payet ki pe *lead* *Le Duc* Praslin.

Sa Mr Speaker, i 3 legzanp bann zenn ki'n persevere e zot in kapab montre ki ler ou travay dir, ou kapab al lwen dan sa karyer. Zot en model pour nou bann zenn. E la mon asire i annan plizyer lezot ki pe travay dir ozordi pou agrandi zot karyer.

E la mon osi profite pou felisit Mrs Doreen de Letourdie ki'n sorti konman en *Resort Manager*. E ozordi i en premye madanm Seselwa ki pe *manage* en gran lasenn lotel enternasyonal *Double Tree Hilton Seychelles*.

Mr Speaker, Sesel i fyer pour zot akonplisman. E mon anvi dir zot kontinyen travay dir e kontinyen enspir nou bann zenn.

Mr Speaker, mon osi oule pran sa loportinite, pou osi felisit Minis Radegonde e son tim dan Minister Touris pour zot zefor pou promouvwar nou pei konman en destinasyon atiran.

Mon felisit bann landrwa travay ki ouver zot laport pou donn loportinite bann zenn pou aprann dan sa Lendistri.

E mon oule osi remerisi tou bann ansenyan kot *STA* e osi bann ansyen direkter, tel ki Mr Flavien Joubert e Mr Terrence Max pou gid progre *STA* pandan sa dernyen lannen.

Pou terminen Mr Speaker, mon sipli avèk sa

Lasanble pou sipòrt sa Mosyon, akòz i pou ede pou non selman fer Sesel vin en destinasyon ki kontinyen atir bann viziter, me i osi vin en destinasyon kot nou bann zenn i santi zot enspire pou fer en diferans e vwar en plas pour zot dan sa Lendistri. Mersi Mr Speaker.

MR DEPUTY SPEAKER

Mersi Onorab Romain. Loter Mosyon in koz egzaktman 15 minit dan son entervansyon. So annakor avek *Order (57) (11)*, mon pe dir avek tou bann Manm ki mon pe set en *time limit* 15 minit, akòz mon war lentere bann Manm pou koz lo sa size.

But mon pe donn zot tou sakenn *maximum* 15 minit pou entervenir lo sa size. Prosen entervenans ki'n demande se Onorab Phillip Arissol.

HON PHILLIP ARISSOL

Mersi Mr Speaker. Bonzour Mr Speaker, Manm Onorab Lasanble Nasyonal e tou dimoun ki pe swiv nou.

Mon pran laparol ozordi pou aport mon sipòrt total sa Mosyon ki Onorab Romain in met devan. En Mosyon ki pe demann nou bann zenn e Lendistri Touris pou fer zefor pour ekselans e demann Lendistri pou rekonpans zot zefor.

Anmezir ki nou temwanny krwasans kontinyel dan Sekter Touris Sesel, i enperatif ki nou rekonnèt rol enportan ki nou bann zenn i zwe dan form lavenir sa Lendistri esansyel.

Sesel avek son labote natirel ki manifik e lohospitalite salere son sitwayen, in depi lontan en destinasyon reserse pou vwayaze atraver lemonn. Sikse nou Lendistri Touris i depan lo devouman, pasyon e inovasyon bann endividi ki travay sanses pou asir leksperyans inoubliyab pour bann viziter lo nou zil.

Nou bann zenn i reprezant lavenir briyan Sesel. E i esansyel ki nou donn zot pouvwar pou delivre en servis eksepsyonnel e defann bann standar profesyonnel pli eleve dan Sekter Touris.

Ler nou investir dan devlopman konpetans, ofer loportinite pour krwasans e ankouraz en kiltir aprantisaz kontinyel, nou kapab ekip nou bann zenn profesyonnel ek zouti ki zot bezwen pou briye dan sa Lendistri Touris dinamik.

Mr Speaker, mon ti a kontan osi sipli avek bann adilt dan letablisman touristik, pou silvouple pa abiz nou bann zenn ki annan sa dezir pou travay dan sa Lendistri. Pa kree dekourazman pour zot, e ki

anfen nou war ki zot pa kontinyen dan sa Lendistri.

Mr Speaker, ler nou pe lans en lapel avek nou bann zenn pou ogmant nivo dan Sekter Touris, nou devret osi rekonnet lenportans pou rekonpans zot travay dir e devouman, konpasyon zis, rekonesans pour performans eksepsyonnel e loportinite pour lavansman i pa selman dezirab, me esansyel pou atir e retenir talan dan Lendistri.

Mr Speaker, i obligatwar pour tou dimoun ki annan lentere dan Sekter Touris, setadir Lazans Gouvernman Lasosyasyon Lendistri dan bann biznes loospitalite, *tour operator*, pou vin ansanm pou siport nou bann zenn e kree en lanvironnman kot zot kontribisyon i ganny apresye e realizasyon i ganny selebre.

Anmezir ki nou pe fer zefor pou ogmant standar dan nou Lendistri Touris e pozisyonn Sesel konman en destinasyon touristik mondyal, annou pa bliy rol enportan ki nou bann zenn i zwe dan sa demars.

Zot lenerzi, kreativite e devouman i bann lazout enportan ki merit ganny nourri e siporte. Annou pran sa langazman pour nou fourni zot resours e rekonesans ki zot merite. Asire ki zot annan loportinite pou briye e kontinyen dan en fason

signifikan dan sikse kontinyel dan nou Sekter Touris.

Pou konklir Mr Speaker, mon demann tou Manm Lasanble pou donn zot sipor sa Mosyon e angaz nou pou kontinyen siport nou bann zenn dan Lendistri Touris.

Ansanm annou ede kree en lavenir pli briyan pour Sesel, kot nou bann zenn i prospere, nou Sekter Touris i epanouir e nou nasyon osi i prospere. Mr Speaker, mon pou aport mon sipor pour sa Mosyon table par Onorab Romain. Mersi.

MR DEPUTY SPEAKER

Mersi Onorab Arissol. Prosenman lo lalis mon pou apel Onorab Bastienne.

HON DESHEILA BASTIENNE

Mersi Mr Speaker. Bonzour Mr Speaker. Bonzour tou koleg Onorab e bonzour tou dimoun a lekout.

Mr Speaker, Mosyon anmennen par Onorab Romain i annan gran lenportans. E sa ki fer li pli annan sa pli gran lenportans, se dan lenstans kot i pe osi demann zistis pour nou bann frer ek ser Seselwa. Osi byen ki nou bann zenn ki pe montre lentere pou devlop zot karyer dan Lendistri Touris dan nou pei.

Mr Speaker, parey Mosyon in fer sorti, nou

Lendistri Touris pe kontinyen grandi. E Mosyon pe osi demann ki nou bann zenn ki deza pe travay dan sa Lendistri, pou delivre a en pli o standar pour zot arive ganny rekonpanse dan fason apropiye.

Wi, Mr Speaker, etandonnen ki nou tou nou konnen ki Lendistri Touris i pilye nou lekonomi. I plis ki enportan ki servis i reste e kontinyen mont lo pli o standar posib pou ankouraz viziter retournen, vin depans plis ankor.

E osi annan sa lentansyon ede vann nou destinasyon e ankouraz zot bann frer ek ser dan lezot nasyonalitye pou vin Sesel e vin eksperyans sa bann zoli moman ki zot in pas atraver.

Mr Speaker, ozordi nou kapab dir ki bokou pti letablisman touristik pe fer byen. Repitasyon zot landrwa an premye, swivi par servis ki zot ofer, i ganny tre byen apresye.

Nou a dakor ki konmela i annan diferan grad touris ki vin dan nou pei Sesel. Bokou parmi sa bann touris nepli rod bann gro lotel, en landrwa ki pre ek bor lanmer ouswa ki pli pre ek semen piblik.

Zot plito rod en landrwa selon zot Bidze, me ki atraver son bann promosyon, zot dekouver ki i en landrwa

sekirite e i atrakte zot. E ki zot annan sa garanti ki zot sezour pou pas byen.

Ozordi nou war bokou pti Lendistri Touris ki'n etabli zot anler dan leo dan bann distrik. Me sa ki fer sa bann pti Lendistri vin pli popiler, reste fonksyonnen e kontinyen akeyir viziter, se son lanvironnman tre akeyan.

Son *view*, son trankilite, son dekorasyon li menm ki atir kliyan. Son lapropte. Lafason ki sa propriyeter ek son bann travayer zot akeyir sa bann kliyan. E bokou lezot keksoz ankor.

Mr Speaker, mon pou dir ki bokou letablisman touristik in reste ouver e fonksyonnen gras a bon travay Minister Tourizm e osi determinasyon nou Gouvernman. Mon dir sa aköz?

Pandan letan kot Sesel ti ganny tape avek *COVID*, ti en letan pli enkyetan pour lavenir nou pei aköz pep Seselwa i konnen ki touris ki ti gard nou lekonomi pli vivan.

Mr Speaker, ki nou war? Nou Gouvernman ti deside pou al tap laport e al rod vaksen. Met bann restriksyon ase sever, pour ki *COVID* pa ti enfeste nou pei an antye.

E i ti gard nou por ouver, nou erport ouver, kot menm dan *mask* nou ti war viziter kontinyen rantre Sesel. E la nou letablisman touristik

dousman ti kontinyen fonksyonnen e reste ouver.

Mr Speaker, la mon pou profite pou remersye tou bann letablisman touristik, gran lotel konman pti lotel ek bann *guest house*, ki pa ti ezite pou ouver zot laport avek bann Seselwa. Ofer bann *package* enteresan, ki ti ankouraz Seselwa an fanmir vin pas en wikenn dan zot letablisman.

Sa ti en linisyativ vreman enteresan. E bokou nou fanmir Seselwa ti profit sa lokazyon pou sorti dan lakour e al pas en lot leksperyans diferan. Mon pou dir *bravo* e mon pou tir *chapeaux* a tou bann letablisman touristik lo Mahe, Praslin, La Digue, Silhouette e plizyer lezot zil ki ti entrodwir sa bann linisyativ.

E Mr Speaker, bokou lezot landrwa osi ki ti pare pou akey Seselwa pandan bann letan kot nou ti pe pas atraver sityasyon *COVID*. E la sa ti en bon linisyativ pour zot kapab kit zot letablisman an mars.

Zot tou - tou sa bann letablisman touristik zot konnen lekel zot. Mon pa pou nonm non parske lalis i long. Me mon pou profite pou dir zot en gro mersi osi de lapar pep Seselwa.

Mr Speaker, dan sa Mosyon, i pe osi demande ki Lasanble Nasyonal i ankouraz bann zenn pou desarz zot responsabilite lo en pli o

standar. Me i vre ki nou pou bezwen vin fran. Ki tou nou sipor pour bann zenn i la, e touzour garanti.

Me i osi enportan ki nou dir mersi nou bann frer ek ser, ki pour bokou lannen e de lannen ki zot in rantre dan letablisman touris - ankour byen zenn, e zot pe vyei dan sa karyer. Sa i montre nou aköz bokou zot, zot in reste dan sa travay avek lanmour, aköz lanmour pour sa travay, menm ki sa saler pa ti satisfèzan.

Mr Speaker, Seselwa i anvi travay me zot bezwen plis lankourazman, tel ki pa reste dan menm pos de lannen e de lannen, kot zot kontinyen regard etranze pe mont par lao zot e zot, zot reste lanmenm ater.

I malere ozordi ler ou al dan en lotel ou war zis 2 Seselwa lo resepsyon, e zis etranze konman *barman*. E osi bann servez. Oli nou bann zenn Seselwa? Ki'n arive avek zot?

Mr Speaker, i tre enportan ki nou rode aköz, kwa ki pe dekouraz zenn Seselwa pou kontinyen travay dan Sekter Tourizm. I osi enportan ki nou prop Seselwa ki pe azir koman *supervisor* dan bann serten Lendistri Touris, zot vin en pe pli profesyonnel e pli toleran.

Dan plas ou maltret ou ser ek frer Seselwa, imilye li letan i fer en pti fot. I enportan ki ou apel li e koz avek li. E donn li en pli bon direktiv lo ki mannyer pou fer son travay pli byen. Se sa bann konportman parey ki nou war ozordi ki pe arive, ki bokou bann zenn i dekouraze e zot pa kontinyen zot karyer dan Lendistri Touris. E zot plito ale e kit plas pour etranze.

Mr Speaker, letan nou pe tous lo zenn dan sa Mosyon, mon pou osi sizere ki STA i vin pli ankourazan e atraver zot sipor pour bann zenn. Pou fer li pli fasil pour zot rantre dan Lendistri Touris apre zot kors. E ki STA i ankouraz bann lotel osi pou prioritiz nou bann zenn e donn zot loportinite pou devlop sa lentere e reste dan Lendistri Touris.

Mr Speaker, mon santi ki si STA i etabli sa kominikasyon pour ki bann etidyan apre zot kour, zot annan sa lapreferans pou reste dan sa lotel kot zot ti pe fer zot *attachment*, sa i a vin en fason pou ankouraz plis zenn vin zwenn Lendistri Touris. Akoz zot pou 100poursan annan sa lasirans ki zot karyer i sekirize.

Mr Speaker, mon pou fer en tel sizesyon akoz mwan mon menm mon personnelman mon fatigue war bann zenn apre zot kors. Wi,

zot ale zot *graduate*, me zot pa ganny anploye dan bann lotel. Zot kontinyen marse. Tap bann laport. Zot dir ou zot in al lekol STA. Zot in fer 2 an. Zot in fer 3 an. Me ozordi zot pa pe ganny sa sans pou al fer sa travay ki zot in al lekol.

Mr Speaker, ou a dakor avek mwan ki tou dimoun letan zot travay byen, zot onnet, zot annan lanmour pour zot travay. Zot toultan a ler, napa konze dokter dan zot fayl, touzour pare pou travay plis ki zot ler i rekomannde.

Byensir zot merit ganny en bon saler. Zot ekspekte ganny rekonnet. Zot ekspekte en promosyon apre plizyer lannen dan sa travay. Tel parey dan dernyen laliny Mosyon pe demande.

Pe demann Lendistri pou rekonpans travayer dan fason apropiye. Se sa ki nou ankouraz nou Seselwa – se pour se la rezon ki nou ankouraz nou Seselwa travay e donn tou.

Mr Speaker an terminan, mon pou ankouraz nou frer ek ser ki pe okip en letablisman touris pour zot byennet. E fason *welcome* zot kliyan i konmans par son larive lo airport li menm.

Zwenn zot kliyan pou *welcome* zot. Pran zot anmenn zot kot ou letablisman. Ou pa les ou kliyan grenpe pe trenn son valiz an montan. E sirtou i

annan bann ki annan zanfan avek zot.

Ou bezwen rann li sa faver li osi pour sa zour. E apre i a fer son deboury ki mannyer li i pou deplase, ki mannyer i pou fer son semen monte desann.

Akoz i sagrinan par ler, ou war kliyan in debarke lo en avyon, i pe trenn son valiz, i pe monte dan en montanny pour li ariv kot sa letablisman touristik.

Sa kliyan ki'n dakor pou li vin reste kot ou, ki'n dakor pour li fer son *booking* depi 6 mwan davans, li osi i bezwen ou sipor an arivan dan nou pei lo *airport* a son tour.

Mr Speaker, avek sa 2 mo, mon pou donn mon sipor Mosyon Onorab Romain. E mon espere ki nou a kapab anmenn, donn sa lankourazman tou nou bann zenn ki pe pran sa karyer pour zot al travay dan bann letablisman touris. Mersi.

(APPLAUSE)

MR DEPUTY SPEAKER

Mersi Onorab Bastienne. Prosen enterven an lo lalis se Onorab Esparon.

HON REGINA ESPARON

Mersi Mr Speaker. Sa Mosyon ki devan nou Lasanble anmenn par Onorab Romain i enn ki tre enportan e

ankourazan pour nou Lendistri Touris.

Parski i montre sa lenportans ki nou Lasanble i atase ek sa Lendistri, ki souvan ganny dekrir koman dibe lo nou dipen e pilye nou lekonomi.

Mr Speaker dan sa eleman ankouraz nou zenn dan sa Lendistri pour delivre a en pli o standar. I osi annan sa nesesite pour met plis divan anba lezel sa bann zenn, ki annan sa lentere e fer zot ariv pli lwen posib dan zot karyer.

E pour sa arive i bezwen osi annan en transformasyon kot nou get keksoz avek sa laspe pozitiv pour nou donn sans plis zenn pour monte. E nou devre kree sa lespas pour zot progrese dan sa karyer.

Ozordi malgre ki i annan bokou zenn ki pe swiv – ki pe swazir pou travay dan Lendistri Touris i pa toultan ki zot ganny sa menm sans pour zot monte.

Souvan zot dir ki sa travayer etranze i pas devan zot e sa i ariv pour diferan rezon. Menm si zot ganny mete pour *understudy* sa – *understudy* dan sa post.

Saler parfwa ki pa balanse ek responsabilite kot bokou zenn i dekouraze e zot kite.

Akoz zot santi zot ganny defavorize, kan zot pa vwar zot kouraz ganny valorize.

Oubyen i annan bann sityasyon kot zot vwar zot ki bezwen montre sa enn ki lo *GOP* travay e menm parfwa fer son louvraz.

I byen ki en parti sa Mosyon pe demande pour ankouraz nou zenn dan sa Lendistri pour delivre a en pri o standar. E mon kontan ki Mosyon i al pli lwen e osi demann Lendistri pour rekonpans zot, dan sa fason apropiye.

Mr Speaker, ozordi i annan pa mal pti Lendistri touris ki pe perform byen e donn en bon servis. E nou Lasanble i felisit zot. E nou donn zot tou sa lankourazman pour kontinyen.

Me i osi enportan ki zot met bann *incentive*, ki pour ankouraz nou zenn ki'n *train* pour reste dan sa Lendistri e fer li progresse.

Ozordi poursantaz etranze ki pe travay dan sa Lendistri i bokou. Ziska lafen 2023, ti annan 10,347 travayer etranze dan Lendistri touris.

E preski tou le mwan i annan demann pour nouvo *GOP*, swa dan pos *food and beverage* swa dan *housekeeping*, *front office* e menm zardinyen e *landscaping*.

Ler mon get sa sif Mr Speaker mon demann mon lekor, "oli nou zenn Seselwa?".

Eski zot pour kontinyen met laliny deryer bis *methadone* dan bomaten e les etranze vin tir manze dan zot lasyet.

E zot, zot a viv lo sekirite zot gran paran oubyen lo lasistans sosyal? Ou sa zenn *homme*, ou zenn fiy ki'n pran ou karyer dan sa Lendistri serye ki pe debourye e mazin ou lavenir, mon felisit ou.

E mon napa dout ki nou Seselwa, i annan sa kapasite pour pran bann plas *manager* dan bann letablisman touristik. Parski ler nou vwayaze nou vwar nou Seselwa pe fer byen dan bann letablisman touristik aletranz.

E mon asire ki en pe partou atraver lemond nou vwar kot zot kit zot mark. Zis pour partaz ek zot Mr Speaker, nou de Onorab Samynadin an Mars sa lannen nou ti al fer en *study tour Berlin, Germany e Strasbourg* kot Linyon Eropeen.

E lotel kot nou ti pe reste, *Berlin Grand Westin* par koensidan sete en zenn fiy Seselwa ki ti akey nou koman *front office manager*.

Sete ler ki nou ti pe koz nou Kreol, ki i ti get nou e demann nou si nou sorti Sesel, parske nou ti pe dir ki son laparans i parey en Kreol. Ms Hazel Dupres ki'n ganny sans pour etidye *Germany*. E i annan 6 an ki i pe travay avek

sa lotel koman en *front office manager*. I gou pour vwar en zenn Seselwa ki pe byen debourye.

E dan en konversasyon ek li i dir nou ki i ti a kontan retourn Sesel pour travay pour son pei. Son sel lenkyetid i eski sa reminerasyon ki i pour gannyen koman en zenn eksperyans, pour enn ki pour ankouraz li pour fer sa?

Son desizyon pour li retournen pour baze lo kwa ki atrakte li lo sa kad saler koman en Seselwa?

E sa i osi leka pour lezot Seselwa kalifye, sorti swa *Shannon College* oubyen lezot parti lemonn avek bokou leksperyans e bagaz.

Ki kalite *package* ki nou annan pour atrakte zot depandan dan ki domenn zot le *venture*? Mr Speaker tou lez-an *STA* pe *train* anviron 150-200 etidyan dan diferan domenn.

Annou get pour 2022, 258 etidyan ki ti *enroll*, 200 in konplet zot letid, 21 in pourswiv *further studies* e 106 ki'n antre dan lanplwa. 86 pa dan lanplwa.

Tan ka lannen pase, 267 ti *enroll*, 180 in *graduate*, 13 in aletranze pour *further studies* e 118 i dan lanplwa. 49 etidyan pa dan lanplwa.

La deza ou vwar dan 2 an, 86 azout 49 i fer 126. Nou vwar 126 etidyan ki'n pas

atraver Lakademi Touris ki pa pe travay pour en rezon ou en lot.

Swa zot pa ankor ganny en plasman, swa saler pa ase atiran pour zot antre. Tousala Mr Speaker i sagrinan ki pa tou sa bann etidyan ki apre ki zot in *train* ki reste lontan dan sa domenn.

E i annan ki pa ni menm rod sa travay ki i ti'n ganny *train* pour fer. Se la ki Mosyon pe demande, e fer sizesyon ek Gouvernman ek bann letablisman pour donn plis lankourazman nou zenn pour reste dan sa Lendistri ki zot in *train*.

I kler ki deplizanpli nou vwar nouvo letablisman touristik pe ouver son laport. Parey Mosyon in fer resorti, nou annan en Lendistri touris ki pe kontinyelman agrandi e nonm i kontinyelman ogmante.

Zis annou get dernyen 3 an, an 2022 ti annan en logmantasyon 19poursan dan touris ki ti arive. 2023 ti annan en logmantasyon plis ki 20 mil touris an plis ki 2022. E zis pour sa menm peryod sa lannen, Zanbye ziska Me in annan en logmantasyon plis ki 6poursan dan *arrival*.

E sa bann sif i dapre bilten *National Bureau of Statistics*. I osi annan en lot problem, ki fer dekouraze ler zot sey rod en louvraz. Pa tou

letablisman ki oule pran bann *beginners*, partou kot zot ale pe demann 2-3 an leksperyans pour zot ganny anploye ki souvan zot napa.

La osi zot mon krwar i annan en travay sansibilizasyon ki bezwen ganny fer, pour ki sa bann letablisman i ouver laport pour sa bann zenn ganny sa leksperyans e kapab bouz devan.

Mr Speaker, dan sa travay pour akeyir sa touris, e fer ki nou Lendistri touris i prospere i tout en travay kolektiv. Kot tou akter dan sa domenn i en tre enportan.

Komansman par sa lakey sa touris i resevwar ler i debark lo *airport*, sa gid ki vin zwenn li, sa drayver ki transport li, sa servis ki nou donn li dan lotel e an deor lotel enkli sa zenn *homme* ki pa dan en travay enformel ki pe vann sa koko lo lans.

Sa laspe lapropte ek lonnekte, ler nou donn sa servis i en eleman kle. Tousala i enportan dan sa servis ki nou donn ki a o nivo e o standar parey Mosyon pe demande.

Mr Speaker, en lot eleman enportan dan sa Mosyon, se sa eleman donn bann zenn sa konfyans pour reste dan sa karyer e progresse.

Mosyon – la mon pe sizere petet Gouvernman ansanm avek Lendistri touris i

etablir en kad gidans an sa ki konsern *incentive* e an retour bann letablisman ki swiv sa bann gidans i ganny rekonpanse. Sa avek bi ankouraz lezot letablisman pour fer parey.

Petet ankouraz sa bann gran letablisman pour fasilite bann zenn ek bann pti *loan* ek en lentere ba, ou menm garanti zot *loan* avek labank kelkonk.

Annan en *career path* pour sa zenn e ofer zot sa posibilite *advance training* petet avek en *bond* ki rezonnab. Donn en *incentive* pour sa enn ki pa mank travay. Sa dan li menm i ankouraz sa zenn pour retenir sa *job* kot i a santi ki i avan progresse.

I a ankouraze pour pourswiv dan sa domenn ki in etidye. Me an dizan sa Mr Speaker mon pa'n bly sa bout dan Mosyon ki i dir, ankouraz nou zenn dan sa Lendistri pour delivre a en pli o standar.

La osi nou enplor sa zenn ki deside pour pourswiv sa karyer dan Lendistri touris, pour li osi an retour donn servis avek ekselans e lonnekte e deservi sa kliyan avek respe.

Sa pti *man* ki pe vann sa koko, o bor semen, ou pa bezwen degorz sa kliyan e vann li en koko R100. Ou sa

enn ki lo resepsyon touzour servi sa kliyan avek en sourir.

Andotmo, ou sa Seselwa donn sa bonn servis pour ki sa kliyan i satisfè e pavyon Sesel i mont pli o.

Olye ki toultan sa letablisman i vwar li pe bezwen al tap laport Lanplwa e Imigrasyon pour ganny *GOP*. E ler nou pas dan bann letablisman nou vwar zis etranze, etranze zardinyen, etranze lo resepsyon, etranze *chambermaid*, lakwizin menm zafer.

Bokou sa bann letablisman pour dir ou ki zot in seye ek Seselwa i pa'n marse. Parski parfwa ou pa kapab anploy zot, zot mank travay bokou, zot tous keksoz kliyan.

Lo lot kote sa Seselwa ki pa pe travay i pour dir ou, zot pa reste dan sa lanplwa aköz lapey pa bon. E bokou fwa zot vwar sa etranze pe benefisye plis ki zot.

Li sa etranze i ganny landrwa reste, i ganny *allowance*, kan si li osi sa Seselwa ti ganny menm kalite loportinite, petet sa ti ava en *incentive* pour li reste.

La mon mazin en keksoz parey si sa gran letablisman i kapab ofer sa dimoun en lozman sirtou si en zenn i reste dan nor e travay dan sid.

Parey si en zenn i reste Glacis, e i travay *Four Season*

oubyen *Kempinski*. La i ti a santi li i pe benefisye, olye li sa zenn i bezwen vwar li pe rod en lakaz lwe dan sid, ki i pe pey dan son pos. Parske sa zistans pour li vwayaze dan bis sorti dan nor pour al dan sid i bokou.

E trwa zour konsekitif avan i ganny en *off* i deza manz dan son letan repo. Kot parfwa zot santi zot pe ariv se zot pe kit lotel 8 er. Me zot ariv se zot 11 er, depandan konbyen travayer bis i bezwen i *drop* an desandan.

E letan pour sa travayer dormi pour retourn donner aswar i pti gin. Mon konn zenn ki malgre zot in kontan zot louvraz, zot in oblize kite aköz bann kondisyon ki pa favorab.

En lot defi ki nou travayer Seselwa i sibir se bokou labi. Sirtou labi verbal dan travay par serten travayer etranze sirtou lo *management level*. Sa i bann *grievance* ki souvan ganny met devan.

E mon krwar ki Departman Lanplwa i bezwen get e pe pli vizilan lo sa ki pe arive avek nou travayer Seselwa e ankouraz li pour reste dan sa lanplwa.

Parski en landrwa travay amikal kot napa friksyon i osi enportan pour ed sa zenn perform pli byen san *mental stress*. Mon konvenki ki avek plis lankourazman e *incentive*

Mr Speaker, i pour ed sa zenn tenir li dan sa louvraz.

Sa i zis en sizesyon i annan lezot *incentives* ki sa bann letablisman i kapab ofer pour amelyor kondisyon travay sa Seselwa, olye al rod *GOP*, pour en travayer etranze.

Ki osi anmenn en dezavantaz pour nou lekonomi, parske zot ede retir deviz dan nou sistenm ekonomik.

Mr Speaker, sa ti mon kontribisyon anver sa Mosyon anmennen par Onorab Romain. En Mosyon ki mon pour donn mon sipor. Mersi.

MR DEPUTY SPEAKER

Mersi Onorab Esparon. Prosenman lo mon lalis Onorab Samynadin.

HON KELLY SAMYNADIN

Mersi Mr Speaker. Bonzour tou mon bann koleg Onorab e tou dimoun a lekout. Mr Speaker lo en konteks ekonomik, Sesel i depan primordyalman lo tourizm. E sa Lendistri i anmenn bokou benefis pour nou pei.

Premyerman i ofer loportinite pour plizyer lanplwa, i ranforsi nou lekonomi lokal, i kontribye anver devlopman nou bann diferan lenfrastruktir. E i osi ed bokou anver konservasyon natirel, nou tradisyon e agrikiltirel.

Lepidemi *COVID-19* in afekte sa Lendistri bokou e plizyer dimoun ki'n enplike dan tourizm i pa'n ganny eparnye. I annan ki ti forse fermen sirtou bann pti lotel oubyen *guest house*.

Serten ti bezwen termin lanplwa plizyer zot travayer. Me bann ki ti pli inovativ ti rod bann lezot mwayen pour kapab soutenir zot biznes. Ki prensipalman atraver marse lokal an vi ki ti napa avyon ki ti pe vin Sesel pandan sa letan.

Dapre Lazans Nouvel Sesel, date le 18 Desanm 2022. Biro Statistik Nasyonal ti prezant bann sif lo lakantite viziter ki ti antre dan pei pour sa menm lannen. Ki ti 311,108 viziter an konparezon avek komansman *COVID*.

An 2019 ki ti 353,215 viziter. Pti ki nou'n pti nou'n persevere, e nou'n reisi kapab sirmont sa lepidemi. Nou Lendistri Tourizm in kapab rebran e menm desot lekspektasyon kot in vin pli performan ki zanmen.

Mon profite pour remersye nou Gouvernman, pour tou demars ki'n ganny fer pour prezerv sa Lendistri. Mr Speaker, dan plizyer lotel ki nou pour ale Sesel ou pa pour kapab pa remark en gran popilasyon zenn, ki swa nou bann Zil Pros, me plis ankor lo bann ki Elwanye.

Letan mon'n koz avek bann zenn dan mon distrik ki travay lo bann Zil Elwanye, zot dir mwan ki zot kontan travay lotel, lo bann zil. Akoz i donn zot loportinite pour kapab fer lekonomi pour bann plan ki zot annan. E menm ede soutenir zot fanmir ki lo bann Zil Pros.

An vi ki laba zot ganny ofer akomodasyon ek lezot benefis ki osi enkli *service charge*. Enn an partikilye Terence en zabitan Green Estate ki travay Desroche, ti dir mwan, "Onorab mon'n ganny demande pour pran mon konze, i gou travay lo zil, mon pe priye pour mwan konze fini pour mwan retournen".

Mon rekomannde ki tou letablisman touristik i kapab zot osi ankadre zot bann anplwaye, atraver bann diferan *incentives*. Avek bi pour retenir zot pour ki zot pa ava de goute e anvi ale. E osi kot i bezwen amelyor zot bann kondisyon travay.

Letan travayer i ganny byen ankadre, i anmenn produktivite e prosperite pour pei. Mon salye bann zenn ki travay dir toulezour, e ki konnen ki lanmizman pa en priyorite dan lavi.

Mr Speaker, mon pe osi rekomannde ki a en tre zenn az travay i komanse pour ankouraz bann zenn, pour

pran en karyer dan Lendistri Tourizm.

I annan travay ki pe ganny fer dan bann lekol, atraver bann lakaz karyer ou byen menm dan bann laklas *social economics*. Mon santi ki bann partener ledikasyon ki enplike dan Lendistri Tourizm i devret travay pli pre avek Minister Ledikasyon.

E antre dan bann lekol pour vin donn bann kozri, bann sesyon enteraktif avek bi pour atir kiryozi bann zenn dan sa domenn. Ensi ki bann vizit.

Malgre ki bann etidyan *general pathway* oubyen *TVET* i ganny ekspoze avek sa Lendistri. Mon santi ki mank serten swivi pour kapab kontinyelman ranforsi zot lentere dan sa domenn.

Malgre ki bann *TVET liaison persons* i fer zot bout. Paran i devret kontinyelman pe ganny ankouraze pour swiv zot zanfand de pre, asire ki zot pe asiste zot bann *attachments* a tou moman. E osi pour ankouraz zot lo bann benefis travay dan Lendistri Tourizm.

I enportan osi ki zot devlop en bon relasyon avek bann ankadrer dan sa bann letablisman touristik, pour ki a okenn evantyalite ki i annan en sityasyon, en prosesis remedyasyon a kapab ganny trouve amikalman.

E sa zanfan i a kapab kontiny son *attachment*, san ki i bezwen arete pour al rod en lot plasman.

Bann letablisman touristik ki'n pran sa linisyativ pour ankadre sa bann etidyan i devret zot osi kree tou mwayen posib pour ki sa bann zanfan pa santi zot pe ganny eksplwate, oubyen pe ganny demande pour fer lezot louvraz ki zot pa sipoze pe fer.

Akoz si sa i arive aköz par konsekan, zot pour perdi lentere. Pa aprann sifizaman dan louvraz ki zot enterese ladan. E ganny bann persepsyon negativ kot travay dan Lendistri Tourizm i konsernen.

Annou ede ki sa bann etidyan i ava pas en parkour agreab dan zot letablisman e ki an retour zot ava pe garanti plis zenn ki pe ankouraze pour travay dan Lendistri Tourizm.

Mr Speaker, dan nou travay koman Komite *International Affairs* kot Lasanble Nasyonal. Nou ti al rann en vizit kot Lakademi Tourizm La Misère.

E dan sa vizit nou ti reisi ganny sans enterakte avek bann etidyan, kot ti prezant avek nou plizyer kontrent ki zot fer fas avek letan ki zot al lo *attachment*.

Ki enkli swivi e *monitoring* de la par sa lakademi pour asire ki sa

bann etidyan pe ganny byen ankadre.

Mon swete ki le neserer pe ganny fer de plis pour asire ki sa i ganny rektifye pour ki sa bann etidyan pa santi zot tousel letan ki lo zot *attachment*.

I enportan ki konsern bann etidyan, i ganny valorize e ki i ganny *deal* avek dan en dele letan ki rezonnab. Letan ki mon lo size *STA*. Mon ti a voudre remerci sa lenstitisyon pour travay ki zot pe fer pour bann zenn Seselwa ki enterese pour annan en karyer dan Lendistri Tourizm.

I annan bokou *success stories* e mon felisit tou bann zenn ki kontinyen persevere aköz i pa en Lendistri ki fasil pour travay ladan. Anvi ki i rekomann bokou zefor, dedikasyon e sakrifis.

Mon oule osi felisit *STA* pour sa linisyativ ki zot ti vin avek an Zen lannen pase. Pour ofer bann *short courses* pour ed bann zenn ki annan 16 an an montan, ki annan lentere travay dan Lendistri Tourizm ek zot bann lezot departman.

Sa bann *in-service training* ki enkli *wellness and spa, freelance tour guiding, restaurant and bar, food production and culinary arts* e osi *hairdressing, reception operations* ek *housekeeping*.

Sa i en tre bon linisyativ de la par sa lenstitisyon pour

ankouraz bann ki pa pe swiv letid kot sa lenstitisyon pour zot osi kapab ganny ankadre.

Mr Speaker mon pa pour long e pour terminen mon ti a kontan remersi Onorab Romain pour sa Mosyon ki mon garanti li pour ganny mon sipor.

En Mosyon ki ankourazan e motivan aköz bann dimoun ki dan sa Lendistri zot dedye bokou zot letan; fer bokou sakrifis pour asire ki bann viziter ki antre dan nou pei, zot pas en sezour memorab.

Zot menm negliz zot fanmir aköz sa sekter i enn ki *service before self*. E zot merit tou lankourazman posib, sirtou kot nou ki pe reprezant zot kot Lasanble Nasyonal. Avek sa mon remersi ou Mr Speaker.

MR DEPUTY SPEAKER

Mersi Onorab Samynadin. Prosenman lo lalis i Manm ki'n segonn Mosyon Onorab Zialor.

HON NADDY ZIALOR

Mersi Mr Speaker. Bonzour ankor enn fwa tou dimoun ki pe ekout nou bomaten. Bonzour tou lazenes Seselwa, sirtou bann ki dan Lendistri Tourizm, ki'n deside pran sa koman en karyer.

Mr Speaker, mon'n segonn sa Mosyon zisteman

parske i en loportinite parey a sak fwa ki mon ganny en loportinite pour mwan koz lo en Mosyon.

En loportinite pour nou annan e dyalog en konversasyon, koman en Lasanble lo ki direksyon ki nou'n anvi pran koman en pei. E ki fason nou ti a kontan zisteman fer serten keksoz oubyen lenpak pozitiv koman en Lasanble.

E tou bann entervenans ki'n koz avan mwan, in tous bann pwen ki ase kardinal vizavi Lendistri Tourizm, lazenes e ki laspirasyon nou anvi vwar pour ki vremen nou reste enn bann pei ki tourizm i kontinyelman vizite.

E byensir enn bann pei ki pli zoli o *monde* Mr Speaker. Zisteman letan nou pe koz lankourazman, mon ti a kontan tir mon sapo avek sa zenn ki li depi ler in dan leköl, in deside pran en karyer dan tourizm.

E parey bann ki'n koze sa enn ki akey bann viziter, lo Erport avek en sourir, sa zenn ki letan, en viziter ouswa nou menm nou Seselwa nou pe *check-in*, pe swe nou labyenveni, pe fer sir ki servis ki nou pe donn zisteman sa *market* ki apel tourizm, i reste en servis ki annan sa latous Kreol. Me pli enportan i servis ki lo standar.

Mr Speaker, mon krwar i enportan ki an menm tan nou pe koze nou fer analiz ase profon, parey in ganny diskite. Kwa ki enn ankouraz, ki pour ankouraz en zenn reste dan sa Lendistri e ki fason nou pour donn zot sa rekonpans apropiye?

E fodre mon dir ki pandan bann lannen sirtou pandan sa dernyen 4 an in annan bokou keksoz pozitiv, ki pe arive dan nou Lendistri.

Enn parey Onorab Samynadin in fer resorti, nou'n reouver nou Erport. E statistik in montre ki volim viziter in ogmante. E baze lo bann rapor ki nou'n resevwar, volim *vacancy* in ogmante. E sa i fer ki in annan pa mal *vacancies available* an sa ki konsern sa Lendistri.

Letan en zenn i lekol, nou tou nou annan en rev, i annan ki anvi petet – letan i termin son letid, swa i pran en karyer dan *law*, swa i pran dan konstriksiyon, swa i pran dan lagrikiltir.

Me wi, ou annan en group ki li i pran dan *tourism*. E la parey in ganny fer resorti Lakademi Tourizm i sa lenstitisyon ki *groom* nou zenn e fer ki i pran sa karyer.

Me i annan en keksoz ki dan Mosyon in fer resorti. Sa se standar. Delivre en pli o standar, e nou tou nou konnen ki ozordi Sesel nou

annan bokou bann *international brand*, tel parey *Hilton*, *Minor Group Avani*, ou annan *Double Tree*, la ou annan *Chevalier Blanc*.

Ou annan diferan *brand* ki li, koman bann *international brand* zot annan en standar. E mon mazine dan lespri loter Mosyon letan in met sa Mosyon.

Pe mazine ki mannyer nou, koman sa pti Sesel ki nou pti, nou kapab anmenn sa standar pli o, pli meyer, pour ki vremen letan sa touris i debarke i non selman annan en leksperyans formidab, me i osi retourn dan nou pei.

E mwan mon annan konfyans dan nou lazenes. Mon'n toultan annan konfyans dan nou lazenes. Parfwa - e Onorab Desheila ki'n koz avan mwan in fer resorti, parfwa i annan serten mefyan vizavi konpetans lazenes Seselwa.

E mon pa kapab niye sa, mefyan i aköz petet, i annan ki'n la pour plizyer lannen i krwar poudir en zenn pour vin pran son plas. Me i osi annan lenstans kot nou pa kree lespas pour sa zenn kapab devlope.

E la mon ti a kontan felisit bann lotel ki annan - bann apard *STA* ki annan bann lankadremen entern, ki kree sa lespas pour ki sa zenn

i ganny sa *training* pour ki i zwenn standar sa lotel.

La mon pe mazin *Ephelia*, ki tou lannen i annan en *cohort* zot bann travayer, ki ganny *the proper academic training within the brand*. E zot *graduate*, mon mazin *Double Tree*, ki fer sa.

Mon mazin *Constance* wi – *Ephelia*, *Avani* dan *Minor Group*. Zot osi zot annan *the internal brand* ki zot fer zot *training cadre*, ki sa zenn, oubyen sa anplwaye i ganny sa loportinite pour li annan sa *branded training* ki zot bezwen.

E mwan mon lentervansyon ozordi se pour mwan dir avek lazenes Seselwa. I annan en kantite loportinite, kantite loportinite pour zot epanouir, dan sa Lendistri. I annan bann *successful stories*.

Me i osi annan defi, e defi parfwa i en loportinite pour ou konnen ki ou limit, pour ou konnen ki mannyer ou sirmont sa bann defi.

I annan serten sakrifis. Letan ou dan Lendistri Tourizm ou napa konze piblik, ou napa *weekend* ou napa parti, ou napa laniverser, ou napa batenm, me ou annan ou Lendistri a ker.

E parfwa mon krwar sa i keksoz ki, ki si oule nou refize koz lo la. I bann sakrifis ki ler ou antre dan sa Lendistri ou

bezwen fer. E prezan letan nou pe koz lo rekonpans Mr Speaker.

I annan pa mal travay ki mon konnen serten lotel i fer pour ki zot zisteman, zot ankouraz pour ki (1) sa travayer i kontinyen delivre, e vwar sa lapresyasyon ki son letablisman i donn li. La mon mazin bann letablisman ki fer *Employer of the Month*, *Employer of the Year*.

Ou annan bann letablisman ki kontan fer bann lesanz par egzanp en dimoun ki dan en departman, pour en semenn i al travay dan en lot departman pour ganny sa leksperyans.

Ou annan par egzanp la mon mazin *Club Med*, ki donn loportinite zot bann travayer pour al aletranze, pour ganny sa leksperyans *the brand at a* – en nivo enternasyonal.

Lapresyasyon i rekonpans, i annan Manm ki'n koz lo ki fason nou kapab fer bann *incentive* entern par egzanp.

Bokou zenn, i sorti lo Mahe pour travay lo bann zil e sa in ganny mansyonnen. E la zot ganny akomodasyon. Par egzanp en zenn ki sorti Mahe i al travay Praslin, son akomodasyon i ganny garanti avek sa lotel.

Me parfwa ou annan zenn ki Mahe, ki anvi travay Mahe ki annan – ki sa lotel i

annan akomodasyon. Me i pa *provide* sa akomodasyon koman en *incentive*, akoz sa zenn i sorti Mahe.

So mon mazinen i annan en travay ki bezwen ganny fer avek bann *human resources department*. Pour nou vwar ki fason nou donn sa zenn sa lezel, sa lankourazman pour li reste.

Pour ou regarde koman en lotel ki benefis lonterm, letan ou annan bann pti keksoz ki ou kapab fer pour sa zenn.

Me solman tout an gardan antet, ki nou osi koman en zenn nou annan serten sakrifis ki nou bezwen fer. Nou annan serten standar ki nou bezwen swiv.

Ozordi pa tou zenn ki si oule i konpran letan par egzantp ou annan serten regilasyon ki ganny mete dan bann lotel, dan bann landrwa travay. Sa osi i annan en travay pour zot fer.

Me an menm tan, nou'n koz osi lo lekol. Ki mannyer lekol, primer, segonder i kapab komans *nurture* nou zenn pour annan en lanmour pour sa travay.

La mon ti a kontan felisit Minister Ledikasyon, felisit Departman Tourizm, pour bann klib ospitalite ki'n ganny kree dan bann lekol.

Mon konnen lekol Perseverance i enn bann lekol

ki vreman aktiv. Baie Lazare, vreman aktiv. Sa i bann lankourazman ki nou kapab komans enkilke dan nou lazenes, valer travay, valer lanmour, kontan ou pei.

Vin en Anbasader Tourizm, atraver servis ki ou pe donner dan sa departman. Mwan Mr Speaker, mon napa okenn problem pour mwan kontinyen donn lankourazman lazenes Seselwa.

E mon napa okenn problem pour mwan siport, parske dayer mwan ki'n segonde, sipor Mosyon anmennen par Onorab Romain. Mersi Mr Speaker.

MR DEPUTY SPEAKER

Mersi Onorab Zialor. Prosenman lo mon lalis Onorab Monthy.

HON PHILIP MONTHY

Mersi Mr Speaker. De pti mo lo Mosyon anmennen par Onorab Romain ki en Mosyon tre enportan. Vi ki i pe fer referans a pilye nou lekonomi ki tourizm e osi personelman mon'n pas 14 an karyer dan Lakademi Tourizm.

Mon ti komans koman en senp *teacher* langaz. Ki ler mon ti arete mon ti *Director of Studies*. So mon konn byen sa lakademi mannyer i fonksyonnen, ki bann *challenges* ki sa lakademi pe

fer fas avek, ki an term lenfrastruktir. E osi kalite etidyan ki sa lakademi i rekrite pour *train* e pour met dan Lendistri Tourizm.

Ler mon get Mosyon Onorab Romain, mon vwar li an de parti. Premye parti se pe ankouraz zenn pour delivre a en pli o nivo standar. E dezyenm parti, se demann Lendistri pour rekonpans zot dan fason apropriye.

E sa i fantastik aköz san en bon rekonpans ou pa pour gannyen bon kandida e ou pa pour gannyen bann zenn ki pour reste dan sa Lendistri.

Mon pour abord sa enn pti pe apre. Me premye parti se demann bann zenn pour delivre a en pli o standar anvi ki Lendistri pe vin en pe pli *demanding*.

Pour ou kapab, fer sa, pour bann zenn kapab delivre a en nivo pli o, ou pour bezwen kapab annan bann zenn ki annan sa lanvi pour fer sa travay.

Nou'n tann bann entervenans presedan, mon bann koleg ki'n koze. Onorab Romain li menm in koz lo lakantite ki *STA* i rekrite par lannen ki sorti dan bann lekol segonder an mwayenn 300.

Ki mon'n tann dir poudir resaman mon krwar lannen pase zot in pran 267. Aköz zot in oule pran zis bann etidyan

ki *meet* kriter pour al dan sa bann *courses*.

Me menm sa, i pa garanti ki vedir menm si en etidyan i *meet* kriter, sa etidyan i vremen enterese avek sa Lendistri ki pe pran.

Aküz enn ler ou annan serten etidyan ki pa'n ganny son *first choice*, evidaman i tonm lo son dezyenm swa.

Konmela zot annan de swa, e son pwen akademik i bon, i antre ki swa dan *front office* oubyen dan *tourism and tour guiding*. Me i pa forseman sa ki li i ti anver fer, *ok?*

Mon konnen poudir lontan ler ou ti *recruit*, ler nou ti fer seleksyon ti annan en prosesis *interview* ki nou ti fer pour *interview* sa bann zenn. I ti en *long* prosesis.

Me i ti ede pour ou vwar pandan *interview* vwar poudir sa zenn i enterese, dan vakans i ti al fer en pti travay dan lotel. I annan lafanmir ki deza dan sa Lendistri, oubyen ou pour vwar i annan zenn ki zis pe swazir sa Lendistri aköz i pa vremen konnen ki i anvi fer.

So si ou pa pe ganny kalite etidyan sorti dan lekol segonder, ki vremen enterese al dan sa Lendistri, i pour en *challenge* pour ou kapab annan bann zenn ki pour donn sa servis a en nivo ase eleve – en standar ase eleve.

Zot menm zot, zot pa pour donn ase dan zot – zot pa

donn ase dan zot formasyon. E finalman parey nou'n ganny dir osi, dan 2 an 126 etidyan ki'n *graduate* i pa reste dan sa Lendistri. Sa osi i en gro *challenge*.

E rezon pour sa, i la kalite etidyan ki ganny pran dan lakademi. Me osi dezyenm parti Mosyon Onorab Romain, se ki reminerasyon ki *incentive* i annan dan Lendistri ki pour kapab fer sa.

Onorab Esparon in koz lo en travay lekip, evidaman i en travay lekip. Akoz i pa fasil, pour met sa zis lo Lakademi Tourizm oubyen zis lo Lendistri zis lo lotel pour kapab rezourd sa problemn.

I en keksoz ki en kolektiv i devret zwenn ansanm, Gouvernman i devret pe antre, mon konnen kot lakademi ti annan en proze pour nouvo lekol, pandan plizyer lannen, menm anba Gouvernman presedan.

Ti annan en zoli *maket* ki ti sipoze *STA* ganny transformen pour vin sa nouvo lekol. I annan serten parti ki'n ganny fer, laklas in ganny fer, laklas in ganny fer. Menm kantmenm pa ti a sa alaoter ki ti devret.

Lo kote restoran, kantin, landrwa kot bann etidyan i ganny *train* pour sa bann diferan *courses*. Lenfrastriktir i pa alaoter. So i annan en zefor ki bezwen ganny fer pour

ki dabor kot etidyan i ganny *train* sa nivo i ase eleve, lenfrastriktir i alaoter pour ki ler zot al dan Lendistri zot pa al ek en nivo ki deza eleve pour zot kapab delivre.

Bann *courses* mon konnen i annan plizyer zefor ki'n ganny fer. Menm mwan ler mon ti laba nou'n komans sa travay, pour ki tou bann *course* i ganny akredite par *SQA*. Ki donk ler ou pe fer en *course* en etidyan pe *graduate* sa *course*, sa sertifika ki i gannyen i vremen vedir en keksoz i annan valer.

Relasyon avek lotel i enportan. Mon konnen lakademi i fer zot mye tou etidyan ki al dan *work attachment*, i annan bann swivi ki ganny fer, i annan bann vizit ki ganny fer, evalyasyon ki ganny fer.

Me byensir dan lotel nou konnen poudir i annan labi, dan Lendistri nou konnen poudir i annan labi. Etidyan ler i ganny servi koman en senp travayer napa okenn *monitoring* ki ganny fer pour fer sir zot pe ganny sa *training* parey i devret.

Zot zis ganny mete la koman en bous trou koman en senp travayer. Sa mon konnen lakademi i sey fer son mye, me i annan ankor pour fer dan sa domenn pour fer sir ki bann etidyan ki al dan *attachment* zot ganny sa swivi,

zot ganny sa sipor neserer. E sa i a ede pour gard zot dan sa Lendistri, olye kan zot fini *graduate* zot kite zot pa ale.

Me pli gro problemn osi ki mon konnen aköz zenn pa reste se sa travay *shift*. Saler i enn nou'n koz lo la, me i annan lotel ki mon konnen i entrodwir *service charge*, i annan travayer dan lotel ki ase byen ganny peye.

Mon ti ankouraz lezot lotel pour komans fer sa osi. Me *main* problemn se sa travay *shift* e ou konnen annandler i annan manman tousel ki annan zanfan kot lakaz ou pe ganny zis en zour par semenn *off*.

Sa zour ou sitan fatigue petet i pe zis repoze e i pa ganny letan fer okenn lezot pti keksoz kot, kot lakour. I annan serten lotel ki'n komans entrodwir 2 zour *off* par semenn.

So sa i en *incentive* ki mon konnen si plizyer lotel i kapab fer li, zot fer li i pour ede gard plizyer nou bann zenn dan sa Lendistri.

Akoz nou konnen poudir travay dan tourizm i en vokasyon, i parey menm politik, i parey dan *teaching*. Fodre ou annan sa volonte pour ou kapab fer li. Si ou napa sa dan ou, ou pa pour kapab fer li. So dan serten kote mon santi ki lotel i kapab fer en pe plis.

Reminerasyon 2 zour *off* par semenn, ki ava ede ankouraz en pe plis zenn pour reste dan sa Lendistri. E osi bann lezot *incentive* parey *overseas training* tousala i ede.

Donk i en travay kolektiv parey mon'n dir i pa en keksoz sitan senp ki nou pour vini, nou pour dir bann zenn donn plis.

Me i annan plizyer lezot keksoz ki pour bezwen konekte ansanm, pour kapab fer sa Mosyon parey Onorab Romain in mete vin an realite.

Me i en Mosyon ki annan bokou sans ki nou bezwen komans *quelque* par, nou bezwen komans en landrwa e mwan mon war li en tre bon fason pour nou komanse la.

Tou dabor pour nou ankouraz bann zenn ki vremen annan sa lentera pour vini pour vin *join* sa Lendistri, e pour donn zot tou dan zot formasyon kot lakademi.

Me osi en lapel avek Gouvernman, pour get en pe plis sa lakademi pour ofer en pe plis resours kot i posibil, mwayen permet byensir, pour ki bann *training* ki ganny fer i alaoter. E sirtou, sirtou lenfrastriktir kot sa lakademi ki pa vremen dan en bon Leta.

E si sa i ganny fer, komansman kot lakademi mon krwar i ava en premye pa pour nou kapab ankouraz bann zenn pour *join* sa

Lendistri, e pour reste dan sa Lendistri.

Mr Speaker, mon pa pour long sa i mon kontribisyon lo en Mosyon ki annan en gran valer. E mon pour donn Onorab Romain tou mon sipor pour sa Mosyon.

E mon pour osi an kouraz tou bann zenn ki anler kot Lakademi Tourizm pour kontinyen avek zot letid, pran li o serye zot formasyon.

E si ou'n swazir pour vin ladan, ou bezwen travay, ou bezwen donn tou ou bezwen fer li avek ou leker. Mersi Mr Speaker.

MR DEPUTY SPEAKER

Mersi Onorab Monthy. Prosen entervenans lo mon lalis i Onorab *Leader* Zafer Gouvernman Onorab Georges.

HON BERNARD GEORGES

Mersi Mr Speaker. Mr Speaker, mon pa ti anvi koze bomaten akoz mon konnen i annan bokou lentere lo sa size. Me mon pa krwar ki mon kapab pa koze. Akoz i en size ki kardinal dan nou konteks isi Sesel.

Mr Speaker, nou'n koz bokou lo touris toultan. E ler *COVID* ti vini nou ti koz en pe lo diversifikasyon. Lo nou pa kapab met tou nou dizef dan menm pannyen, nou bezwen diversifye, nou bezwen sey rod lezot keksoz pour nou fer.

E tousala i byen, me ler nou trounen nou realize ki finalman sa keksoz ki nou kapab fer pli byen, sa keksoz ki nou konn fer pli byen, sa keksoz ki anmenn bokou plis reveni dan nou pei se *tourism*.

E finalman mon krwar nou bezwen aksepte, ki malgre ki nou pour rod lezot fason pour grandi nou lekonomi, nou lekonomi pour *still* reste dominen par *tourism*. E alor, se *tourism* kot nou bezwen regarde ki mannyer nou pour agrandi e nou pour amelyore.

E mon dir sa bomaten akoz mon'n konvenki. Mon *feel* sa bann dernyen lannen ki pa vo lapenn nou sey re-*envant* larou, pa vo lapenn nou sey fer keksoz ki al kont en kouran, ler i fasil pour fer en keksoz ki al natirelman la kot nou anvi ale.

E donk mon'n pran laparol bomaten poudir ki wi, malgre ki nou bezwen regard bann lezot sekter, *tourism* pour reste nou sekter prensipal. E se li ki pour anmenn plis benefis Sesel, se li ki pour anmenn plis *tax* dan kont Gouvernman.

E se li ki pour anmenn plis *trickle down* dan popilasyon, parey ou'n vwar dan bann landrwa kot i annan touris kot nou war sa, sa lenfliyans direk ki touris pe fer parey Praslin ek La Digue sirtou. Akoz zot sa larzan

touris i al dan lekonomi bokou pli vitman ki isi Mahe oubyen lo bann lezot zil.

Mr Speaker, mon dir nou konn sa Lendistri byen me se pa sa vreman motivasyon *mover* Mosyon bomaten. Li i pe demann avek lazenes pran zot responsabilite.

E si nou aksepte ki tourizm i nou pli gran Lendistri, i pour nou meyer Lendistri, e i pour sa Lendistri ki moter nou lekonomi pour sa peryod ki pe vini. Nou bezwen osi realize ki fitir sa Lendistri i dan lanmen zenn. Nou, nou pe ale bann dimoun ki'n fond sa Lendistri ozordi swa zot in ale swa zot ase vye. E se dan lanmen bann zenn ki nou pour war sa Lendistri dan lefitir.

E se pour sa rezon ki mon'n decide pran laparol bomaten, pour azout en parol avek tou sa ki'n ganny dir, pour motiv non selman bann zenn zot menm, me pour motiv Gouvernman. Pour ed sa bann zenn pour akonplir, sa ki zot bezwen akonplir ki nou pei i bezwen akonplir, pour gard moter nou lekonomi koman sa moter prensipal.

E sa i vin dan de fason, parey tou bann Manm i dir. *Talk down* fodre ki bann propriyeter gran lotel i konpran ki fitir sa Lendistri, se pa pour anmenn plis etranze Sesel, me pour fer mont Seselwa atraver *management*

ziska zot ariv anler. Sa i kardinal i absoliman esansyel e fodre nou konpran.

E dezyenmman, fodre bann zenn zot menm, sa bann ki al lekol, sa bann ki al *Tourism Academy*, oubyen sa bann ki zwenn sa Lendistri dan en lot fason koman en zardinyen, koman en dimoun ki travay sa Lendistri, koman en peser koman tousala.

Se zot ki osi bezwen vwar sa Lendistri koman sa moter pour ki zot kapab aport tou zot kontribisyon e fer li reisi. Alor Mr Speaker, avek letan ki pe kit nou mon ti a kontan reiter sa pwen ki'n ganny fer bomaten;

Sa se pour rekonnnet premyerman ki tourizm i nou Lendistri prensipal, i pour reste nou Lendistri prensipal pour ankor en kantite letan.

Dezyenmman, pour demann avek bann propriyeter lotel, fer tou sa ki zot kapab pour ankouraz *lower, middle and upper management* e met sa dan lanmen Seselwa.

E trwazyenmman pour demann avek Seselwa partou kot zot ete e dan sa Lendistri, e an deor akoz finalman sa Lendistri i tous nou tou, pour fer tou sa ki nou kapab pour fer ki sa Lendistri i reste nou premye pilye nou lekonomi.

Alor Mr Speaker parey mon'n dir mon pa anv'i pran bokou letan. Mon remersye

Onorab Romain pour ankor enn fwa anmenn en Mosyon ki fer nou rapel ki sa Lendistri Tourizm nou pei pa ti pour la kot nou ete ozordi, i pa ti pou'n ariv a sa nivo devlopman ki ete ozordi.

Alor nou bezwen parey en lapriyer tou le bomaten, rekonnet sa, met li devan nou e fer ki sa Lendistri i kontinyen perform alaoter ki i devret. Mon remersye ou Mr Speaker.

MR DEPUTY SPEAKER

Mersi Onorab Georges. Onorab Aglae fek lev son lanmen. Mon pa konnen si in tann Onorab Georges dir letan pe kit nou. Akoz, anfet ti napa personn ankor lo mon lalis, mon ti pe al donn *Right of Reply* loter Mosyon pour nou termin sa deba.

So mon pour pous li enn pti pe, nou ava donn Onorab pwiske i lev lanmen. Apre i vin *Right of Reply* pour Onorab Romain e nou – ki pe arive la? Silvouple. Nou pa kapab kontinyen travay koumsa! Get sa depi 11 er nou pe koz lo sa size.

Dimoun i bezwen endike lekel – so mon pe demann tou dimoun la ki anvi koze, e ki pa ankor endike pour endike la, e apre nou pe ferm lalis.

So la mon vwar Onorab Larue, mon vwar Onorab Porice, Onorab Labonte ou'n lev lanmen? Yes Onorab Spiro,

Onorab Aglae *you're next* apre sa i vin *Right of Reply* so lalis fermen. Ok. Mersi. Proceed Onorab.

HON EGBERT AGLAE

Mersi Mr Speaker. Mr Speaker, dabor mon ti a kontan rekonnet tou bann akter ki pe travay dan Lendistri Touris Sesel.

Sa i enkli tou bann Seselwa, tou bann antreprenner e tou osi bann etidyan ki deza dan okenn *form of training*, letid ki annan nide pour zwenn sa Lendistri Touris Sesel. Akoz i en Lendistri ki enportan e enn nou pilye nou lekonomi.

Mon dir sa Mr Speaker, mon'n ekout plizyer entervenans lo lot kote latab ki'n koz lo sa size. E pour mwan i en size ki ase pre ek mwan, touris.

Akoz mon annan en distrik ki esansyelman annan bokou aktivite touris ki ganny deroule. I annan bokou antreprenner ki anmenn zot biznes dan sa sekter. E mon kapab dir, pli gran lotel dan larezyon i dan mon distrik. Sa i *Ephelia Constance*.

Mon santi poudir nou ti kapab fer plis zistis avek sa Mosyon an regardan bann lezot fakter ki antoure ek sa Lendistri. Ki swa dan en fason pozitiv, ouswa dan en fason, mon pa poudir negativ - me

selman dan en fason ki, pe anpes devlopman sa sekter.

E letan nou koz lo en Lendistri, en Lendistri i pa zis travayer, i pa zis akomodasyon, i tout en lansanm servis ki atase pour fer sa Lendistri bouze.

La nou pe koz, depi komansman son laliny aeryen ki sa touris i bezwen vin avek pour ariv Sesel. Nou bezwen koz lo promosyon, pour sa touris konnen poudir Sesel i egziste i bezwen annan en *marketing promotion* ki bezwen ganny arive.

Ki swa lokal, ki swa enternasyonal, ki swa lo medya. Ouswa lo bann rezo enternet. Nou bezwen osi koz lo bann sistenm transportasyon ki nou annan, *taxi, tour operators*, bann *tour guides*, bann *DMCs*.

Me osi nou bezwen koz lo bann defi ki bann ki'n kree bann lenfrastruktir, sa nou la nou pe koz lo bann *hebergement*, bann lozman, bann lasanm, pour kapab met sa bann viziter ki antre Sesel en landrwa dormi, pour zot reste.

E la osi nou bezwen koz, letan sa dimoun in ariv isi Sesel. Ki i fer? I zis asize dan lasanm lotel. Ki bann aktivite ki nou annan? Ki pour kapab fer sa touris son sezour isi parey nou ti annan enn nou

moto, *'faire un beau séjour au soleil e tous'*.

Eski nou'n ariv lo sa nivo? Pe koz lo pli o standar, pli o nivo. E osi nou bezwen mazin sa lakey. Lakey e se sa ki montre la resours imen ki pe travay dan sa Lendistri.

Premyerman se sa lakey. I dir ou premye lenpresyon ki ou gannyen ler ou vin en landrwa, ler ou antre dan en landrwa i pour determinen si ou pou retournen dan sa landrwa ankor.

Si ler ou'n arive, ou'n ganny en move lenpresyon definitivman ou pa pour anvi retourn ankor. E letan nou pe regard sa resours imen. Nou tou nou konnen poudir Lendistri Touris.

Sa touris i konnen i pe vin Sesel, i konnen i pour bezwen vwar Seselwa e i ekspekte vwar Seselwa. Me letan i arive, nou vwar diferan kalite travayer, nasyonalite ki pe travay dan nou pei. Mon napa probleman ek etranze travay dan Lendistri Touris.

Akoz *at this pace* parey Angle i dir ki Lendistri pe evolue, pe bouze e ki dayer pa fek komanse li. Lendistri evolue, Lendistri in modernize.

Si nou pe prodwir anviron en 150-200 etidyan touris ki pour sipoze ranplase par lannen. E demann marse, lanplwa dan sa Lendistri i plis ki 500,600 par lannen avek

bann nouvo lotel ki pe ouver, ki pe rod ou 300, 400. Byensir, marse pa pe prodwi ase travayer pour sa Lendistri.

Byensir *substitute* la se annan etranze. Me le problem Mr Speaker se kot nou Seselwa i plase dan Lendistri ozordi? Lontan mon rapel byen dan bann gran lotel nou ti vwar plizyer Seselwa pe travay.

Depi son *waiter, waitress* nou ti annan bann *chambermaid*, nou ti annan bann kwizinyen bann souchef, bann *entertainers*, deor *landscaping*, zardinyen Seselwa.

Ozordi malerezman tou in sanze. Ou pour vwar dan bann Lendistri kot ou pase. E se la kot ou met konteks, rezondet, aköz sa valorizasyon nou kiltir i bezwen i antre la.

E Minis in vini dan Lasanble reponn kestyon a plizyer repriz. Fodre nou valoriz kiltir nou tradisyon ki touris pour vini, pour *enjoy*. Be i pa pe marse sa. Aköz?

Pli etranze i pour antre dan nou Lendistri, ki pe pran plas nou bann Seselwa, nou kiltir i anwad disparisyon kot i konsern Lendistri Touris.

Sa kwizinyen pa konpran lakwizin Kreol menm si ou pour montre li, i pour aprann i pour pran letan. Me sa latous Kreol parey nou dir i pa pour zanmen parey. Sa lakey ki en

Seselwa ki konpran son Seselwa ti pour donner i pa parey ki sa etranze pour donn sa lakey.

E dan resours imen, dan *management* li menm, sa etranze pa pe konpran sa Seselwa e se sa kot bokou problem i vini. E i pa pour favoriz Seselwa dan sa konteks, sa departman ki i pe travay i pour plito favoriz son dalon pour koleg etranze ki pour la.

Mon pa anvi nonm nasyonalitye aköz nou'n war sa. E zot pas en pe zot letan osi dekouraz sa Seselwa ki pe anvwa en promosyon. Sa enn ki i pe *aspire to be* sa *manager* li menm, sa *understudy*, zot fer lavi serten sa bann Seselwa malere.

E zot degoute e zot ale. E se sa ki mon ti tann Onorab Esparon, dan son *figures* ki'n donner, dan sa pre 200 apepre zis 88 si mon pa tronpe ki pe tenir dan Lendistri. Larestan tou in sorti in ale, nou bezwen demann nou lekor bann kestyon fondamantal aköz.

Rol Gouvernman dan sa konteks pour mwan Mr Speaker, i pa zis Gouvernman tousel sa. I bezwen annan osi sekter prive, ki bezwen mars kot a kot e Gouvernman i bezwen pare pou ekoute.

Si Gouvernman pa ekoute parey nou'n war dan

bann resan la – Mr Speaker *sorry* mon bezwen dir koumsa. Nou'n entrodwi en bann *levy* en bann *tax*, ki defavoriz Lendistri.

Sekter prive in koze, nou pa'n ekoute. Sa osi pe ede kree serten lensertitid, dan nou marse touristik. Akoz nou bann konfrer dan larezyon pe kit nou deryer. *Maldives* pe fer sitan byen 1.8 milyon la tou resaman. *Maurice* dan milyon lo osi pe fer byen.

Nou Sesel nou ti kapab pe fer pli byen ki sa letan nou'n get bann statistik marse, kot nou bezwen targete. Me eski nou pe target sa bann marse pour anmennen?

Akoz pli ou annan diferan varyete touris, ki antre dan nou pei Mr Speaker, i ede aprofondir *the knowledge itself* avek nou bann aspiran travayer Seselwa.

Akoz *tourism* i vin ek en laspe kiltirel, ou annan en laspe aprann sa ki li i pe anmennen kot ou. E osi sa ki'n vin kot ou, i aprann ek sa ki kot ou. I enportan sa Mr Speaker.

Be bann diferan faktor ozordi i fer ki nou pour touzour annan bann defi. Si nou pa pran sa Lendistri ase serye. Nou ti war fermtir *STB* avek larive sanzman Gouvernman.

MR DEPUTY SPEAKER

I reste ou en minit Onorab.

HON EGBERT AGLAE

Wi Mr Speaker. Me *STB* ti en mayon kle. Kot i konsern promosyon touris Sesel. Pa zis lokal me enternasyonal. Nou ti annan bann *agent* ki mon konpran la zot pe sey re-al entrodwir sa.

Akoz nou ti war en Lasanble 15 lo 10 ki ti pe konplent lo lakantite larzan ki *STB* ti pe depanse lo *marketing and promotion*. San realize poudir, pour ou atrakte touris vin se ou, ou pour bezwen annan en bon plan *marketing and promotion* e se sa ki Gouvernman ti fer dizour.

Wi i ti pe depans plizyer milyon pour pey serten bann endividi, me i ti anmennen lefe. Sa rezondet ki ti ganny pran sa moman letan poudir Lanbasad i kapab fer sa louvraz, be i pa ti rol lanbasad pour fer *marketing tourism*.

Lanbasad i annan son rol ki li i zwe, dan diplomasi. I ava, wi etabli en bon relasyon ant sa bann pei.

Me Lendistri i ganny dominan par prive. Bann *DMCs* prive bann Lazans Vwayaz prive. E Lanbasad li i pa kapab antre dan bann konversasyon avek bann prive.

Li i a fer, i a vin sa *bridge* pour anmenn Sesel avek bann

partner lokal ek bann partner etranze ansanm pour fer sa bann *marketing*. So nou'n fer en fot la. E sa fot nou bezwen korize pour sa Lendistri.

Nou ti kapab dan 500 mil parey target an sa moman letan ki mon rapel Mr Saint Ange ti dir, nou kapab anmenn - son target se anmenn 500 mil touris Sesel. Petet nou ti'n kapab arive fer li.

So Mr Speaker, en kantite Seselwa i annan potansyel pour travay me zot pa ganny gete. I fer mwan mazin en msye, msye Michaud ki en *executive chef*, *exotic executive chef* i kalifye. I pas partou i sey rod travay dan Lendistri, i dir li i *over qualify* i pa kapab pey li sa saler.

Me selman apre ou war etranze vini, i pran sa bann pozisyon. Konmsi eski nou pe ankouraz Seselwa?

Akoz ozordi nou sorti, nou bann zenn pa pe mazin *chambermaid*, pa pe mazin *waitress* la. I pe mazin bann lezot pozisyon avek inovasyon ki pe vini dan Lendistri.

MR DEPUTY SPEAKER

Ou bezwen *wrap up* aköz ou'n fini sot letan ki nou ti'n *allocate* bann lezot Manm.

HON EGBERT AGLAE

E Mr Speaker, en kantite mon ti a kontan dir me selman mon

pour bezwen termin lanmenm. Me i domaz – en kantite nou bezwen fer pour sa Lendistri e nou pa pe fer li.

E mon swete ki si nou anvi ankouraz zenn, nou bezwen komans depi dan lekol. E la nou ava kapab retenir zenn dan sa Lendistri. Mon pour aret lanmenm. Mon pour dir ou mersi.

MR DEPUTY SPEAKER

Mersi Onorab. Ou annan *point of order* Onorab?

HON REGINA ESPARON

Mr Speaker, mon zis anvi koriz en *misapprehension* la, anba *61(d)*. Letan ki mon ti donn sa statistik pour 2022, mon ti dir 258 ti ganny anrole. 200 in konplet zot letid, 106 in ganny met dan lanplwa. 86 ki pa dan lanplwa. Zis mon anvi koriz sa sif. Mersi Mr Speaker.

MR DEPUTY SPEAKER

Ok. Mersi pour sa Onorab. Dabor mon bezwen demann en leskiz *SBC* ki nou'n manz dan zot letan Nouvel 12:30 aköz nou dwatet fini Lasanble *by* 12:30 pour rann lantenn.

Nou pour annan *ABC* 1er en kar. *Now* letan nou retournen nou pour rebran travay 2:15. Lalis in fini fermen pour koze. Sa ki lo lalis i annan Onorab Larue, Onorab Porice, Onorab Spiro Onorab Roucou, Onorab

Labonte, apre Onorab Romain i a ganny son *Right of Reply*.

Ler nou retournen tou sa bann Manm ki mon'n dir i pour annan li 10 minit pour koze ki mannyer nou pour *dispose of this motion by three thirty* ler nou *break*. Nou konpran? *Ok*.

Apre en zis en dernyen lenformasyon zot a rapel resaman dan *Question Time* ler NSC ti vini, ti annan en kestyon lo *childminding* ki Onorab Labrosse ti demande.

Now mon pour anmenn sa size lo ABC me pour lenformasyon Lasanble nou'n ganny lenformasyon, tou sa bann peyman ki NSC in fer.

Childminding, loss of earning e i bann lenformasyon prive bann endividi. Mon pe enform zot be solman ABC i ava deside ki mannyer pour fer Lasanble ganny sa.

Akoz i bann lenformasyon endividi tou sa atlet konbyen larzan zot in gannyen avek NSC. Donk nou ava *adjourn* la e nou rebran travay 2 :15. Mersi.

(BREAK)

MR DEPUTY SPEAKER

Bonn apre midi tou dimoun e *welcome back* pour kontinyasyon nou travay pour sa Merkredi. Zot a rapel nou ti pe debat en Mosyon table par

Onorab Romain Manm Elekte pour distrik Anse Etoile ki lir koumsa:-

Etandonnen ki Lendistri Touris pe kontinyen grandi e demann ozordi i pli egzizan, Lasanble Nasyonal i ankouraz nou zenn dan sa Lendistri pou delivre a en pli o standar e osi demann Lendistri pou rekonpans zot dan fason apropiye.

Nou ti'n etabli ki nou ferm lalis avan *break*. E plis Manm sorti *LDS Chief Whip* ki mannyer zot in deside pour *proceed* avek.

HON SANDY ARISSOL

Mersi Mr Speaker parey nou ti pe fer en diskisyon dan ABC. Mon ti a kontan enform Lasanble Nasyonal ki lo nou kote ki zis Onorab Doyace Porice avek Onorab Georges ki annan *Right of Reply* ki pour fini deba lo sa Mosyon. Mersi bokou.

MR DEPUTY SPEAKER

Ok mersi. Donk nou kapab alor donn zot alor apepre 15 minit. Onorab Spiro zot *ok* avek sa? Olye *the original time* ki nou ti'n dir. Si an ka zot bezwen debord enn pti gin. Donk mon ava donn laparol Onorab Porice.

HON DOYACE PORICE

Mersi Mr Speaker. Mr Speaker, mon pe anmenn mon

sipor pour sa Mosyon anmennen par Onorab Romain, akoz Lendistri Touris i vremen enportan pour nou zil e osi Sesel an antye.

E nou depan bokou lo sa Lendistri. E lo nou zil Praslin pa ganny eparye kot nou annan bokou letablisman, gro, mwayen lotel e osi bann pti letablisman ki nou dir bann pti *guest house*.

Dan preski tou sou distrik lo Praslin e Zil Pros, i akey nou touris lokal e osi enternasyonal kot i mars tre byen. E i annan letan ki nou ganny bokou, me osi i annan letan ki napa tro bokou.

Me bann operater i profite pour fer bann pti reparasyon, kot i devret e osi met zot travayer dan enn pti *refresher course*, pour ler zot ganny bokou kliyan, zot a vwar en sanzman ki anmenn en nouvo sirfas lo zot letablisman. E sa i mars tre byen. Etranze menm nou Seselwa i apresye bokou.

Mr Speaker, nou annan bokou Seselwa e osi etranze ki travay dan letablisman touristik. E nou pa bliy osi nou zenn ki vremen enterese avek sa kalite travay.

Parey nou konnen ki nou annan lekol pos-segonder STA, ki edik nou bann zenn diferan louvraz ki ganny fer dan bann letablisman touristik.

E parey Mosyon i dir, ki sa Lendistri pe kontinyen grandi e demann ozordi i pli egzizan e nou pe ankouraz nou zenn pour delivre e an en pli o standar.

Mr Speaker, lo Praslin nou annan zenn ki'n vremen pran sa travay serye. Kot zot in pran larelev zot paran dan sa karyer touristik. La i fer mwan mazin Mr Lucas Doffay, ki'n pran plas son defen papa, Mr Louis Doffay ki annan Lotel *L'archipel* Baie Sainte Anne e pe mars tre byen.

Mon osi mazin lafanmir Payet Grand Anse Praslin, kot ankor bann zanfan in pran larelev zot papa defen Mr Dan Payet ki'n annan lotel *Britannia*.

Laplipar sa bann zanfan, defen Mr Payet ozordi zot annan en letablisman touristik lo Praslin e osi Ile Aux Cerf. I montre nou ki sa bann zanfan in a ker pour sa Lendistri.

Mr Speaker, pour lenformasyon Lasanble dan mon resers, preski trwa kar letablisman touristik lo nou zil pe ganny *operate* par nou Seselwa sirtou nou Pralinwaz.

E sa i vremen ankourazan. Kot nou fyer pour nou bann operater Seselwa lo nou zil, e mon dir zot pour kontinyen sa bon travay e kontinyen enspir nou bann zenn.

Parey Mosyon i demande, ki sa Lendistri i rekonpans sa bann zenn dan fason apropiye pour ki plis zenn i vin travay dan sa Lendistri e zot kontinyen fer zot travay byen.

Pour ki zot pran larelev bann ki dan pozisyon pli o oubyen sa ki nou apel nou siperyer ki nou travay avek. Zis parey mon'n mansyonnen oparavan Mr Speaker, ki zanfan i pran larelev zot paran.

Mr Speaker, nou tou nou konnen ki dan Lendistri Touris i annan bokou diferan travay pour fer. E zenn i kapab aprann bokou. Mon'n asiste plizyer vizit, ki Minis *Tourism* in fer avek son lekip lo Praslin. Pour fer sir ki keksoz pe mars byen, dan sa bann letablisman.

E ekout bann operater e osi ekout bann travayer konsernan zot karyer dan sa Lendistri. Si vreman zot satisfes, ouswa lezot keksoz ki zot anv i diskite lo la.

Minis i osi get bann letablisman ki vreman i an konformite avek Lalwa Biznes dan Tourizm. Minis ek son lekip in osi ed serten sa bann operater, sa bann letablisman touristik pour ki mannyer pour fer pli byen.

E sanmdi le 15 Zen, nou ti kouver bann pti *guest house* Anse La Blague lo semen Gran

Lans e osi Pti Lans. Mr Speaker nou ti dekouver ankor zenn ki'n pran larelev lo later ki zot paran in kit avek zot. Dan semen Gran Lans, kot nou'n war bann zoli *guest house* ek son zoli vizaz.

Sa ti *Tranquility Villa* ki pour Jacques avek Sherelle Lesperance. *CAM Gataway Villa* pour Kathleen e osi *Wyn Villa* ki pour Wynfield Lesperance.

Kot sa bann zenn tel ki Kathleen Jacques e Wynfield in konstri e zot annan sa travay a ker. E menm fer zot kliyan viv parey fanmir Seselwa.

Pour lenformasyon Jacques in ganny sipor ek lankourazman bokou avek son madanm Sherelle ki ti en *Graduate Shannon* 2014.

E i sorti dan en fanmir ki'n dan *tourism* La Digue. Ki li osi in enn zenn ki pe fer byen dan sa travay. E byento zot pe al ouver en dezyenm *guest house*.

E Kathleen son fiy osi pe mazin sivre menm lepa. Apre son kontinyasyon son letid. Kathleen i osi pe okip *villa* son frer, kot tou lede i vreman okipe.

Alor mon santi ki si nou ankouraz zenn pour pran sa metye o serye e demann sa Lendistri pour rekonpans zot fason apropiye. I pour ede dan sa agrandisman sa

Lendistri ozordi, pour fer ki i kapab bouz pli byen.

E si nou donn sa bann zenn bokou *training* ki Nasyonal e osi enternasyonal. Menm si zot pe travay i pour ede prodwi plis profesyonnel dan tourizm.

Sirtou kot i konsern bann letablisman touristik lo Praslin e Zil Pros. Akoz nou annan bokou sa bann tel letablisman, ki Pralinwaz pe benefisye.

Mr Speaker avek sa de mo, mon pou dir Onorab Romain pour kont lo mon sipor pour son Mosyon. Mersi.

MR DEPUTY SPEAKER

Mersi Onorab Porice. Mon pas laparol aprezan avek Onorab Spiro.

HON RACHEL SPIRO

Mersi Mr Speaker. Bonn apre midi Mr Speaker. Bonn apre midi tou koleg Onorab. Bonn apre midi tou dimoun ki a lekout.

Mr Speaker, Lendistri Touris Sesel i pilye nou lekonomi e i pilye pli enportan in menm ganny dekrir koman moter nou lekonomi. Pour nou kapab atrakte sa kalite touris ki nou pe rode, i osi depan lo kwa ki nou pei e bann letablisman touristik i ofer zot kliyantel.

E akoz touris i vini pour depans larzan dan nou pei. I

enportan ki nou pei i annan en bon stratezi *marketing* e ki sa Lendistri i kapab met an plas sa stratezi ki pour kapab atrakte en touris, e osi fer li depanse dan nou pei.

Pour li pa al kot nou bann konpetiter e plito depans son larzan isi kot nou. Bokou pei i rod tou mwayen pour diversifye sa ki zot ofer zot bann viziter.

I annan ki ou fer sa par *brand* zot prodwi, fer sir ki i en prodwi ki soutenab, i en prodwi ki atrakte zot kliyantel.

En kantite i ganny investir dan rod fason pour atrakte touris pour vin vizit en pei. Sesel dan lepase, in esey diferan fason pour esey atrakte touris pour vizit nou pei e ede fer, fer grandi nou lekonomi.

Me nou bezwen osi aksepte ki Sesel i ganny klasifye koman en pei ki tre ser konpare avek bann lezot destinasyon dan nou rezyon.

I pa sifi pour nou dir ki nonm touris in ogmante, i pa sifi pour nou dir nou pe fer byen. Akoz nou bezwen osi kapab asire ki i annan sifizaman prodwi pour sa touris anvi depans son larzan.

Mr Speaker, zenn depi byen boner i devret kapab ganny ankouraze pour swazir son karyer, e sa swa karyer ki i fer i tre enportan.

Savedir sa zenn i enportan ki i ganny bon gidans pour ki fer son swa karyer. E letan i pe kit lekol post segonder, i kapab deside pour li antre dan Lakademi Tourizm.

Sa landrwa ki donn formasyon nou bann zenn, pour li fer en karyer dan Lendistri Tourizm.

Sa swa ki sa zenn i fer, i tre enportan akoz i annan zenn ki depi byen boner, i konnen poudir i pou al antre dan Lendistri Tourizm. Ki swa fer enn pti biznes lo li menm, oubyen antre dan en biznes ki son fanmir i annan.

Parey nou trouve lo Praslin e La Digue, kot lamazorite bann letablisman i la – i bann letablisman familyal kot sa bann zenn ler zot fini letid zot antre pour ed fanmir fer grandi zot biznes.

Bokou ki swazir Lakademi Touris i avek sa lekspektasyon swiv en karyer dan sa domenn touris. Me serten fwa sa Lendistri menm ki fel zot. Sa Lendistri i fer fas avek en kantite defi.

Depi mankman kliyan ler sezon i ba, ki fer serten fwa ou war bann zenn pe fer bann lezot travay dan sa lotel pa dan sa ki'n ganny formen. Demann kliyan i bokou, e pli i pey pli ser, pli i oule war valer pour son larzan e en servis ki alaoter.

Alor travayer sa Lendistri i bezwen ganny byen formen pour konpran legzizans kliyan dan sa Lendistri. Kliyan parey mon'n dir pli boner i le war valer e i le war en servis ki fer li anvi depans sa larzan ki'n vin avek. Me si nou pa kapab fer sa, i domaz larzan pa pour antre dan nou lekonomi.

Lakey e lafason ki anplwayer i tret son kliyan i vremen enportan e legzizans pour donn sa meyer servis i tre o.

Loter Mosyon Mr Speaker, pe demande ki Lasanble ankouraz zenn, dan sa Lendistri pour delivre pli byen e a en pli o standar.

Mwan mon *ok* ek sa, me mwan note osi, ki dan tou travay dan sa Lendistri i osi bezwen ganny ankouraze pour li delivre dan pli o standar posib e non pa zis zenn.

Me lezot travayer osi ki travay dan Lendistri i bezwen ganny ankouraze pour donn en standar ki pli o a tou moman ki zot pe deal avek en kliyan.

Mon ti pour osi apresye si loter Mosyon, ti rekonnet ki travayer sa Lendistri ki'n la pour plizyer lannen, ti donn lankourazman bann zenn, pour ede delivre a en pli standar.

Akoz san sa bann travayer ki annan leksperyans sa bann zenn ki nou, nou pe

ekspekte zot donn en pli o standar pa pour kapab fer li Mr Speaker.

Akoz zot bezwen sa bann *mentor* ki'n la depi avan pour kapab ed zot donn sa servis ki nou e sa kliyantel la deor pe egzize.

Zenn ler i zwenn sa Lendistri, i toultan ganny akonpanyen par sa ki'n la pour plizyer lannen. E se sa bann ki ed zot, dan zot formasyon dan sa Lendistri pour zot kapab donn sa pli bon servis.

Lendistri par kont i bezwen war tou mwayen pour li ankouraz zot sa bann zenn pour reste dan sa Lendistri. E letan mon pe mazine la, parey i annan serten entervenans ki'n dir boner, poudir i annan bann *incentive* ki sa Lendistri i bezwen - oubyen sa letablisman i bezwen donn sa bann zenn.

Serten i fer sa par sa bann *service charge* ki zot gannyen, i annan ki zot donn promosyon, oubyen bann *award* ki zot an plas pour ankouraz bann travayer pour fer pli byen.

E osi sa bann zenn ki la dan zot Lendistri. Mon realize ler mon koz ek sa bann zenn ki travay dan sa bann Lendistri. Ki serten fwa mon krwar Gouvernman en Lendistri menm in fel zot.

Akoz kan zot met zot bann konsern devan, ki swa si zot en zenn ki pe lo *training*, zot met bann konsern kot zot letablisman *STA*.

Serten fwa zot pa pe ganny ekoute, si i en zenn ki deza dan lanplwa i met konsern devan Minister Lanplwa. Kantite fwa sa bann konsern i ganny met de kote konmsi i napa lenportans i napa relevans. Sa Mr Speaker i tre dekourazan pour sa bann zenn.

Bokou sa bann zenn pa pe ganny ase *mentorship* e serten fwa *HR* ki la, pa ni pe ekoute letan zot anmenn konsern devan. E zot ganny trete endiferaman.

En *staff* dan en landrwa travay i en *staff*, menm si i en *trainee*, e rekonpans ler i ganny partaze i devret ekitab pour tou.

Savedir ki nou pe dir ler en zenn i vin dan en letablisman i pe travay, li osi i bezwen ganny ankouraze par bann *incentive* ki ganny met an plas, ki osi i benefisye. E i war li en par dan sa letablisman kot in ganny atase.

Ler en zenn i war ki tou *staff* i ganny trete parey, sa i deza en lankourazman pour li Mr Speaker. Akoz i pe war li i ganny valorize.

Rekonpans i pa zis dan laform larzan me i dan

tretman ki tou travayer i gannyen. Savedir tretman parey pour tou dimoun ki dan sa letablisman, e sa zenn li i rekonforte ler i war sa.

Mr Speaker, bann zenn ozordi ler zot decide antre dan en letablisman pour zot travay zot anvi fer en karyer pour lavi. E si nou realize lenportans ki Lendistri Touris i zwe dan lekonomi nou pei, nou tou enkli bann travayer lotel, enkli *management*, e osi nou pei nou Gouvernman i bezwen asire ki bann zenn i ganny bon lankadreman depi komansman ziska ler zot decide fer en karyer dan en letablisman touristik, pour zot fer sir ki zot kapab delivre lo sa standar ki pe ganny demande de zot.

E osi Gouvernman i bezwen fer sir, ansanm ek sekter prive ki zot travay kot a kot pour fer sir ki sa bann zenn i kapab ganny sa lankourazman adekwa, sifizan pour zot kapab reste dan sa Lendistri. Avek sa Mr Speaker mon dir ou mersi.

MR DEPUTY SPEAKER

Mersi Onorab. E aprezan in ariv ler pour nou donn Drwa De Repons loter Mosyon. Onorab Georges Romain laparol i pour ou.

HON GEORGES ROMAIN

Mersi Mr Speaker. Bonn apre midi tou koleg Onorab e tou dimoun ki a lekout. Mr Speaker, premyerman mon ti a kontan par remersye tou Manm Lasanble ki'n partisip lo sa Mosyon, ki'n fer zot lentervansyon.

E mon santi ki zot in donn bann bon *feedback* dan en fason vreman pozitiv. Si mon pour komans vitman Mr Speaker mon pa pou pran bokou letan lo la.

Mon konnen Onorab Arissol sa premye Manm ki'n fer sa entervansyon in koz enn pti bout ki ler in fer resorti ki fodre ki nou pa abiz nou bann zenn ki dan sa karyer.

E sa mon pour toutafe dakor avek li aköz sa ki nou anvi dan sa Mosyon pour nou ankouraz nou bann zenn pour zot kapab pran sa travay dan lotelri.

E Onorab Bastienne in fer resorti ki nou bezwen kontinyen rekonnet ki zot bezwen ganny en bon saler. E byensir ki i annan prosperite dan zot travay ki zot konnen ki ler zot dan en pozisyon apre gradyelman zot monte, ki zot pa reste lo en sel pozisyon.

Onorab Esparon in fer resorti ki i annan en bon pe etranze ki pe travay ozordi dan Sesel dan sa Sekter Tourizm. E statistik ki'n donner enn pti pe par lao 10 mil etranze ki i vreman bokou.

E pour mwan sa nou definitivman bezwen fer sir kontinyen ankouraz nou Seselwa, pour antre dan sa Lendistri, ki sa i ava kapab redwir an zour an zour.

E osi Onorab Esparon in fer resorti ki byensir sa osi mon'n rankontre dan distrik, ki i annan zenn Seselwa ki pe travay dan lotelri. Me selman par kont ozordi i pe ganny problemn akomodasyon, ki pe rod landrwa pour li reste.

E sa bann zenn kekfwa i bann *single person*. Ki zot napa ni zanfane si lotel ti kapab donn zot en fasilite lozman. Parey nou konnen i annan *staff quarters* ki sa ti ava ed zot, pour zot byensir koman en *incentive* pour zot donn plis dan zot travay.

E Onorab Samynadin in - ler in fer son lentervansyon, in touse ki sa bann zenn i merit kontinyen dan bann pti *short courses*, ki mon toutafe dakor avek li.

Akoz se sa, ki pour fer zot vin - sa travayer ki pour sorti - ki pour donn plis dan zot travay. Akoz sa pour *keep* zot azour avek devlopman ki pe arive dan sa distrik. E Onorab Naddy in fer resorti ki zenn merit travay dir, ki mon krwar mwan osi mon ti touse dan mon lentervansyon. Ki osi lezot Manm in touse, ki ler ou dan sa Lendistri napa konze piblik.

Napa batenm napa, parti napa batenm akoz si ou pe travay ou bezwen la pe travay. E byensir ou annan ou zour ou pa pou travay sa en lot zafer.

Apré Onorab Naddy in fer resorti ki tou zenn i merit vin sa Anbasader ler zot pe travay dan Lendistri Touris, ki zot merit vin sa Anbasader pour koman dan sa Lendistri li menm. E sa mon krwar i en tre bon nide ki i a fer zot fyfer dan zot travay.

Mr Speaker, Onorab Monthy in fer resorti ki i merit annan plis *monitoring* ler bann zanfane pe fer zot bann *attachment*. Ki sa osi mon'n koz enn pti pe lo la.

Ki byensir ki sa zanfane deza dan sa lotel - i ki ler in vini byensir i annan en program an plas, ki fer sir i kapab tous a bann program, fer sir ki ler i sorti i retourn kot lekol i konn pli byen ki mannyer sa travay i ganny fer.

Byensir i pa donn li en lot travay ki pa relevan avek son travay, *unless* li kekfwa i pare pour fer. Me selman son *main* bi, in vin la pour fer atasman, pour li kapab aprann dan sa travay ki li i anvi fer dan lefitir. E Onorab Monthy in fer resorti ki en tre bon nide definitivman. Pour en zanfane kapab kontinyen ganny en pli bon ledikasyon dan sa domenn ki nou pe koze, zot

bezwen osi ganny bon lenfrastriktir.

E nou konnen lenfrastriktir kot STA, i ti'n deza pe ganny fer renovasyon, ki nou okouran ki sa lenfrastriktir li menm li, i pa vremen lo sa standar kekfwa ki i merit ete.

E alors sa i merit ganny get ladan pour kapab sa bann zanfann zot menm zot, ki zot a kapab santi zot konfortab ler zot pe fer zot letid.

E en lot pwen ki Onorab Monthly in touse osi tou, ki travayer ennler i enn pti pe dekouraze baze lo zot travay *shift*. E sa vremen osi – espesyalman si ou ankor zenn, si ou annan zanfann ankor ou santi i enn pti pe dezavantaz pour ou.

Akoz kekfwa ler ou pe travay zanfann i li tousel kot lakour avek granmanman. Apre oubyen sa kantite zour konze ki ou gannyen kekfwa pa ase. E la in fer resorti ki *at least* de zour, si ou pe travay *shift* pe travay aswar, de zour par semenn. Ki mon krwar sa osi i kapab vin en form koman en *incentive*.

E ler mon'n ekout Onorab LGB, Onorab Georges, in fer resorti ki pour li, *tourism* i pour toultan sa Lendistri pli enportan dan nou pei e sa mon toutafe dakor avek li.

E fer sa ki nou le ozordi nou pei, i sanmenm sa sekter

ki pou kontinyen anmenn plis larzan. Mr Speaker, *unless* ki nou dekouver petrol, sa i en lot zafer.

E in dir, in fer resorti osi ki lavenir sa Lendistri byensir i dan nou zenn. Mon toutafe dakor avek li, e sanmenm sa ki nou bezwen kontinyen pouse pour donn zot plis sa bagaz pour zot kapab fer pli byen e pour zot reste dan sa Lendistri.

Onorab Aglae Mr Speaker, mon'n ekout li ase byen. E li menm li in rekonnèt ki in al enn pti pe an deor Mosyon.

Me selman mon *ok*, mon konpran son lentansyon. I ti anvi vremen tous enn pti pe, vremen problemm ozordi. Akoz vremen ki nou pe ganny enn pti pe problemm dan sa Lendistri.

Kekfwa nou pe sey ankouraz zenn pour antre, parey nou pe dir kekfwa saler pa relevan, oubyen kekfwa bann zenn i dekouraze.

Me selman osi i donn en pe bon bann valer dan sa ki li in dir baze ki problemm, ki nou pe rankontre la deor. Me enn de bann pwen ki'n fer resorti, parey in dir li menm li in tous enn pti pe an deor me mon napa problemm avek sa.

Me selman mon santi kekfwa, si tou sa bann keksoz ti ganny fer kekfwa bokou pli boner, la nou pe koz bokou pli

boner, mon pa pe anmenn politik ladan - kekfwa ozordi keksoz ti pour bokou pli diferan. E sa ti ava ede ki nou bann zenn ti ava vremen war en landrwa dan Lendistri Touris, en landrwa vremen ki nou dir *attractive* pour zot pran sa koman en karyer.

E Onorab Doyace ler in touse byensir in fer resorti ki Praslin, mon konnen osi La Digue, zot *main Lendistri* ou kapab dir byensir i tourizm. Akoz mazorite zot bann zabitan lo sa de zil, i travay dan sa bann Lendistri ki relye vremen avek touris.

E alor sa i vremen en Lendistri vremen enportan pour sa de zil ki - byensir pour Sesel an zeneral. E byensir ou kapab mazine si napa sa Lendistri Touris Praslin, zot pour vremen dan en gro problemm laba Praslin ek La Digue.

E alors sanmenm sa ki nou bezwen kontinyen, kit sa Lendistri vivan, donn tou pour nou kontinyen fer plis touris vin Sesel. E dernyen Manm ki'n fer son entervansyon Onorab Spiro, pa egzant in fer resorti ki vre mon dakor avek li ki parey in dir en lot mo nou servi pour touris, i ki nou moter pour nou lekonomi.

Mon dakor avek li san pour san. Akoz san touris dan nou pei, nou fouti, parey nou

kapab dir pour napa okenn reveni ki pour antre.

E nou napa okenn lezot gran Lendistri ki pour kapab tir nou dan sa problemm ki nou pour tonm ladan.

E in fer resorti osi ki touris i merit kapab depans plis dan nou pei. E tou sa nou'n ganny dir, nou tann dir lo televizyon, lo radyo partou. E byensir nou tou nou bezwen donn en koudmen, ki mannyer sa touris pour kapab depans plis.

E la byensir, tou Seselwa i kapab osi vin avek en bann nide, enn pti pe proaktiv ki kapab ankouraz touris pour depans plis dan nou pei.

In fer resorti osi - ki'n dir osi ki zenn Mr Speaker, i merit fer zot desizyon tre boner. E sa osi mon dakor avek li akoz mon'n mansyonnen ki bann zanfani ki dan post segonder, i merit kapab fini fer sa desizyon.

Zot merit kapab ganny kontak avek bann dimoun ki dan sa Lendistri, pour eksplik zot enn pti pe plis ki savedir touris? Ki bann louvraz ou kapab gannyen dan sa Lendistri?

E ki son bann *package* ki vin avek? Ki bann *training* ki vin avek? E sa i a ed sa zanfani ler nou pe dir S5 oubyen S4 - S5 ki ler i al dan post segonder pour fer son desizyon.

I a kapab mazin kekfwa touris koman enn son desizyon ki pour fer koman son, ki pour etidye lo la, pour li pran sa koman en karyer.

Mon pour dakor avek li osi ki'n dir dan en fason, ki kekfwa bokou nou bezwen fer bokou plis lo la, bokou plis Gouvernman i merit enn - donn enn pti pe plis ankor.

Menm selman i annan en keksoz ki bezwen realize. Gouvernman i kapab fer kantite. Me selman sa lotel li menm li, i bezwen kapab donn plis osi pour ankouraz sa travayer pour reste dan sa Lendistri.

E Gouvernman parey mon pe dir, Gouvernman i kree sa platform dan en fason. Be selman pour kapab dir sa lotel konbyen pour pey ou travayer kekfwa. Oubyen bann lezot keksoz ki pour kapab ankouraz sa travayer.

E sa i pour tonm vreman lo responsabilite sa lotel li menm li, pou fer si ki i kapab kit sa zenn dan son Lendistri.

Selman enn pti bann pti komanter ki Onorab Spiro in fer resorti ler in dir nou pa merit tous zis lo zis zenn, nou merit tous tou bann dimoun ki partisip, ki travay dan sa Lendistri.

Mon ti a voudre dir Onorab ki Mosyon ti pour baz pour nou kontinyen ankouraz zenn pour vin dan sa

Lendistri. Akoz pour nou sa Lendistri i nou fitir. E definitivman tou sa bann lezot dimoun pe travay dan sa bann Lendistri, nou rekonnèt zot Mr Speaker.

Akoz mon'n dir nou felisit zot tou, nou remersi zot tou ki pe donner dan sa Lendistri. Me selman nou Mosyon ti pour lo zenn, pour pran sa karyer.

Akoz si nou pa ankouraz nou zenn pour al dan sa karyer Mr Speaker, pou ariv en sityasyon kot nou bann dimoun ki pe pli aze, dan Lendistri Touris, zour zot pran zot retrait nou pour war zis etranze dan sa bann Lendistri.

E alors sa pour vin en gro defet pour nou pei, e sanmenm sa rezon ki nou anmenn sa Mosyon. Pour ankouraz zenn, pran sa karyer koman sa louvraz ki zot merit pe fer.

E sa i a ede pour Sesel war en fitir ki briyan avek bokou bann zenn ki pe retenir sa travay dan sa - parey nou dir dan Lendistri Touris.

Mr Speaker, mon krwar mon'n tous enn pti pe, enn pti pe dan tou sa ki bann Manm in dir enn pti pe dan enn de laliny ki zot in fer resorti.

Me selman mon pa pour tarde lo la Mr Speaker mon a zis ankor enn fwa mon a dir mersi. Tou bann Manm ki'n donn zot, ki'n - zot kontribisyon.

E mwan menm mon dir zot vreman mersi bokou, mon'n vreman apresye zot kontribisyon. E alor Mr Speaker, mon napa okenn dout ki sa Mosyon mon pour ganny zot vot an mazorite. Mersi Mr Speaker.

MR DEPUTY SPEAKER

Mersi Onorab Romain. Sa ti son Dwa de Repons lo Mosyon, ki devan Lasanble e alor in ler pour nou pas lo en vot. Zis avan nou ti komanse mon ti lir, mon pa pour relir.

Avan nou pas lo – letan nou pour donn rezilta vot nou ava relir Mosyon pour lentere piblik deor.

Donk tou Manm ki an faver endike silvouple? Mersi. Okenn Manm ki kont? Mersi. Mersi Madanm *Deputy*. Donk nou fek pran vot, lo Mosyon devan Lasanble Nasyonal ki lir koumsa:-

Etandonnen ki Lendistri Touris pe kontinyen grandi e demann ozordi i pli egzizan, Lasanble Nasyonal i ankouraz nou zenn dan sa Lendistri pou delivre a en pli o standar e osi demann Lendistri pou rekonpans zot dan fason apropiye.

I annan 20 Manm ki'n vot an faver. Okenn Manm pa'n vot kont e i annan 8 Manm ki'n *abstain*. Donk sa Mosyon in pase. Mersi.

E aprezan lo nou *Order Paper* i annan en lot *item*. En dezyenm Mosyon ki dan non Dirizan Lopoziyon Onorab Sebastien Pillay. Mon ti ava demann li pour prezant son Mosyon. Mosyon a segonde apre nou ava retourn lo entervansyon. Onorab.

HON SEBASTIEN PILLAY

Mersi Mr Speaker. Bonn apre midi tou dimoun. Bonn apre midi tou koleg Onorab. Bonn apre midi tou dimoun ki pe swiv Lasanble Nasyonal. Mon Mosyon i lir koumsa:-

Sa Mosyon i demande ki en *Select Committee* i ganny kree lo nivo Lasanble pou regard dan sa devlopman ki pe fer lo *Assumption* e Cosmoledo, pou asire sa ki pe ganny fer i dapre bann Lalwa e prosedir an plas. Mersi.

MR DEPUTY SPEAKER

Mersi Onorab. Mon war Onorab Gill pe endike. Onorab, ou pour segonde?

HON CHURCHILL GILL

Yes. Mosyon *seconded*.

MR DEPUTY SPEAKER

Thank you Onorab. Donk mon ava envit Dirizan Lopoziyon pour prezant son Mosyon avek Lasanble.

HON SEBASTIEN PILLAY

Mersi Mr Speaker. I en plezir pour mwan prezant sa Mosyon lo size nou bann Zil Elwanye. Spesifikman le de zil *Assumption* e Cosmoledo.

Mon le met lo rikord ki parey pour tou Seselwa, nou bann Zil Elwanye toultan i en size deba enteresan e pasyonnen, lo lapar nenport ki Seselwa ki koz lo zot, not an plis ki resaman dan Laktyalite tou le de zil in *feature* ase prominaman.

Me avan nou koz lo ozordi, annou regard enn pti pe lo istorik sityasyon en tel Mosyon. E pour etabli baz akoz nou bezwen annan en tel Mosyon devan Lasanble Nasyonal ozordi.

Premyerman Mr Speaker, sa i pa premye Mosyon dan sa fason ki vin devan Lasanble. In deza annan en lot Mosyon ki ti demann en kreasyon en *Select Committee*.

Me li son fonnman ti baze lo en lot sityasyon ki ti devlope devan Lasanble Nasyonal. Si ou a permet mwan Mr Speaker, mon pour al enn pti pe dan listwar pour kapab etabli konteks sa enn Mosyon ki devan nou ozordi.

Le 8 Novanm 2016 ; Onorab Wavel Ramkalawan ki'n ti *Leader* Lopoziyon sa letan, ti *move* en Mosyon devan Lasanble Nasyonal ki ti lir koumsa:-

Swivan bann notis dan Gazet Ofisyel date le 23 e 30 Septanm le 7 Oktob 2016 sa letan, konsernan letablisman Daros ek Saint Joseph Atoll koman en rezerv spesyal, sa Lasanble i rikord son lobzekasyon pour en tel plan.

E an menm tan etabli en *Select Committee* pour etidye raport avek Lasanble sityasyon zeneral tou bann Zil Elwanye. Sa bann notis ti dan Gazet 20/03 e Oktob 7 2016. E sa ti an relasyon ek Daros Saint Joseph koman en *special reserve*.

E nou a rapel lobzekasyon for ki Lasanble Nasyonal ti prezant son lekor sa letan. Mon dir Lasanble Nasyonal, prensipalman kote parti mazoriter dan Lasanble sa letan ki ti *LDS* e son *Leader* ki ti Onorab Ramkalawan.

E ti menm annan reprezantasyon ganny fer par bann peser, oubyen bann dimoun ki frekant sa bann zil ki ti menm vin asiz dan Galeri Lasanble.

A sa moman plizyer vizit ti ganny fer lo bann diferan zil. E mon pour konsantre lo sa de zil prensipal, ki mon met dan mon Mosyon ozordi, pour etabli bann premiz ki sa letan ti koz lo la e pou vwar ki kantite depar in annan *from* sa bann premiz ki nou ti etabli.

An okenn ka mon bann prezantasyon i pa vize ver

okenn endividi, me plito vize ver sityasyon aktyel ki nou trouv nou lekor ladan.

E lesansyel pour ki sak Seselwa, parey avan e ozordi i konpran egzaktman, *what it means* pour annan en – pour nou, pour *manage* nou bann Zil Elwanye.

Me osi sa ki enportan ki bann devlopman posib i kapab ganny fer lo nou bann Zil Elwanye. Mon pour komans dan lord diferan ki mon Mosyon in mete.

Mon pour komans avek zil Cosmoledo avan pour etablir serten paramet pour fer, pour si oule edik Lasanble enn pti pe lo ki sa bann zil i reprezante e ki zot ete an se moman.

Enn bann zil ki sa Komite ti vizite sa letan sete Cosmoledo. Cosmoledo i en *atoll* ki i annan en zistans 1045km oubyen 564 mil notik *southwest of sid was*, sid was nou Kapital Victoria. A sa moman ki nou ti pe diskite ti napa okenn *airstrip* lo zil Cosmoledo.

Resaman *however*, in annan plizyer diskisyon oubyen deba otour zisteman konstriksyon en *airstrip* ki'n ganny fer lo Cosmoledo. E ler Minis Flavien Joubert ki Minis pour Lanvironnman ti ganny enteroze lo sa devlopman sa *airstrip*, Minis ti demann avek

bann zournalis, pour al plito demann *IDC*.

Pour nou sa i *raise* premye *red flag* e premye konsern ; ki en Minis *senior* dan Gouvernman pa konnen ki pe pase, lo zil. Me ler i ganny demande lenformasyon i pa kapab *provide* lenformasyon avek piblik.

An sa ki konsern Cosmoledo son *landmass* i apepre 5.13 kilomet kare. Son propriyeter se Gouvernman Sesel. E son *manager* se *IDC*. Atoll Cosmoledo i form parti group Aldabra e i ganny konpoze plizyer zil, apepre 23 an tou. Ladan i annan *Menai, Wizard, Zil Sid, Grande Polyte, Northeast*. Avan sa, sa zil ti ganny abite, me apre sa in ganny – ti'n ganny abandonnen.

Sa *atoll* i ganny konsidere koman en sant enportan pour bann tortidmer, e *green ...harvesting in the past*.

Sa *atoll* i osi ganny frekante en kantite par bann dimoun, bann *braconnier* oubyen bann *poachers*. Ki vizit sa zil frekaman osi pour fer zot bann aktivite ilegal.

Plan pour konstrir en *airstrip* lo Cosmoledo ti ganny kennsel, ki ti les akse a Cosmoledo pour ariv Cosmoledo senpleman par Astove.

Ti annan en pti devlopman *tourism* sa letan ki Prezidan Larepiblik e kot *LDS* ti proteste. Sete en devlopman fer par *Blue Safari*. Sa menm konpanyen ki ti pe *run* *Alphonse Resort*.

Since la, *since* sa bann protestasyon ziska la nou pa ankor antann okenn nouvo protestasyon sorti kot Gouvernman, Msye Ramkalawan li menm koman Prezidan, oubyen group *LDS* dan Lasanble Nasyonal.

Bokou kritik in ganny leve lo sa prosedir ki pa transparan, ki pour *allow* bann *Seselwa* pour partisip lo bann *tourism project* lo zil. Fodre mon aksepte, ki pour partisip proze touris lo zil, i en keksoz ki pour koute e pour demann bokou lo en devloper ki pour fer.

Me ti annan osi serten rekomandasyon ki Komite Zil sa letan ti met an plas. Bann rekomandasyon ki mon pa vwar Gouvernman ranforsi oubyen met lanfaz lo la.

Premyerman, konservasyon ki *Islands Committee* ti krwar ki Cosmoledo ti devret ganny - si oule ganny prezerve e gard li pour konservasyon. E sa ti pour plizyer rezon.

I ti ganny konsidere koman en landrwa ki annan en labote ekstrememan, ekstrememan enportan avek

en lagon tre, tre an bonn sante ki ti ranpli avek tortidmer e diferan kalite lespes maren.

Bann zil ki otour Cosmoledo i osi en landrwa pour plizyer zwazo. Cosmoledo i aparaman an sa moman, ti zil ki ti annan pli gran popilasyon bann *red-footed booby*, *masked booby* e *sooty tern* dan nou pei. Bann zwazo lanmer.

I osi ganny konsidere koman en *breeding site* enportan pour bann zwazo. I annan osi bann zwazo andemik ki ganny trouve Cosmoledo.

E azoute - Komite ti azoute poudir son - pour plonze soumaren i ekselan e son *marine life* i *extremely rich*. Alors Mr Speaker, nou ti - parey tou *Seselwa*, nou bezwen eksprim nou konsern otour size en *airstrip* lo Cosmoledo e ki sa i *mean* pour zil Cosmoledo.

E se pour sa rezon, ki sa i etabli baz pour annan en drwa regard e Lasanble Nasyonal i bezwen annan lo sa ki pe pase Cosmoledo.

Mon bouz lo dezyenm zil pour etabli ankor bann *background* e premiz pour sa Mosyon.

Dezyenm zil ki nou pe konsidere dan sa Mosyon se zil *Assumption*. Ki annan en zistans 1135 kilomet, oubyen 637 – 613 mil notik sid was avek nou kapital Victoria.

Sa zil ti annan en *airstrip* i ganny *bisected by* en – ki annan apepre 1210met, oubyen *three thousand nine-hundred-and-seventy-foot concrete airfield*. I sertifye par bann lazans enternasyonal.

Kantite zil ki i annan i enn. Son *land area* total i 11.6kilomet kare. Son propriyeter se Gouvernman Sesel, son *manager* i osi *IDC*.

And then enn pti istorik pour *Assumption*. Kaptenn *Nicholas Morphey*, ti dekouver sa zil le 14 Out 1756. I ti apel li *Assumption* parey pour bokou kreyen, akoz sa i tonm lo Lafet *La Vierge Marie* ki tonm le 15 Out.

I pli gran ki La Digue. E i ti fer fertil prenon kont ki ti annan bokou depozit gwano sa letan. Me zil in vin en sant pour gwano *mining* pandan plizyer lannen. Sa in annan en lenpak negativ lo son *landscape*.

Sa zil sa letan ler nou ti vizite koman *Islands Committee* ti napa gran devlopman lo la. E ti pe ganny servi prensipalman koman en *staging station* pour bann dimoun ki pour al Aldabra.

Rekomandasyon sa Komite sa letan. Se ki an se ki konsern *tourism*, *given* ki sa zil i pre avek Aldabra e ki en *world heritage site*, ti otomatikman donn *Assumption* en misyon spesifik

pour protez Aldabra. Me osi pour akt koman en fasilitater pour *enable guest to visit it*.

Sa i pa vedir ki i ti en analiz ki ti'n ganny fer baze lo tou bann donner. Me rekomandasyon Komite sa letan se ki *Assumption* i zwe en rol enportan pour tourizm e akt koman en *stepping stone* pour Aldabra.

E adisyonnelman Aldabra in en rol enportan dan konservasyon pour zwe. Ti koz lo konstri enn pti letablisman touristik, ki ava ganny konstrir pour *cater* zis koman en *transit hotel* pour Aldabra, oubyen en *holiday establishment*.

Touris i a kapab *enjoy* sa ki'n ganny dekrir koman enn bann pli zoli lans dan lemonn. I 6000 met an grander e an plis ki sa *Assumption* ti'n ganny deklare koman en landrwa ki annan en *rich fauna*.

Savedir en laverdir enportan, tre ris e enn parmi bann *best diving site close to shore*. An relasyon ek bann baz *Coast Guard*. Komite ti bezwen al pli lwen.

Prenon kont ki nou *EEZ* i annan tro bokou, i larz e nou ganny atake pa tro bokou bann *braconnier*, bann *poachers* oubyen *illegal fishing*, *Assumption* ti'n ganny konsider koman en baz ki ava osi *staging station* pour *Coast*

Guard. In annan plizyer vatevyen lo sa size. Lasanble i konn tre byen, Lepep Seselwa i konn tre byen. Me ziska la nou pa ankor tann nanryen lo la.

An sa ki konsern lapes *given* ki i annan bann *rich fishing ground* otour *Assumption* and konsiderasyon serye ti devret - ti ganny propoze, an se ki konsern etabli en *fishing village* lo *Assumption*. Tousala ti bann propozisyon ki ti ganny mete dan en rapor *Islands Committee*.

Kot nou ete ozordi? Ozordi sa ki nou konpran, se ki pour annan devlopman en gran lotel lo *Assumption*. Sa ki nou konpran se ki i annan plizyer devloper ki *involve* ladan. E sa ki mon konpran se ki sa devlopman pe *proceed*.

An sa ki konsern *Assumption* ganny servi koman en *staging base* pour *Coast Guard*, nou pa ankor tann nanryen lo la. Ki rol Lasanble Nasyonal ladan?

Lasanble Nasyonal i annan en rol enportan pour li zwe, pour li fer *oversight* lo diferan keksoz ki konsern Gouvernman Sesel. Enportan ladan i konsern teritwar Sesel.

As it stands today, koman en Manm Lasanble, nou, nou pa santi ki Gouvernman pe fer ase pour *exercise oversight* ki konkret,

ki transparan lo sa ki pe pase lo *Assumption* e lo Cosmoledo.

Alor nesesite pour kree en *Select Committee* pour al vwar ki pe pase lo sa de zil an relasyon ek bann prosedir ki'n ganny etabli. E sirtou prenon kont bann prononsman ki Gouvernman, bann zofisye *senior* dan Gouvernman in fer resaman.

I enportan pour note Mr Speaker ki premye fwa ki size *Assumption* ti vin devan Lasanble, se atraver en *PNQ* ki mwan menm mwan mon ti anmennen lannen pase. Sa ki mon pe demann avek Lasanble, se ki pour aprouve ki nou annan sa Komite.

Konpoz li, apre prezant en *terms of reference* avek Lasanble Nasyonal ki ava spesifik e fer kler ki rol sa Komite pour zwe. Mon propozisyon i se ki sa i en Komite ki pour non peyan.

Savedir bann Manm pour partisip lo la san ki zot ganny okenn *allowance*. E son bi, en *select purpose* se pour regard sa de zil. Si Manm Lasanble i anvi elarzi konpozisyon sa Lasanble, sa i ava *up to* Manm Lasanble ki anvi propoz lamannman pour sa Mosyon.

Ziska la *however* Mr Speaker, mon pa ankor resevwar okenn propozisyon lamannman atraver Sekretarya Lasanble ki'n

ganny met devan nou Lasanble.

Apard ki sa enn mon menm ki'n propoze pour azout Cosmoledo lo sa Mosyon. Prezan Mr Speaker, eski koman Manm Lasanble ler nou fer sa nou pe onor nou obligasyon koman bann reprezantan Lepep?

United Seychelles i fermeman krwar, ki rol Lasanble e son rol *oversight* e son rol reprezantasyon, i enn ki primordyal dan asire ki Gouvernman i konport li dan en fason ki transparan.

E ki *accountable* pour bann desizyon ki ganny fer par bann diferan antite anba responsabilite Gouvernman. Set alor ki nesese pour ki Lasanble i egzers *oversight* dan tou mekanizm ki kapab servi.

Apriori Lasanble i servi mekanizm demann kestyon, oubyen anmenn Mosyon pour fer son travay. Me en konponan enportan travay Lasanble, se konpozisyon bann Komite pour vwar oubyen egzers *oversight* lo bann size ki Lasanble i konsider nesese pour annan *oversight* lo la.

As we stand ozordi, i nesese pour annan *oversight* lo sa de zil. E se pour sa rezon Mr Speaker, ki *United Seychelles*, in pran linisyativ pour anmenn sa Mosyon

devan Lasanble Nasyonal ozordi.

Ki mon ava swete i ava ganny sipor Lasanble an antye e i ava ganny konpoze zisteman pour ki nou kapab al fer sa ki sa Mosyon i demande.

Savedir pour regard sa devlopman ki pe fer *Assumption* e Cosmoledo, pour asire sa ki pe ganny fer i dapre bann Lalwa e prosedir an plas. *I beg to move* Mr Speaker. Mersi.

MR DEPUTY SPEAKER

Mersi Onorab Pillay. Onorab Gill, mon *take it* koman Manm segonde ou ler entervenir la. *Proceed* Onorab.

HON CHURCHILL GILL

Mersi Mr Speaker. Bonn apre midi e tou Manm e tou dimoun ki pe ekout nou. Mr Speaker, devan nou Lasanble i annan en Mosyon tre enportan. An relasyon avek kreasyon en *Select Committee*, bipartisan pour en vizit travay, proze propoze lo zil *Assumption*.

Baz Mosyon, i relye avek lenportans ki nou atase avek mentenir konsistans dan lenplimantasyon proze, dan latransparans e asir egzekisyon dapre plan aprouve par Lotorite konsernen.

E avek bi garanti ki tou lareg i ganny respekte dan son totalite. Mr Speaker, misyon sa Komite, ava ganny

akonplir, ler reportaz ki ganny fer i reisi tir tou dout dan lespri sitwayen Seselwa, ki pe swiv sa devlopman avek gran lentere.

Mr Speaker, i pa vreman kler magnitud sa proze. Ki parti zil *Assumption* ki pe ganny touse. Ki groser lekipman ki pe ganny servi laba. Ki fason bann materyo konstriksyon pe ganny debarke ou pour ganny debarke, lo sa zil. Eski lans pe ganny touse?

Eski bann koray lakot, sirtou o bor lans pe ganny touse? Lenpak sa *runway* ki'n ganny entrodwi lo zil *Assumption* ki kantite e ki kalite zarbis ki'n ganny koupe?

Eski tou keksoz in ganny fer dapre *EIA* ki'n ganny aprouve? Eski i annan okenn travay preliminar ki pe ganny fer lo zil an relasyon ek proze? Atraver lekel Lotorite ki laprouvasyon sa bann travay pour ganny fer e lekel ki'n donn lotorizasyon pour sa travay preliminar si a pe ganny deroule.

Ki fason ki sa bann travay pe ganny sipervize? Ki lenpak ki en proze sa groser pour annan lo *Assumption* dan lonterm? Ki fason *waste management disposal* pour ganny fer, pour evit polisyon swa lo zil li menm oubyen dan *coastal areas* oubyen menm

dan ekosistem maritim an zeneral?

Ki lenpak ki bann aktivite lwazir pour annan lo bann resours sa zil dan lonterm? Mr Speaker, mon konstate ki *TOR* Komite *COGA*, pa donn zot en tel manda.

Menm sa Komite pour Sekirite Alimanter e Soutenabilite zot *TOR*, pa donn zot en tel manda. Se pour sa rezon ki Mosyon anmennen par Onorab Sebastien Pillay, pe demande ki en *Select Committee*, i ganny kree dan Lasanble pour vizit zil *Assumption*.

Sa Mosyon i tre relevan, e annan en lenportans tre serye pour zil *Assumption*. Mr Speaker, parey ou'n kapab konstate, en tel Mosyon son merit i vas.

Donnen lenportans ki nou isi Sesel nou mete lo nou size lanvironnman. I tre enportan ki sa *Select Committee* i al vwar ki pe pase lo zil *Assumption*, pour asire ki tou sa ki pe ganny pase pe ganny fer lo zil *Assumption* e Cosmoledo pe ganny fer avek tou prekasyon nesaser, senpleman pour evite ki sa de zil pa perdi zot bote natirel. Ki par kont i tre eksepsyonnel.

Mr Speaker *Select Committee* ava ganny loportinite, pour vin raport avek Lasanble e pep Seselwa ki vreman pe pase lo sa de zil.

Mr Speaker, mon le met lo rikord parey loter Mosyon in dir ki sa *Select Committee* i pour fer sa travay lo en baz volonter e pour napa okenn peyman ki okenn Manm pour resevwar.

Mon senserman krwar ki tou Manm Lasanble, donnen lenportans ki nou atase lo lanvironnman, e nou'n toultan dir ki Sesel i sanpyon lanvironnman, i ava war rezondet en tel Mosyon pour en vizit travay ki a kapab etablir ki vreman pe pase lo sa de zil.

Mon swete ki nou a ganny sipor nesaser pour sa travay kapab ganny fer pour tir tou bann dout ki okenn dimoun i kapab annan ki pe pase lo sa bann zil. Mersi Mr Speaker.

MR DEPUTY SPEAKER

Mersi Onorab. Loter Mosyon in koz 14 minit. Sa ki'n segonde in koz apepre 7 minit. So nou pa pour *allow anybody above* 15 minit. Mon ava donn laparol Onorab Uranie.

HON ROCKY URANIE

Mersi Mr Speaker. Bonn apre midi tou koleg Onorab. Mersi *LOTO* pour anmenn en Mosyon bipartisan ozordi dan sa Lasanble.

E mon swete ki tou Manm i ava donn laprouvasyon anver sa

Mosyon. Mr Speaker, sa Mosyon i enn ki senp. Mon a relir pour benefis tou Digwa, byensir dimoun mon distrik, byensir i enportan e tou Seselwa ki a lekout.

Sa Mosyon i *straightforward*. Sa Mosyon i demande ki en *Select Committee* i ganny kree lo nivo Lasanble, pou regard dan sa devlopman ki pe fer lo *Assumption* e Cosmoledo pou asire sa ki pe ganny fer i dapre bann Lalwa e prosedir an plas.

Straightforward. Mr Speaker i enportan koman Manm Lasanble pour nou toultan annan *oversight* ki pe pase dan pei. E alors i nou responsabilite, pour nou konnen tou bann devlopman ki pe pase lo tou zil. Me la an kestyon i sa de zil, *Assumption* e Cosmoledo ki nou'n tande dan medya.

Medya in koz lo la e sa osi i annan plizyer dimoun ki pe koz lo la. Ki anvi konnen ki pe pase? Ki pe arive lo sa de zil. Donnen ki sa de zil i ase lwen avek Mahe e napa bokou dimoun ki vreman ganny akse avek sa de zil.

E sa de zil i ganny *managed* par *IDC* e dan lepase sirtou lo *Assumption*, nou'n tann plizyer, plizyer koze. Parey Onorab Sebastien Pillay in dir mon pa pour repet tou sa ki'n dir.

Me nou'n tann plizyer koze lo la. E tou dernyerman dan medya, ti annan enn ankor ki ti enn pti pe pli resan. Sirtou ti annan en konstriksiyon en *airstrip* lo Cosmoledo.

E sa osi parey nenport ki koman en Manm Lasanble, mon osi mon ti tann dan, dan Nouvel. E alor i enportan, pour nou kree en *Select Committee*, bann Manm isi anndan dan nou Lasanble.

E sa parey mon'n dir pour repete i pour en keksoz ki pour *free*, volonter, napa okenn *allowance* ki pour donner. Espesyalman pour al regard travay, lanpler travay ki pe deroule lo sa de zil.

Akoz nou'n konnen ki annan bann devloper ki'n montre lentere anver sa de zil. E sirtou *Assumption* ki'n toultan enn, annan bann kontansyon lo la.

Mr Speaker, ankor i enportan pour nou fer sa bann *oversight* aköz lenportans ki nou atase avek lanvironnman. E byensir nou'n toultan isi menm dan Lasanble, nou annan bann dimoun ki vremen, vremen santi zot konsernen kot i konsern lanvironnman.

Alors laba, mon menm mwan personnelman mon pa'n zanmen al *Assumption* dan mon lavi. *Ok*. Mon pa'n

zanmen al Cosmoledo dan mon lavi. *Ok?*

Me toultan nou vwar pase lo medya, vwar ale ou a gete, ou al lir lo la – dan bann liv. Me zot annan bann plant, zot annan bann plant, bann lespes ki laba ki nou bezwen gete ki bann valer zot anmennen. E ki fason nou kapab protez zot pour ki bann devlopman ki ganny fer, pa afekte bann lespes plant e zannimo.

Mr Speaker mwan mon en Manm COGA. Me COGA avek lezot bann Manm menm dan tou lede *Caucus*, nou *terms of reference* pa fer nou annan – pa fer nou ariv laba aköz nou pa ganny okenn lasirans ler i vin kot sa bann zil.

Pour lemoman alors, se pour sa rezon ki nou ti a kontan annan sa *Select Committee*, ganny formen pour al regard sa bann devlopman.

E dan lefitir, dan lefitir mon sizesyon - mon sizesyon se ki ler i annan bann gran devlopman lo bann zil, petet bann Minister konsernen ek devloper i kapab petet vin isi anndan, fer li koman en lasirans ki la petet COGA, i ava kapab swiv ki pe arive lo nou bann zil.

Alors sa i sizesyon pour lefitir. Me la dan limedya an vi ki annan – nou tann tou sa koze - so dan limedya en *Select*

Committee, ti a ganny formen e mon pa krwar i pour annan bokou kontrent Bidzeter pour sa.

Akoz i pour enn ki preski dir free parey nou dir, petet pasaz pour ariv laba. Me i pa pour en gro lenpak lo Bidze. Alor i pa en keksoz ki bezwen trennen, pour ganny formen, pour nou kapab ariv lo sa de zil pou vwar ki pe arive.

Sa de zil ou kapab vwar en ler parey ler i montre bann video, aeryen konmsi ou kapab war nou bann zil. Zot vreman zoli. E bann ki'n al lo sa bann zil i dir ki ler ou laba latmosfer i zis parey paradi.

Konmsi zot *wonder*, ou bliye kote ou ete konmsi. I vreman eksepsyonnel. E alor nou ti a voudre konnen ki kalite devlopman ki pe komanse laba. Vwar ki zistans i ete. Si in komanse? E pour nou gete si tou keksoz pe deroul dapre Lalwa e prosedir ki annan an plas.

Dapre tou nou bann Polisi, bann regilasyon ki nou mete ler i konsern bann devlopman lo zil. Mr Speaker, sa *Select Committee* byensir pour bezwen ganny akonpanyen avek medya ki pour kouver. E sa i a ganny difize apre avek tou Seselwa e Manm Lasanble.

E bann *interviews* i ava ganny fer e sa i ava enspir konfyans dan Seselwa, pour

vwar ki nou koman bann Lasanble. Vi ki sa Mosyon i bipartisan, nou serye e nou annan *oversight* lo sa ki pe deroule lo nou zil.

E alor Seselwa nou ava annan plis konfyans dan nou Lasanble. Mr Speaker, alors mwan mon ti a sizere ki bann Manm lot kote latab zot donn sipor sa Mosyon pour ki sa *Select Committee* i kapab ganny formen.

E alors nou a kapab al vwar ki pour arive, ki pe arive lo sa de zil. E mwan mon ti ava swete mon form par sa *Select Committee*, byensir. Espesyalman pour mwan al gete ki pe arive lo sa de zil. Mon konpran laba zot pe mirmire, zot pe mirmire aköz keksoz pe deroule anba *watch* zot Gouvernman.

E zot menm zot, zot pa konnen ki pe arive. Alors silvouple ti a bon zot osi zot konnen ki pe arive. An vi ki annan bann Manm sirtou i annan *Chairman SIF* si mon pa tronpe Onorab Georges.

Li osi mon krwar dernyenrer i ti'n konsernen. Mon krwar i ti'n – sey fer enn pti lesey. Mon pe donn li kredi pour sa, parey mon dir sa mosyon i bipartisan – ti'n fer enn pti lesey, pour sey ekrir enn pti keksoz pour zis mon pa konnen, mon pa pour al petet an mal lo la.

Petet pour li sey parey nou dir protez en pe son pti pozisyon lo *SIF* kot i konsern sa bann – lo devlopman *SIF*. (Wi, me, selman wi, wi larzan touy lera, sa €25 milyon Sa apre nou ava, nou ava gete. Sa en lot zafer sa. *Ok ?*)

Petet la, mon ti a kontan Onorab Georges ti a form par petet ti a gete li osi kantite ki annan laba bann zafer, sa larzan petet ti a partaz en pe laba osi – nou ti ava gete.

So alor Mr Speaker, mon pour nou pa pe atak okenn lakonpanyen. Laba i annan bokou dimoun ki travay, bokou Seselwa ki travay. *IDC* i fer en travay fantastik aköz ler *COGA* ti al vizit bann lezot zil ki, ti annan lasirans ki ti ganny donner.

Nou ti ale, nou ti war ki *IDC* ti fer – pe fer en travay tre fantastik. *Ok*. E alor pa pe atak *IDC* nou anvi zis konnen ki pe deroule lo sa bann zil, pour nou met sa o kler avek piblik Seselwa. Alors mon pour donn tou sipor sa Mosyon ki sa *Select Committee* i ganny kree.

An tout senserite byensir enparsyal, nou ava vwar kwa ki pe deroule. E parey mon dir si i ava enspir konfyans ki dimoun i annan dan nou Lasanble, ki zot ti a pe perdi.

Alors Mr Speaker, mon pour donn sipor Mosyon e alor mon ti a swete ki tou bann

Manm lot kote latab i fer parey. Mersi.

MR DEPUTY SPEAKER

Mersi Onorab. Aglae - Onorab Aglae prosen Manm lo mon lalis pour entervenir silvouple. *Proceed.*

HON EGBERT AGLAE

Mersi Mr Speaker. Bonn apre midi tou dimoun. Mr Speaker, ankor enn fwa mon pe donn mon sipor en Mosyon pour letablisman en *Select Committee*.

Parey 6enm Lasanble, ti annan Mosyon pour etablir en Komite Zil, kot nou ti kapab anmenn plis laklerte lo kwa ki pe pase e ki pe arive lo nou bann zil.

Mr Speaker, lartik nou Konstitisyon Sapit 1 i fer referans avek *national*, nou teritwar Nasyonal. E dan premye *schedule*, i fer referans mansyonn tou nou bann zil ki dan teritwar Sesel.

E Cosmoledo e *Assumption* i form par sa bann zil. Alor tou Sesel i merit santi li konsernen, pasyonnen avek tou nou bann zil ki tonm dan teritwar Sesel.

E i enn bann lobligasyon, mwan koman en Seselwa osi, pour aport tou sipor pour ki nou bann zil i ganny byen zere, i ganny byen proteze.

E dan lepase Mr Speaker, Gouvernman in war li nesese, pour antre anba bann diferan Lagreman ouswa form par bann Konvansyon ki siport proteksyon nou lanvironnman.

E sa i enkli nou teritwar la maren e nou bann later ki ganny trouve lo bann zil. I bon konstate ki plizyer milyon Roupie e menm Dolar, mon kapab dir, i ganny verse anyelman kot i konsern konservasyon nou teritwar ki bezwen ganny proteze e nou bann zil.

Me osi mon bezwen konstate poudir en pei i bezwen devlope. I bezwen devlope, i bezwen annan en lekonomi ki pa reste statik. Savedir kontinyen zer reveni, anmas reveni e fer lespas pour devlopman, ki swa pour Seselwa me osi bann lenvestisman eksteryer ki vini sa i vin atraver nou bann (*FDI*) *Foreign Direct Investment*.

Ou konpran tousala. Pei pour kapab zer en lekonomi pour ganny larzan pour pey nou bann det, i bezwen osi annan bann lenvestisman kot i kapab ganny larzan.

Me nou bezwen osi annan en balans lo kwa ki nou bezwen. Kwa ki nesese, kwa ki parfwa ou kapab dir, nou pour – akoz i arive parfwa kot ou bezwen fer serten sakrifis.

Kwa ki ou pour sakrifye pour ou ganny sa ki ou anvi *achieve*? Nou, nou'n war dan lepase e mwan mon'n witness sa, dan bann diferan proze touristik ki'n ganny fer ouswa ki'n ganny soumet devan ansyen Gouvernman.

Kot piblik, Seselwa in anmenn son *outcry* pa'n kontan bann propozisyon proze ki'n ganny fer. Cap Ternay dan mon distrik, ti enn kot lakonpanyen *Emirates* ti pe vin fer konstriksyon. En gran lotel sepa 6-7 zetwal swadizan.

Nou ti war poudir bann groupman, e la mon kapab non enn de parey *Preserve Seychelles* ti vin devan, ti met zot konsern. Ti annan menm *meeting* ki ti ganny fer.

E malgre lakonpanyen sa letan *Emirates*, ti *downsize* sa proze *still* Seselwa pa ti kontan. Seselwa pa ti an faver. E proze pa'n zanmen materyalize.

Nou'n war osi Grand Police, size Grand Police ki'n vini lo menm lanpler, nou'n war. Me apre kekyon se, ki arive? Me la nou pe viv dan en lot *era*, pa nou Gouvernman ki la, la. La i annan en lot Ladministrasyon an plas. Letan nou pe regard bann keksoz ki zot ti lager kont. Mon war ou a dir pe pase fasilman.

E sa i poz mwan serten lenkyetid. E ozordi, nou konn

byen dan nou sirkonstans kiltir mantal Seselwa, i annan – nou kontan fer bann spekilasyon. Me enn fwa pour tou, pour nou kapab elimin sa bann spekilasyon, elimin sa bann swadizan ki pe dir si sa i vre ou fo ; bann dout, nou kree en Komite, en *Select Committee* dan Lasanble.

Ki ava al vwar, i en travay ki zot pour al fer sa, i pa en vakans, i pa en *trip*. Mwan si mon pa ladan i pa en problem. Me sa ki enportan pour mwan se ki pep Seselwa i a war son bann reprezantan parلمانter lo tou lede kote latab in zwenn ansanm, pour al regarde ki pe pase.

E apre i ava annan en rapor ki a ganny soumet, a ganny soumet avek Lasanble. E Lasanble i annan en devwar - *duty* pour li met devan Gouvernman bann propozisyon ek bann *findings* ki ava ganny trouve lo sa zil.

E nou, nou a fer li nou devwar, pour enform nou pep osi. Byensir pour annan rekomandasyon ki medya i zwenn avek sa Komite pour al gete ki pe pase lo sa de zil.

E la zot osi zot ava fer zot devwar koman en medya, pour zot pas bon lenformasyon ki korek, zimaz, portre bann *interviews* ki ava ganny fer avek bann Manm ; bann *interviews* ki kapab ganny fer

posibleman avek bann promoter ouswa devloper.

Bann *interviews* ki ava ganny fer avek bann ki sipoze pe siperviz sa bann devlopman ki arive lo zil. Se sa ki nou pe demande ki pour arive, ki pour bezwen ganny fer.

Si non, si nanryen pa ganny fer byensir pep Seselwa pour ankor pe viv dan spekilasyon lo ki pe pase. Nou pour war tanzantan bann portre ki pour aparet lo medya sosyal. Nou pa konnen si i korek si i vre, ki letan ki'n date, ki'n ganny tire.

So enn fwa pour tou, nou, nou kapab koman en Lasanble met sa bann spekilasyon dan en fason laklerte lo ki pe pase. I annan osi koze deor ki mwan mon pa pe mansyonn ouswa akiz person, ouswa montre ledwa lo person.

Nou annan en size dizef zwazo, *ok*. E i annan Seselwa ki krwar poudir akoz sa bann devlopman ki pe ganny fer, *IDC* pa pe war li en priyorite pour al anmas dizef pour donn Seselwa. Akoz i *busy* pe anmas larzan.

I annan Seselwa ki pe dir sa. I bann spekilasyon. So pour nou enn fwa pour tou, met sa bann keksoz an pratik nou a konnen.

Avan mon terminen pour konklir, i osi annan en largiman syantifik avek bann

ki krwar dan lanvironnman, bann *environmentalist* mon kapab dir -bann konservasyonis ki bann devlopman parey avek transportasyon bann dimoun premyerman, bann materyo, ki pour ganny servi ouswa bann lezot *item*, i kapab annan serten eleman *biosecurity* ki atase avek.

Zot pe demande eski sa bann *due diligence biosecurity* pe ganny fer, pour pa al entrodwir lespes ki pa ti egziste lo sa bann zil ki antre lo sa zil? Pe mazine poudir nou osi nou annan bann *neighboring island*, nou annan en *atoll* enportan sirtou ki obor, ki kapab vin en menas pour bann sit ki *UNESCO* in deklare koman sit lanvironnman e leritaz.

So nou bezwen konpran, nou bezwen ekout sa bann lavwa. E mon kontan poudir *SIF*, atraver ou Mr Speaker, *SIF* in pronons son lekor lo sa size poudir be gete annou met en fren. Annou etidye en kou. Annou regarde.

E sel keksoz ki mwan mon demande, se ki Gouvernman i bezwen ekoute. E annou vwar *what's the way forward*. So mwan mon siporte poudir pour annan en Komite parey ki pour donn sipor, bann demann ki pe ganny met devan. Donn sipor, laklerte pou les pep Seselwa

pa viv dan bann konfizyon e spekilasyon.

Mr Speaker, mon pour dir ou mersi.

MR DEPUTY SPEAKER

Mersi Onorab Aglae. Nou ava donn laparol. Akoz laplipar bann Manm pe koz so *far* 10 minit. So nou a donn laparol Onorab Vidot, probableman li osi pour koz dan sa bann menm letan nou kapab *break* mwen en kar. Onorab *proceed*.

HON AUDREY VIDOT

Mersi Mr Speaker. Mon a dir bonn apre midi Mr Speaker, tou Manm Onorab, tou Manm piblik ki a lekout.

Mr Speaker anefe mon pa bezwen pran 15 minit akoz sa Mosyon ki prezante devan nou Lasanble apre midi. Prezantater Mosyon Onorab Sebastien Pillay in etabli byen bann koz.

E segonder osi Onorab Gill in tous byen lenportans lo merit akoz ki Mosyon pe demann, pour annan sa *Select Committee*. E mon bann koleg ki'n koz avan mwan, zot osi zot in etabli serten pwen.

Me mon pour ranforsi enn pti pe lo lenportans akoz ki sa Komite i annan son merit pour li ganny etabli. Mr Speaker, nou tou, sitwayen Sesel bann vre patriyot, nou annan en lanmour en santiman fondamantal kot i

konsern nou bann byen, nou bann aki pei.

E parey Onorab Uranie in fer resorti, koman en Seselwa, en sitwayen i son swe, son rev en zour petet tous serten zil ki li i pa ankor ganny sans vizite e apresye. E sa i pa zis en swe Onorab Uranie, me plizyer Seselwa ki pe swiv nou ki pa ankor ganny en loportinite pour li petet vizit serten nou bann zil.

E zot swiv plito bann kominikasyon, oubyen bann reportaz ki ganny fer par medya ou bann groupman lanvironnman ki parfwa i ganny en sans pour fer serten reportaz lo serten nou bann zil.

E kot i konsern devlopman lo serten nou bann zil, i pa toultan ki piblik i ganny sans ganny met azour pour zot konnen ki pe pase lo serten nou bann zil.

Me menm si Mosyon pe demande i pour sa Komite byensir swiv bann devlopman ki pe pase lo *Assumption* e Cosmoledo.

Me mon asire ki avek letablisman – avek kreasyon sa Komite, byensir avek sipor Lasanble Nasyonal avek en *terms of reference* ki kapab permet li pli tar kree loportinite pou eksplor okenn lezot zil ki annan petet bann serten devlopman ki kapab konsern piblik.

Oubyen bann groupman parey mon koleg Onorab Aglae in fer resorti. Espesyalman nou bann aktivis lanvironnman, pou asire ki okenn devlopman ki ganny fer lo nou bann zil elwanye, i bann ki byensir ki dan konservasyon nou lanvironnman. E osi dan proteksyon bann lespes ki ganny trouve lo sa bann zil.

E ki nou vwar poudir napa okenn devlopman ki donn okenn lenpresyon ki nou koman en pei, ki swa nou'n vann, oubyen nou'n les okenn etranze vin fer serten devlopman ki afekte nou bann byen dan pei.

Mr Speaker, nou konnen devlopman ki pase lo nou bann zil, bokou piblik i annan en kantite lentere lo la. E pli piblik pa ganny enformen, zot pa ganny met azour, nou pa ganny vwar latransparans ki vremen pe pase lo serten nou bann zil. E la nou pe koz spesifikman lo *Assumption* avek Cosmoledo.

Nou konnen ki piblik i fasil pour li kapab annan diferan persepsyon e annan bann sirkilasyon ki ganny koze e ki pa neserman kapab anmenn en zoli limaz pour pei.

E byensir pour sa ki pe administre e annan sa responsabilite pou asire ki nou bann aki i dan bon lanmen e

pe ganny byen – byen ganny zere e byen ganny devlope.

Alors i vremen enportan ki nou Lasanble Nasyonal, ki annan sa rol pou obzerv e osi asire pour nou kapab reponn bann konsern ki piblik i annan lo petet sa ki zot pe tande, pou zot asir zot poudir napa, oubyen keksoz pe deroul ase byen.

Oubyen travay pe ganny fer byen. Ki napa en lenpak negativ lo lanvironnman ou devlopman ki pe pase lo nou bann zil. Espesyalman parey mon pe dir la dan sa 2 ka spesifik lo *Assumption* avek Cosmoledo.

Latransparans i enportan, aköz in enn bann travay ki mon kapab dir tou lede parti politik dan 6enm Lasanble ti koz fortman lo la. Ki swa parti *United Seychelles* ou *LDS* ki ti annan en mazorite sa letan dan 6enm Lasanble.

E ozordi, la ki zot annan en lot mazorite ankor dan 7enm Lasanble, mon ti ava swete vwar ki atraver zot sipor pour sa Komite ganny kree, i a montre vremen zot senserite kot i konsern vremen lo latransparans kwa ki pe pase lo nou bann zil.

E pou kapab rann kont zot bann piblik osi, ki'n kontribye pou donn zot sa sipor pou reprezant zot. E byensir, eklersi okenn dout ki kapab annan ki relye avek

bann devlopman ki pe pase lo *Assumption* e Cosmoledo.

Mon pa krwar i annan Manm lo lot kote latab, ki ti pou kontan war li dan en pozisyon parey Minis Joubert. Kot letan i pe ganny demande en kestyon, i ganny revwar poudir i bezwen demann kot *IDC*.

Kan en dimoun ki sipoze pli byen plase pou kapab dir vremen ki pe pase e ki desizyon, aköz desizyon in ganny pran. Oubyen keksoz in ganny fer dan en tel fason.

Mon pa krwar i annan en Manm lo lot kote latab, ki ti pou voudre pe reponn son piblik dan sa fason.

So i enportan ki letan nou dir latransparans nou met li an pratik, nou koman Manm Lasanble, pour nou kapab byen enformen, ganny met azour vremen kwa ki pe pase lo nou bann zil. Parey mon pe dir, lo *Assumption* avek Cosmoledo.

Mr Speaker, nou'n deza annan en Komite ki ti formen dan 6enm Lasanble. E nou annan leksperyans an term Bidze pou vwar vremen petet konbyen in koute pou kapab al fer serten travay pou al vizit lo sa bann zil.

Mon pa krwar 6enm Lasanble i annan zot ti al vizit lo zil pou al vakans oubyen pou al *enjoy*. Mon mazin zot in fer zot rapor. Zot annan

travay, rikord i la. I montre poudir zot annan travay ki zot in fer, ki zot in delivre.

E sa enn Komite i pa en leksepsyon ki pe ganny demande pou kree ozordi. Petet nou ava konnen vreman si i kout en pti 3 milyon oubyen pli mwens, pou fer serten travay pour nou kapab fer nou louvraz *oversight* lo nou bann zil. Espesyalman lo devlopman ki pe pase lo *Assumption* avek Cosmoledo.

E i enportan ki petet mon ava sizere, si sa Komite byensir avek laprouvasyon Lasanble i ganny formen mon - pa aköz mon en madanm. Me souvandfwa nou'n regard en pti pe lo balans bann Komite ki ranforsi travay *oversight* Lasanble.

Nou konnen nou annan en bon pe madanm lo kote *LDS*. I en loportinite pour *Caucus LDS* osi kree loportinite pou donn sans annan en balans lo reprezantasyon bann madanm lo bann tel Komite.

Akoz mon rapel si mon pa tronpe dan 6enm, nou ti annan zis Onorab Ghislain lo kote *United Seychelles*, ki ti asiz lo sa Komite pou fer travay Komite lo sa – apre nou ti annan Madanm Clerk. A sa letan ti Madanm Jutta. Ki mon mazine zot in deservi byen zot sipor anver Komite Zil sa letan.

Mr Speaker, mon - parey mon'n dir mon pa pou long aköz mon konnen poudir i annan bokou keksoz pozitiv ki'n ganny dir. Lenportans lo merit sa komite.

Alors mon ti ava demann tou Manm, pou vwar nou lenportans konman bann Manm Lasanble pour nou kit nou azour.

E byensir, aport sipor kot i merite pour ki okenn devlopman ki ganny fer lo *Assumption* e Cosmoledo, nou annan nou kontribisyon ki ganny mete anver travay lo sa 2 zil. Mersi.

MR DEPUTY SPEAKER

Mersi Onorab Vidot. In anmenn nou ler pour nou pran en *break*. Donk, nou ava *adjourn* la e nou ava rebran travay 4 :10. 4 :10 i rezonnab pour zot? Savedir nou pe ganny nou 25 minit olye 30. *Ok*. Ouswa zot le retourn 4er? 4:10, *ok*. Loter Mosyon i dir 4:10. 4:10 alor.

(BREAK)

MR DEPUTY SPEAKER

Welcome back tou dimoun nou pe kontiny deliberasyon lo Mosyon table par Dirizan Lopoizisyon ki dir sa Mosyon i demande,

Ki en *Select Committee* i ganny kree lo nivo Lasanble pour regard dan sa devlopman

ki pe fer lo *Assumption* e Cosmoledo pour asire sa ki pe ganny fer i dapre bann lalwa e prosedir an plas.

Avan *break* e la devan mwan lo mon papye i annan zis en Manm ki'n endik lentansyon pou li koze.

Prenon kont ki Lasanble i bezwen fini en serten ler so sa ki le koze endik mwan la pou mwan kapab anba *Order 57* re set mon letan.

E koumsa apre nou konnen poudir konbyen dimoun ki annan so nou a re, si nou bezwen re balans letan.

So Manm ki le entervenir... *ok so*.

Ok lo mon lalis la i annan Onorab Loizeau, Onorab Georges, Onorab Cosgrow, Onorab Loze, Onorab Adelaide, Onorab Andre, Onorab William, Onorab Larue. Eski i annan okenn non ki mon'n manke?

Going once, going twice, trice? Non mon pa'n mank non so lalis fermen avan ki Onorab Pillay pou ganny son *Right of Reply*.

So nou 10 minit nou pou bezwen pous en pti pe apre 5 er me avan 6 er nou ava fini; Onorab Loizeau, laparol i pou ou.

HON NORBERT LOIZEAU

Mersi Mr Speaker. Bonzour tou dimoun a le kout, bonn apre midi tou Manm.

Mr Speaker, mersi pou ganny en sans koz lo Mosyon anmennen par *Leader* Lopoziyon.

Mr Speaker, Mosyon lentansyon Mosyon Onorab Pillay, lentansyon i bon, fantastik son lentansyon Mr Speaker, me mon i annan zis en keksoz.

Mon annan en konsern Mr Speaker, apre mon en pti pe dezapwente avek Lopoziyon ozordi Mr Speaker.

E avan mon al lo mon pwen ki pertinan ki mon anvi tous lo la Mr Speaker, les mwan parey Onorab Georges, i kontan dir fer en pti parkour en pti letour *d'horizon* lo la fason ki mon war Lopoziyon i fonksyonnen.

Mr Speaker, *LDS* konman en Gouvernman *LDS* nou'n toultan pare pou travay avek Lopoziyon Mr Speaker. Rezon pou sa se aköz nou osi nou'n dan Lopoziyon.

E nou konpran Lopoziyon mannyer i fonksyonnen alors sanmenm sa ki fer nou anvi travay ek zot depi lo komansman ler nou ti ganny eleksyon.

Mr Speaker, me selman sa ki enportan nou konnen plizyer fwa, plizyer fwa konman Gouvernman nou'n envit Lopoziyon, sirtou *Leader* Lopoziyon pou partisip dan bann serten bann *forum*.

Parey Mr Speaker, mon rapel ler nou ti fek ganny eleksyon nou ti dan moman COVID nou ti envit *Leader* Lopoziyon pou partisip dan *Platinum Committee* Mr Speaker, kot i en landrwa kot i pou kapab *voice* son lavwa.

Mr Speaker, parey ou konnen let ou pa anvoy lo lans i zis konmsi i ti travay lapos Mr Speaker, son let ti pou al direkteman dan bwat lapos.

Me ki ti arive Mr Speaker, ki nou ti war ti revize, apre ki revize toultan, apre an deor nou war serten mannev serten travay ki pe fer lo serten keksoz.

Ki petet i ti a plis fasil pour li anmenn pli devan kot sa dimoun enportan ki ti anvi tann sa konsern ti a tande.

Mr Speaker, bokou antite Gouvernman parfwa in envit Lopoziyon dan plizyer bann *forum* Mr Speaker.

E la mon mazin en legzanp Minister Lasante in deza fer en *forum* kot Speaker ti ganny envite, ou ti ganny envite, Clerk tou Manm Lasanble enkli *Leader* Lopoziyon Mr Speaker.

Me zot pa ti partisipe zot ti revize, me selman apre pli tar ler nou'n troun dan Lasanble.

Nou ti vwar serten keksoz ki ti ganny demande dan Lasanble par *Leader* Lopoziyon ki dan sa *forum* ti

annan sa bann resipikasyon, ti annan sa bann propozisyon.

E Minister Lasante ti tal tou keksoz ater ki nou, nou ti anvi konnen kestyon ki ganny demande.

Me *Leader* Lopoziyon pa ti la Mr Speaker, isi kot Lasanble. Isi kot Lasanble Mr Speaker, nou'n fer tou pou nou kapab anmenn Lopoziyon ek nou dan bann travay ki nou fer, tou Komite Mr Speaker.

Tou Komite nou'n fer sir ki nou pa'n voras i 4/3 nou ti kapab fer 5/3 parey ti ete avan; 5/2 Mr Speaker.

Me nou, nou'n fer li diferan akoz pou nou kapab anmenn zot ansanm pou annan plis lavwa.

Ozordi Mr Speaker, atraver sa travay ki nou'n fer, *Leader* Lopoziyon i *Chair FPAC* e osi nou'n trouv li enportan ki COGA konman en Komite ki enportan dan Lasanble. *Chair* COGA i sorti dan Lopoziyon Mr Speaker, nou pa'n fer voras. Akoz? Nou'n santi poudir ki sa travay nou merit zet lo zot akoz zot dan Lopoziyon.

I pou pli fasil pou en *Chair* sorti dan Lopoziyon pour li kapab fer sa Mr Speaker.

Mr Speaker, tousala nou'n fer senpleman akoz, nou'n anvi ki Lopoziyon i

trouv son plas dan Lasanble Nasyonal.

Me la ozordi nou war Onorab Pillay, *Leader* Lopozisyon, ki pe demande ki'n vin ek en Mosyon pou fer sa *Select Committee*.

Mon pa pou repete, mon *computer* pa pe vin on pou mon kapab lir sa Mr Speaker, i pa le - in vin ek sa Mosyon pou nou kapab kre sa Komite.

Mr Speaker, be ozordi, ozordi nou annan en konmite ki pe fer sa travay ki Onorab, *Leader* Lopozisyon pe demande ki nou *form* sa *Select Committee* pou fer.

Zot rapel byen Onorab Adelaide, ti vin avek en Mosyon pou nou kre en Komite *FSSD Food Security and Sustainable Development* Mr Speaker.

Mr Speaker, nou ti ofer zot pou partisipe Mr Speaker, personn pa ti enterese. Ozordi sa Komite pe travay.

E nou annan en *TOR* Mr Speaker, mon ti anvil sa *TOR* avek zot me selman mon *cursor* pa pe marse mon pa pou kapab, taler Onorab Larue, i a fer sa pou mwan; Onorab Larue, met lo ou program.

Mr Speaker, be dan nou *TOR* i annan tou sa ki zot pe demande, i annan *oversight* - enn ki zot pe rode ki mon pe mazin dan mon latet la *oversight* lo bann zil.

I annan Onorab Larue, taler petet *or* Onorab Adelaide, bann ki lo sa Komite *Food Security* ava fer sorti.

Onorab Georges, Mr Speaker, nou tann bokou koze lo Onorab Georges, konman *Chairman* mon krwar *SIF* Mr Speaker.

Be Onorab Georges, nou konman sa Komite, nou'n koz ek Onorab Georges; si ozordi Onorab Georges, in fer serten propozisyon devan *SIF*, se akoz nou konman sa Komite nou'n ganny en konversasyon dan nou *Caucus* avek Onorab Georges.

Akoz nou'n ganny en konversasyon? Akoz tou Manm lo sa Komite i sorti dan *Caucus LDS*.

E nou'n fer sa konversasyon ek li e in ekout nou e li in anmenn sa devan lo Komite laba e si zot Mr Speaker, si zot, zot ti lo sa Komite nou pa ti a fer li dan nou *Caucus*.

Zot ti ava konnen ki pe pase zot ti a kapab met zot propozisyon e nou ti ava fer sorti tou sa bann pwen ki zot, zot anvil sorti.

Mr Speaker, ozordi nou pe koz lo zil Komite *Food Security* la *FSSD* nou annan en konversasyon ki nou pe konmans fer avek *IDC*.

E byento nou pou zwenn *IDC* Mr Speaker. Tou zot sans pou zot kapab adres sa

sityasyon ki'n vin devan ozordi Mr Speaker, zot ti pou kapab fer li.

Zot in refize Mr Speaker, zot in refize. Be ozordi mwan anvi dir zot Mr Speaker, be napa naryen ki kasyet lo zil.

Ozordi nou kapab kestyonnen. Lontan pou ou kestyonn *IDC*, kestyonnen ki pe pase lo *IDC* ou pa ti konnen.

Lontan ou pou al kestyonnen Msye Rene, Remir i annan en lakaz? I pe fer sepa ki zafer? Non! Person pa ti annan drwa kestyonnen.

Ozordi nou kapab kestyonnen e atraver sa Komite Mr Speaker, Onorab Pillay, ki ti annan sans annan 3 Manm pour li kapab fer tande lavwa Lopozisyon.

Minister Lagrikiltir Mr Speaker, *Climate Change* ki ansarz lanvironnman, zot enterese zot osi Mr Speaker.

E mazine atraver sa Komite *Food Security* Mr Speaker, i menm annan bann resarz aletranze ki nou'n ganny sans al fer pa Lasanble ki'n peye.

Nou de Onorab Larue, nou'n ganny sans pour nou al *attend* en *forum* lo *Climate Change Botswana* pou anrisir nou Mr Speaker. Tousala sa Komite i annan.

E si zot ti annan Manm lo sa Komite, zot ti pou ganny sans osi partisipe.

E Minis Flavien Joubert, Mr Speaker, nou'n zwenn li en premye fwa, nou'n zwenn li Mr Speaker, nou'n fer en gran diskisyon pre 2 erdtan sa Komite.

E nou sipoze pou zwenn li demen, me selman avek son *involvement* dan serten keksoz pour demen, nou *meeting* in anvoye me selman nou pou zwenn li.

MR DEPUTY SPEAKER

Ou'n ariv 10 minit ou ava *wrap up* Onorab.

HON NORBERT LOIZEAU

Wi Mr Speaker. Mr Speaker, an konklizyon mon anvi dir ou war akoz mwan, mon pa pe siport Mosyon Onorab Pillay, Mr Speaker.

Mr Speaker, akoz mwan, mon krwar sa Mosyon li menm li i pa tro fer sans senpleman akoz son lentansyon i bon Mr Speaker, lentansyon i perfe li.

Me selman nou annan en Komite ki son *TOR* pe fer egzaktaman sa ki li i pe demande.

Alors napa sans, napa sans nou form en lot Komite akoz nou annan en Komite. E osi nou annan en Komite Defans ki kapab fer en lot travay ankor Mr Speaker, ki annan Manm ki lo kote *US* ki kapab partisipe fer zot bann *due*.

Mr Speaker, mon letan in fini mwan anvi dir Mr Speaker, petet ki zot pa'n lo sa Komite FSSD petet akoz napa en lapey ki vin avek.

Nou pe fer tou keksoz gratwit nou Mr Speaker, ki nou pe fer? Nou'n fer li gratwit ou konnen akoz nou pe *advise* Gouvernman nou.

Petet sanmenm sa zot pa'n le vini akoz nou pe *advise* Gouvernman dam diferan domenn ki konsern *Food Security* *Sustainable Development* e plizyer lezot keksoz.

Mr Speaker, avek sa mon anvi dir ou mersi. Ti annan bokou lezot keksoz ki mon ti a kontan pas lo la, me selman avek kontrent letan, mon pou eksprim mon lentansyon ki mon, mon pa pou siport sa Mosyon. Akoz mwan Mr Speaker, mon'n bezwen ganny forse vin lo sa group FSSD la.

Akoz 3 Manm laba pa'n le vini prezan mon, mon'n bezwen rod en fason pou konmit mon lekor ladan pou nou fer sa Komite marse.

Alors sa Komite i egziste, alors mon pa war okenn sans pou nou form en lot *Select Committee* pou al fer en travay ki nou'n deza annan en Komite dan Lasanble Nasyonal ki pe fer. Mersi Mr Speaker.

MR DEPUTY SPEAKER

Mersi Onorab. Ok i reste ankor detrwa Manm pou koze, mon pou zis enplor Lasanble ankor *be mindful of* letan mon oule ki sa deba i vini avan 6 er.

Tou dimoun pou ganny sans koze be zot bezwen reste dan letan ki nou'n agree ki 10 minit. So la Onorab Adelaide, ou komanse 36 ou fini pa les mon dir ou « *your time is up* » mersi.

HON FRANCIOS ADELAIDE

Mersi Mr Speaker. Bonn apre midi tou dimoun.

Mr Speaker, mon pran laparol lo Mosyon Onorab Pillay, tou senpleman akoz zis parey mon koleg oparavan in dir.

Mon konman sa Manm lo kote *LDS* byensir nou ti travay konman en *Caucus* ler nou ti trouve ti annan bann keksoz ki petet i kapab depas nou en pe.

Kot nou ti trouve poudir nou konman en Lasanble serye, nou ti kapab ede petet pour kapab annan plis sa *oversight* lo kote Gouvernman.

So nou ti vin avek sa nide pou nou kapab kre sa Komite *Food Security and Sustainable Development*. Mosyon ti ganny anmennen si mon pa tronpe en zour merkredi le 13 Avril 2022.

E tou dimoun ki kapab ganny akse avek sa dokiman, silvouple fer li koman en

devwar e repas lo la. E zot pou trouve poudir tou sa ki Onorab Pillay, in koze e pe demande tousala i ganny anbale dan sa bann deliberasyon.

E dan tou bann keksoz ki nou ti fer menm dan son *TOR* parey taler mon pou les nou *Chairman* sa Komite Onorab Larue, pas en pti git atraver sa bann *TOR* e *then* nou ava gete ki vremen Mosyon nou pou kapab siporte.

Sa Mosyon byensir ki *Leader* Lopoziyon in anmennen i pa en move Mosyon li, me selman in enn mon pa kapab dir enspire be selman i, nou'n fini kapab etabli sa Komite e in vin en pti git en pe antretan.

Petet si Onorab Pillay, depi avan i ti pe fer son travay ase serye, petet i ti ava trouve, i ti ava trouve lesansyel sa Komite ki nou ti anvi formen sa letan.

Me petet i ti osi i ti a kapab ed nou pou nou kapab fer sa Komite vin enn ki en sikse. E kot nou ti kapab fer sa travay bipartizan parey nou pe koze pour ki an nou vremen reprezant sa travay *oversight* ki Lasanble Nasyonal i annan.

Me mon pa konnen si petet aköz zot non i "Lopoziyon" ki laplipar keksoz ki nou anmennen zot refize ouswa petet zot, zot gwaye.

Me nou lentansyon ti bon e ozordi i montre laprev ki *LDS* i en Gouvernman ki serye e son bann Manm Lasanble osi se bann dimoun ki serye nou pe debourye.

E i pa vo lapenn si i annan en keksoz ki pou fer dibyen nou pei, ki pa aköz nou pa dan menm parti ki nou rod tou fason mannyer nou pou retard dan sa bann prosesis.

E ozordi 2022 nou'n form sa Komite. Byensir parey Onorab Loizeau, i dir ki annan bokou bann keksoz ki nou'n konmanse men kantmenm nou Komite i pa enn ki bi partizan.

Zis aköz parey mon'n dir Lopoziyon sa bann letan pa ti aksepte, nou pa ti aksepte pour vin lo la mon pa konnen si aköz lapey be parey mon'n tann zot dir.

Lapey pa ti en problem, me vremen mon pa konnen aköz vremen zot pa ti vin lo la e la parey mon'n tann Onorab Rocky, in dir i osi anvi en kou lo zil ki mon krwar sa i en bon keksoz.

Me selman si i ti anvi petet i ti devret dir son *Caucus* « be donn mwan sa sans mon ava vin lo sa Komite, pour ki mwan osi mon ava sey fer en travay petet en zour mon osi mon kapab ariv lo zil ».

Me selman Mr Speaker, mon krwar ki konman sa Komite si vremen i annan

bann keksoz ki serye e ki nou pou bezwen kapab diskite i annan petet bann lezot fason ki manner nou kapab *co-opt* bann Manm Lopoziyon.

Si zot serye zot anvè fer sa travay, pou ki nou avè fer vremen en travay pou Sesel e kot Gouvernman i avè re ganny war ki latransparans i reste.

E nou tou nou avè kapab demann kestyon lo ki pe arive lo sa bann zil, kote problem i ete sirtou lo Cosmoledo avè *Assumption* parey zot pe demande, pou ki Seselwa avè anfen trouve ki napa naryen ki pe ganny kasyet.

Nou konman en Lasanble serye nou pare pou nou met nou Gouvernman *in check*, pou demann tou leklersisman pou ki tou dimoun i avè konnen ki pe pase.

E i avè napa okenn petet bann, i avè napa okenn bann mefyan, ou petet bann fo lenformasyon ki pase e bann dimoun deor i avè konnen ki pe pase.

Mr Speaker, sa Komite ki nou ti formen an 2022 byensir parey nou'n dir pou le moman i annan zis bann Manm LDS. I annan zis bann Manm LDS e apard sa bout *Food Security*, i annan sa bout *Sustainable Development*.

E parey nou pe dir konstriksyon Lotel, sa konstriksyon Lotel ki sipoze

ganny fer *Assumption*, me ki'n tenir i kapab ganny aborde dan sa bout.

Dan sa bout soutit pou ki napa naryen ki nou pou bezwen kasyet. E parey mon'n dir si tou bann Manm zot anvè konnen ki pe pase pa ezite apros nou.

Nou, nou pare pou travay avèk zot dan en fason serye, pou nou kapab ekspoz tou bann keksoz ki pe pase.

Byensir ler apre ler tou bann keksoz i avè ganny devwale, si nou konman sa Komite ki nou pe deza etabli en bon koneksyon avèk IDC, avèk Minis, ki responsab pou sa *portfolio*.

Byensir si i annan konn vizit ki pou bezwen ganny planifye, nou deza annan sa Komite dan Lasanble Nasyonal. E parey mon'n dir mon konnen mon pa pou tarde lo sa topik.

Me akoz ki mon pa pou kapab siport Mosyon Onorab Pillay, a sa lenstan, se akoz i pa vedir ki sa ki in dir pa byen li.

Me parey mon'n dir oparavan, in en pe vin en pe tro tar e sa in fini ganny etabli dan nou Lasanble. Nou pa kapab fer 2 Komite ki pou fer preski keksoz menm parey. So pou sa rezon ki mon pa pou kapab donn li son sipor.

Me parey mon'n dir tan ki i avè annan bann keksoz ki li i

anvi ede, i anv i anmennen pour byennet sa Komite e si fodre nou kapab *co-opt* ler i annan bann keksoz serye pour nou fer, nou ava kapab fer li.

Extend nou lenvitasyon pour Lopoziyon, pour zot kapab vini e donn nou lanmen fer sa travay.

Avek sa de mo Mr Speaker, mon pou dir Onorab Pillay, *sorry* mon pa pou kapab siport son Mosyon. Me parey mon dir i *welcome* si i anv i ed nou lo sa Komite. Mersi Mr Speaker.

(APPLAUSE)

MR DEPUTY SPEAKER

Mersi Onorab, Adelaide next lo lalis i Onorab, Cosgrow; e ou annan ziska 4:44 pour entervenir mersi.

HON WALLACE COSGROW

Mersi Mr Speaker. Bonn apre midi Mr Speaker, bonn apre midi tou dimoun.

Mr Speaker, apre midi mon pran laparol pou koz lo sa Mosyon lo en Mosyon ki pe etabli en Komite en *Select Committee* pour nou annan en louveraz *oversight* lo travay ki pe arive lo *Assumption* e osi lo Cosmoledo.

E non isi Sesel e non pa en vizit *Botswana* pou al aprann *about climate change* Mr Speaker. I enportan. Sa travay ki nou pe demande pou

ganny fer, se pour fer *oversight* lo 2 zil dan Larsipelago Sesel e pou nou konpran ki pe arive.

Pa pou al *deal* avek *Food Security*, me pou *deal* avek devlopman lo sa 2 zil.

An dizan sa Mr Speaker, kreasyon Komite i pa parey en lenvitasyon ki Gouvernman i anvoye, ou pou vin zwenn *Platinum* ouswa pou vin zot bann zafer, pou vin an kolaborasyon avek zot.

Louvraz Lasanble Nasyonal Mr Speaker, i enn ki enportan. E koman en lebra Leta Mr Speaker, i enportan ki nou fer louveraz *oversight* lo louveraz Gouvernman.

Nou pa *advise* Gouvernman, nou pa travay an kolaborasyon - ler mon dir an kolaborasyon *meaning* nou bezwen kapab montre sa separasyon pour nou kapab *oversight* e lo sa ki zot fer.

So sa ki pe ganny propoze ozordi apre midi i en Mosyon ki pe ganny propoze pour nou kapab fer zisteman sa.

E nou rol *oversight* Mr Speaker, Lasanble Nasyonal i enn ki ganny limite par bann diferan group, bann diferan Komite ki nou kree.

Osi apre par bann kestyon ki nou demande, bann diferan lenstans ki nou kapab poz bann kestyon, fer travay Komite me i aret la Mr Speaker.

So nou, nou bezwen rod bann fason ki mannyer e si i annan nesesite pou fer bann *Temporary Oversight Committees* nou bezwen kapab fer.

Akoz si keksoz i devlop la, nou bezwen kapab reakte pour nou kapab *keep the Government in check* dan en fason e fer li responsab e *accountable* lo sa ki in dir.

E Mr Speaker, an dizan sa, si sa *FSSD* ti vreman en Komite ki serye, depi zour sa devlopman i dan domenn piblik i ti ganny, i ti vin ganny anmennen devan nou Lasanble la; ti annan kestyon ki ti ganny anmennen devan Lasanble.

E *IDC* ti vin devan Lasanble; zot ti ava fer zot lekor kler, zot ti ava anmenn en kestyon zot ti ava fer en *statement* or fer, dir Lasanble dir pep Seselwa kwa ki zot in fer *on that matter*.

Be ziska aprezan kantmenm 2 Manm in koz lo *FSSD* be ziska prezan nou pa konnen, sel keksoz zot in ale, zot in al *Botswana about climate change*.

Personn pa'n koz lo devlopman *Assumption* ouswa *airstrip* lo Cosmoledo.

So eski zot pe vreman fer sa travay ki swadizan zot dir zot Komite pe fer? Mr Speaker, mon annan bokou dout lo la.

Ler nou pe koz lo *oversight* lo sa de zil e *LOTO* taler in dir petet posibleman ki nou azout osi lezot zil.

Mon Mr Speaker, mon ti ava propoze ki nou osi azout Aldabra. Malgre ki Aldabra, konnen Aldabra i form parti leritaz Sesel en teritwar Sesel. E parey *IDC*, *SIF* i ganny mandate pour li *manage* Aldabra.

Be Aldabra i ganny larzan malgre dan prive, i ganny larzan avek en lot Patrimwann Mondyal Praslin *Vallée de Mai* Mr Speaker.

I ganny larzan avek bann donater e sa i ganny mete avek Sesel e *SIF* i *manage*. So sa osi nou devret al gete ki zot pe fer laba.

Akoz tou dernyerman nou ti konpran ti annan en plan pou en deratizasyon €25 milyon e ler nou tande ki poudir sef *SIF*, *Chairman SIF* i dir poudir zot annan serten konsern.

E mon, mon ti dan *meeting* mon ti dan *scoping meeting*, mon pa ti zanmen tann *Chairman SIF* koz lo konsern Lanvironnman tal, mon pa'n zanmen tann koze. E apre *SIF* i sorti i dir i annan serten konsern mon, mon santi sa parey Angle i dir i en pti pe *fishy*.

Eski i annan *attempt* la pour rod larzan donasyon? Eski i annan bann *attempt* pou

hijack sa proze pou kapab ganny mon pe zis met ater mon pa pe dir sa.

Mon pe get sa kalite *attempt* ti napa okenn diskisyon pandan *scoping meeting*, me apre en sel kou nou war *SIF* i sorti avek en kominike. So Mr Speaker, tousala nou bezwen gete.

E osi mon krwar i en zil ki nou devret pe kapab al gete ki pe arive laba, kan mannyer bann larzan pe ganny depanse malgre i pa bann larzan Gouvernman me selman i en zil dan Leta Sesel.

Mr Speaker, sa Komite pe ganny demande pou kree ozordi dan labsans lenformasyon par Gouvernman.

E nou i nou rol *oversight* pour nou kapab rod sa bann lenformasyon pou piblik Seselwa. Mon pa war li naryen mal aköz ler ou rod lenformasyon Gouvernman i dir ou al demann laba.

Lot fwa Minis Joubert, i ganny *interview* avek *SBC* i demann li lo en devlopman *airstrip* lo Cosmoledo i dir al demann *IDC*.

Be si Gouvernman pa kapab donn nou sa lenformasyon, nou koman Lasanble Nasyonal nou bezwen rod bann mekanizm pou nou kapab ganny sa bann lenformasyon.

E mekanizm i atraver nou Louvraz *oversight* par en *Select Committee* e ler nou ava'n satisfè e ler nou ava'n montre pep Seselwa kwa ki pe arive nou pa pe dir i annan keksoz mal.

Me selman nou pe dir annou montre pep Seselwa ki pe arive aköz nou pe dir sa Mr Speaker?

Dan 6enm Lasanble ti annan kreasyon Komite Zil e *Caucus US* dan Lasanble ti siporte sa e ti en Komite ki bipartizan.

En Komite ki tou Manm tou lede kote latab ti al vizite e zot ti fer zot bann obzervasyon, rekomandasyon. Mon pa tro konnen oli Rapor Zil, be selman zot ti ale e zot ti fer bann obzervasyon.

Sa letan Mr Speaker, sa letan Lasanble 6enm Lasanble ti annan en pake zafer ti annan menm bann Komite, bann group ki ti pe ganny kree an deor, pou met presyon lo Gouvernman lo size bann devlopman touristik an relasyon avek size anvironnmental.

Onorab Rocky, Uranie taler, Onorab Aglae, in koz lo la *Preserve Seychelles* oli li ozordi?

Ozordi zot tou zot *mute*. Ler mon get reaksyon sa bann lezot Onorab, lot kote, i montre ki poudir ou a krwar

zot napa en lentera *anymore* dan sa bann zafer.

Lentere in fini ganny servi zot in fini vin o pouvwar e prezan tou keksoz i *ok*.

Cap Ternay Lotel devlopman ti ganny bloke, bloke kategorikman bloke ti servi politik Lasanble Nasyonal, ti servi *A Preserve Seychelles*, ti servi tou sort kalite NGOs Anvironnmental pou blok proze pou blok pei, pou blok devlopman.

Ozordi ou pa tann personn koze, ni menm lo kote latab zot pa koze.

Mr Speaker, Grand Police, Grand Police ou a krwar konmsi nou ti pe al kree en krim laba Grand Police, *Preserve Seychelles* ti monte, ti rod petisyon dan Lasanble Nasyonal, ti fer tou sort kalite tapaz.

E mwan menm en dimoun, mon pa pou dir lekel sa dimoun ti *call* mon en zour, en zour Sanmdi mon ti *park kot Independence School* mon ti ekout li, apre mon ti realiz en keksoz. Me selman mon pa pou antre ladan aköz ler sa de dimoun i koze nou pa bezwen devwal nou parol.

Mr Speaker, le pwen i se ki ozordi la tou sa ki ti ganny dir dan lepase, sirtou dan 6enm Lasanble e bann peryod 6enm Lasanble tousala ou a krwar zot in bliye *or* zot pe zis pous anba karpèt.

Nou, nou pa pe dir, ou pou rapel sa gro lafanfar lo *Assumption*, ou pou rapel tre byen aköz ou ti dan 6enm Lasanble Mr Speaker, mon pa pe atak ou me selman mon pe zis *refresh* zot lespri.

Me tou sa bann zafer ozordi ou a krwar zot tou, zot in bliye. Ler ou demann pou kre en *Select Committee*, ou a krwar tou dimoun konmsi ou a krwar pe fer, *LOTO* pe fer keksoz ki abnormal.

Dir i annan Komite isi, Komite laba. Be si sa bann Komite ti pe *actually* fer zot louvraz aköz nou pa trouv en rapor dan Lasanble Nasyonal? Aköz nou pa war zot pozisyon ozordi lo sa bann keksoz ki pe arive?

Si zot ti annan en pozisyon, ti pou napa nesesite pou annan en Komite en *Select Committee* lo *Assumption* avek Cosmoledo.

So Mr Speaker, ou war sa bann zafer la, mon krwar i mank en senserite ver Gouvernman, ver reprezantan Gouvernman Lasanble Nasyonal, pou al rod laklerte pour Lepep Seselwa.

E nou ozordi sa Komite nou pe propoz sa. Ler tou keksoz in sorti in byen, in kler *its ok fair and square well and good* napa problemn.

Be selman nou bezwen fer nou travay ki nou'n ganny

demande pou fer e travay ki nou ganny peye pou fer.

Avek sa Mr Speaker, mon war ou pe get ou ler, mon donn ou ankor detrwa segonn mon pa pou plis ki sa mersi bokou ma remersi ou pour ou letan. Mersi.

MR DEPUTY SPEAKER

Mersi Onorab Cosgrow, *next* lo lalis i Onorab Andre, e ou annan ziska 4:54.

HON CLIFFORD ANDRE

Mersi Mr Speaker. Mr Speaker, letan nou pe get sa Mosyon ki mon, mon pou pran en minit pou mon lir sa Mosyon; detrwa segonn.

Sa Mosyon i demande ki en *Select Committee* i ganny kree lo nivo Lasanble, pou regard dan sa devlopman ki pe fer lo *Assumption* e Cosmoledo, pour asire ki sa pe ganny fer i dapre bann Lalwa e prosedir an plas.

Mr Speaker, letan nou pe get *Select Committee* anba *Standing Orders* 90, e i kler sa ki mete ki mannyer i sipoze ganny fer.

Mon'n konmans koumsa Mr Speaker, aköz i enportan e mwan, mon pa pou al lo - mon pou pas en pti pe lo Komite Zil, ki'n ganny etabli e ki zis par *LDS*.

In ganny dir ki, *sorry Food and Security; Food Security and Sustainable*

Development ki nou dir i pran konsiderasyon serten laspe avek *IDC*.

Alors letan nou pe get sa, Lopoziyon pe dir i le form en *Select Committee* ki bipartizan. nou 100poursan dakor, 100poursan dakor.

Me kwa ki mon pa dakor avek, se pou nou al kree en nouvo Komite; pou nou al kree en nouvo Komite aköz sa i pou fer ki pou annan en nouvo laspe an referans avek nouvo Komite, ki pou bipartizan.

Me ki mon kapab anmenn devan, mon'n tann Onorab Gill in koz lo sa Mosyon, son bann largiman i annord, Onorab Vidot, in koz lo sa Mosyon, son largiman i annord.

Me kwa ki enportan pou note se tou lede Onorab Gill, ek Onorab Vidot, i lo Komite Ladefans.

E zot annan serten konesans lo demars ki sa Komite pe fer pou al fer egzaktaman sa travay ki pe ganny demande.

(APPLAUSE)

HON CLIFFORD ANDRE

Alors i enportan mon pa pou sede, mon pa pou sede Mr Speaker.

MR DEPUTY SPEAKER

Wi, fodre Onorab, i dakor pour li sede si i dir non nou pa pou kapab enteronp li.

HON CLIFFORD ANDRE

Mon pa pou sede i ava fer apre.

Kwa ki enportan, alors i nesese ki nou vwar ki poudir Onorab Cosgrow, in dir poudir napa, napa lanvi oubyen lentansyon par *FSSD Food Security Sustainable Development* pou *Committee* pou fer sa travay.

Me Komite Ladefans i anvi fer sa travay, me selman i annan en prosedir ki nou bezwen swiv. Annefe ou'n mansyonn i annan enn zot in mansyonn Aldabra.

E Aldabra i enn lo nou azanda lo nou topik an referans avek sa travay ki nou pe al fer laba.

So si nou deza annan e sa i bipartizan sa Komite Mr Speaker. Alors avek en Komite ki an egzistan ki annan serten travay ki i pe planifye pour li al fer lo *Assumption* avek Aldabra, alors nou ava azout Cosmoledo ladan ki pa tro lwen.

Alors aköz nou bezwen al kree en lot lenstans, kan nou annan lenstans ki son manda e son lentere, son konsern...

E nou'n *raise* sa bann konsern letan nou annan sa bann sityasyon, nou'n *raise* sa bann konsern.

Parey i dir dan Komite Ladefans aköz nou annan serten nivo konfidansyalite - mon pa kapab dir zot tou sa ki nou'n koze, me selman sak *Caucus* letan i al kot son *Caucus*, i kapab devwal lenformasyon a en serten nivo.

Pou kapab letan en keksoz parey pe vini, zot ti'n kapab dir poudir nou annan serten lentansyon pou nou fer sa travay ki la.

Avek dizan sa Mr Speaker, mon pa pou long aköz mon krwar ki bokou in ganny dir me selman zot in *focus* - e parkont - parkont pou ed dimoun deor ki pe ekoute lo sa Komite lo kote *LDS* i annan mwan menm mon konman *Chair*.

I annan Onorab Adelaide, konman Vis *Chairman*, Onorab Porice, ki lo la Onorab Roucou, ki lo la e Onorab Arissol, ki lo la.

So dan sa kapasite mwan avek Onorab Adelaide, nou deza lo Komite *Food Security and Sustainable Development*. So ki nou kapab fer, nou kapab met sa de sa po si sa nesese i *arise*, so nou kapab met sa de sa po.

Letan nou ale nou pe fer travay La Defans ki nou *engulf* sa travay, me letan nou vin nou donn laspe ki konsern *Food Security and Sustainable Development*.

Nou donn zot sa *debriefing* lo sa laspe neserer e lezot parey nou dir nou a fer en rapor e nou ava soumet avek Lasanble, pour ki Lasanble i ava kapab fer ki Komite La Defans in al fer letan in al laba.

Sa parey mon'n dir *it's still in the making*, akoz i annan en prosedir; i annan bann demann ki nou bezwen fer.

Annefe nou'n fini anvoy nou bann demann kot fodre anvoye, nou ankor pe esper en repons ki espekter nou pou gannnen byento.

E la ki sa Mosyon in vini, i ava fer ki sa, sa repons i ava ganny akselere e Komite Ladefans i ava al fer sa travay lo lapar Lasanble Nasyonal Sesel.

Avek asa de mo Mr Speaker, mon pou bezwen dir avek *LOTO* ki mon pa pou kapab siport sa Mosyon, akoz i en Mosyon ki Komite Ladefans i deza pe pran an men. Mersi.

(APPLAUSE)

MR DEPUTY SPEAKER

Mersi Onorab Andre. Mon'n war 2 lanmen anler mon prezimen le 2 Manm pe lev en *point of order* fodre zot dir ek mon ki order spesifikman zot pe *raise* silvouple. Onorab Vidot, ou premye.

HON AUDREY VIDOT

Aktyelman Mr Speaker, mon annan en *point of order and a matter of privilege*.

Koman en Manm Komite Ladefans Onorab Andre, konman *Chairman* i konn tre byen ki nou annan en *oath* ki nou sermante avan ler nou kapab devwal okenn lenformasyon anver piblik, ki konsern Ladefans.

E i napa naryen pou fer avek sa *Select Committee* ki Mosyon pe demande ozordi la.

E dezyenman Onorab Andre, i pa kapab vini zis fer okenn alegasyon, oubyen okenn komanter san ki in annan konsantman ki nou Manm ki nou annan lenformasyon ki li in dir pa korek. Mersi Mr Speaker.

MR DEPUTY SPEAKER

Mersi Onorab, ou ti ek mon ou'n lev en *point of order* apre en *matter of privilege*.

Point of order ou ti merit dir ek mon par egzantp si *Order 61* mon krwar ki en *misapprehension* sa vedir ou pa'n fer sa korekteman apre ou'n dir mon en *matter of privilege*.

Ler mon pe regard *matter of privilege* dan ka kot bann Manm i dwatet lev sa anba *matter, Order 40*.

Mon krwar i ti zis en komanter ki pa'n neserman

afekte ou privez
personnelman ouswa pou *the
Assembly*.

Donk nou bouze lo la
Onorab Gill, ou lanmen ti
anler ou *still* anvi *proceed with
en point of order or...?*

HON CHURCHILL GILL

Yes anba 61 akoz i en
misapprehension, akoz nou
tou nou konnen *Select
Committee* dan Lasanble i
fonksyonn dapre en *TOR*.

MR DEPUTY SPEAKER

Wi.

HON CHURCHILL GILL

E nou tou nou konnen dan
TOR Komite Defans napa
naryen ki dir ler i annan en
devloper prive pe fer en
devlopman lo en zil, sa i tonm
dan nou manda.

I pa tonbe dan nou
manda akoz i pa an relasyon
avek en keksoz defans. Mersi.

MR DEPUTY SPEAKER

Mersi Onorab, pour sa klarite.
Ok mersi...

(Off-Mic)

MR DEPUTY SPEAKER

Non, be i pa'n lev en *matter of
privilege* li, *then* mon ti ava
rule. Prosen enterven an lo lalis
se Onorab William.

Onorab William, ou
annan ou ziska 5:03. *Proceed*.

HON WAVEN WILLIAM

Mersi Mr Speaker. Mr
Speaker, mon'n ekout byen
bann deba ki'n pase e mon
pou dakor e *subscribe* avek tou
sa ki Onorab Clifford Andre, in
dir.

Mr Speaker, mon pou
ilistre akoz, Mr Speaker, letan
nou ti pe kre sa Komite *Food
Security and Sustainable
Development*, ti annan bokou
deba e ler mon regard bann
Verbatim par egzanp mon get
sa ki Onorab Cosgrow, ti dir.

La mon ensite,

«Mosyon i ensansib ek
realite. Parfwa nou krwar ki lot
kote latab» savedir nou «zot
ferm lizye zot pa war, zot pa
enterese. nou vin avek en
Mosyon pou kre en lot Komite,
nou pe ganny demande pou
kre en lot Komite ki a mon avi
i en Komite li pe sey fer travay
Legzekitiv, kre Komite ankore
pou ganny plis larzan, ki pou
donn plis larzan Manm kapab,
Manm Lasanble pour al marse
lo zil Komite ki Manm
Lasanble al marse partou,
partou.

Nou anvi antre dan
louvraz Egzekitiv. Nou
Konstitisyon i fer kler
separasyon pouvwat
Legzekitiv e Lezislatif avek
Zidisyer. I kler nou konnen
kwa ki nou louvraz nou.

Si demen bomaten
Legzekitiv pa pe delivre, nou

annan bann lenstans Mr Speaker, nou annan bann lenstans pour nou kapab kriy zot *to Order* dir zot poudir zot pa pe delivre, e fer zot delivre. Pa bezwen kre ankor Komite, akfer kre Komite Mr Speaker?” sa se Onorab Cosgrow.

(laughter)

HON WAVEN WILLIAM

Mr Speaker, prezan Onorab Vidot, li i ti dir kronm swivan.

«Mon oule eklersi klerman lo en keksoz Lasanble i deza annan Komite ki pe travay, ki adres bokou sa bann size, mon pa krwar form parti en Komite spesifikman pou tousala i fer sans, servi bann Manm ki lo nivo lo bann *platform* enternasyonal, pour zot kapab fer serten sa bann travay. Akoz ou pou bezwen al entrodwi en lot Komite? Itiliz resours ki zot in deza annan, ki mon agree ki Komite *FSSD* Mr Speaker, i kapab fer akoz sa size i form parti *portfolio* Komite Zil Mr Speaker.

Mr Speaker, Lasanble i bezwen pran li en rol pli serye. Nou pa kapab zis deside pour dir ozordi lannmen nou vini, nou form en Komite dan nenport ki size. »

Sa se Onorab Vidot, atraver ou Mr Speaker.

«Mon santi ki Lasanble i kapab servi resours ki nou

deza annan, pou adres sa bann size.»

(laughter and comments off-mic)

HON WAVEN WILLIAM

Mr Speaker, sa i fer mon al anver ou, atraver ou Mr Speaker, anver Onorab Uraine.

I dir li osi i ti a kontan al vizit sa bann zil be Onorab, son parti son *Caucus* i *boycott* tou keksoz Mr Speaker menm Komite *FSSD*.

Mr Speaker, mon'n anvi met sa bann pwen devan pou montre akoz ki mon anvi vot kont sa propozisyon pou sa Mosyon ki *LOTO* i anvi anmennen.

Mr Speaker, akoz i kler Mr Speaker ki sa ki zot ki'n dir dan *verbatim* ki mon'n lir Mr Speaker i zis pa fer sans.

E mon krwar ki zot pa serye Mr Speaker, sa i kler. Mersi.

(APPLAUSE)

MR DEPUTY SPEAKER

Mersi Onorab William, prosen Manm ki lo lalis pou entervenir se Onorab Loze. Donk li i ava ganny ziska 5:07. Pour li koze, mersi.

HON JOHAN LOZE

Mersi Mr Speaker.

Mr Speaker, mon pou konmans avek en senp parol *define irony*.

Mr Speaker, mon al lo sa size lironi, akoz menm dimoun ki ansanm avek ou Mr Speaker, ti *raise en fuss*, letan mon ti fer sorti lo *floor* Lasanble serten keksoz ki'n pas devan *Bills Committee* ki par kont nou napa en *oath of secrecy* parey Ladefans.

Ozordi i vini i vin *out* son bann *fellow Members of the Defence Committee* lo *Floor* Lasanble Nasyonal. Li menm li!

E i ti *raise en fuss*- e i ti rouspete, i ti tonm en kriz akoz mwan, mon ti dir serten keksoz lo *Floor* ti ki pase dan *Bills Committee*.

La li i vini, i fer menm zafer akoz letan zot *LDS* zot fer i *ok anyone else* i fer pa byen, pa korek pa normal. Bon annou kontinyen.

Mr Speaker, si ou war ou dir en dimoun fer en keksoz i vini i donn ou 3, 4 diferan leskiz par lo la i *top up* avek 2 sapo.

Problenm i pa ek sa keksoz ki ou'n dir li fer, problenm i avek li i pa anvi fer i napa en bon rezon pour li pa fer. Prezan i vini i dir ou Komite *FSSD*, non pa Komite *FSSD* - Komite Ladefans. Nou ava ale ansanm nou a met 2 sapo lo nou latet apre nou a

vini nou a *brief* lezot anba en trwazyenm sapo.

Mr Speaker, ler ou war dimoun konmans fer sa la, sa ki ou'n propoze sa ki ou'n met devan i byen e i korek. Li prezan i pe rod fason navige prov ti bet pou pas atraver, pou li pa fer sa ki ou'n dir - *in order to save face* prezan, i vin avek diferan kalite leskiz.

Mr Speaker, mon pou al en pti kou lo pwen Onorab William, e sirtou sa ki in leve konsernan sa ki Onorab Cosgrow ti dir.

Lo *oversight* wi, nou ti annan en gro lobzeksyon on the *basis of oversight* e mon pa ti bezwen al dan *verbatim* avan lepok Erod, pou mwan prouv mon pwen parske Onorab Norbert Loizeau, mon zanmi lekol in vini prouv mon pwen pou mwan.

Onorab Norbert Loizeau, ki dir in ganny forse pou vin lo sa Komite in dir nou klerman.

Zot en Komite ki *advise* Gouvernman e in dir an de repriz zot *advise* Gouvernman.

Pa mwan ki'n dir en Manm ki'n ganny forse pou vin lo zot Komite ki'n dir mon zanmi lekol, *my good friend from Bel Au School*.

Be prezan *is the National Assembly an advisory body of the Executive?*

Eski Lasanble Nasyonal i en *body* ki *advise* Gouvernman? *Mes chers amis*

Lasanble Nasyonal i *perform oversight*.

That is our funtion and at the core of the matter inspite of tou largiman politik ki nou ti servi zour zot ti anmenn sa Mosyon. E nou konnen nou poudir Onorab William, ou ki le *père spirituelle* of sa Komite "F" ki mannyer i apele "FATAB" – "FSSB" *whatever it is*.

Zot ti pe anmenn en *advisory body* zot ti pe kree en nespes amalgam, melanz Legzekitiv avek Lezislatif ki pa nou rol.

E nou, nou pa ti le form parti sa. Nou'n opoze lo sa baz depi komansman ziska ozordi.

But now very good, zot annan zot Komite Soustenabilite Manze Devlopman e Konsey pou Gouvernman zot bann konseyer zot.

E Mr Speaker, en kantite Seselwa pe *wonder* akoz zot Gouvernman i koumsa. Be mon krwar ozordi larepons in ganny donner.

Be get lekel ki pe *advise* Gouvernman ou konpran Mr Speaker? Be lala akoz zot Gouvernman i koumsa.

Now sa Komite ki *advise* Gouvernman la eski silvouple mon enplor zot be table zot rapor devan Lasanble Nasyonal lo sa travay ki zot in fer lo *Assumption* e Cosmoledo.

Si zot ti in table Minis Flavien Joubert, ti an ganny akse avek i pa ti an bite devan zournalis. Ou vwar kot zot ti'n kapab *advise* Minis Joubert, pour fer en *smoother* travay dan *press conference*?

Me zot in *drop the ball* oli zot rapor? Oli zot rapor lo *Assumption*? oli zot rapor lo Cosmoledo?

Be *mes chers amis* sa travay ki pe ganny propoze ozordi par sa *Select Committee* *it's a specific work of oversight*.

Be i pa zis *about* al lo zil sa ou pou bezwen *engage* avek SIF premyerman be non pa zis avek son *Chairman* ler i pe met son 2 sapo konman LGB.

Nou pou bezwen *engage* avek SIF pou *find out* ki zot pozisyon e ki sa lopozisyon ki zit pe *raise*. Akoz nou bezwen konnen, pou bezwen *engage* avek ICS akoz zot ki'n prodwir sa *EIA*; pou bezwen *engage* avek IDC, pou bezwen *engage* avek sa bann devloper.

E tousala i pou bann travay ki pou bezwen ganny fer lo Mahe; i pou bann travay ki pou bezwen ganny fer avek lasistans Sekretarya Lasanble. Nou pe koz travay serye la, zot pa kapab zis vini *dismiss* sa koman en kestyon mont lo zil.

Now ou konnen kwa ki sirprann mon avek *reluctance* LDS pou kree Komite ozordi e

Lepep Seselwa i bezwen tande, ekoute ki mon pe dir la en?

Nou le kre en *Select Committee* pou fouy dan sa ki pe pase dan nou bann zil ; dekouver byen, konpran pwennvi tou dimoun, konpran pwennvi *IDC*, konpran pwennvi bann devloper, konpran *ICS*, konpran *SIF*.

E si fodre *engage* avek bann dimoun ki ozordi i trankil, i silansye ki ti for lo lanvironnman dan lepase, *engage* avek zot osi ganny zot pwennvi.

E *LDS* i *reluctant* zot pa le, zot in vin ek 3,4 leskiz anba 6 diferan sapo akoz nou pa kapab fer sa?

Now nou pe koz lo sa menm *LDS* ki dan 6nm Lasanble ti form en Komite lenvestigasyon pou al *investigate* kankan 2 zonm.

Sa menm *LDS* ki ti form en Komite pou fer lenvestigasyon pou *investigate* kankan ant 2 zonm ki ti pase dan laplenn kolez.

Zot ti kapab *investigate* kankan ki Onorab Ferrari, ti al fer avek en zofisye militer dan laplenn kolez kankan 2 zonm prezan sa ki pe pase lo nou zil i *beneath* zot pou form en Komite?

Zot parti Komite kankan 2 zonm zot! Zot sa parti politik ki'n kre en Komite dan Lasanble pou *investigate* kankan 2 zonm.

Ozordi zot pa kapab fer en Komite pou al *investigate* ki pe pase *Assumption* e Cosmoledo e posibleman Aldabra?

Selman kankan 2 zonm zot ti fer en gro Komite lenvestigasyon ti pas *live* lo televizyon.

Be *this is the level of madness of the governing party* se sa depi ki zot ladan zot ozordi! Zot *perfectly happy* pou gat resours Lasanble, gat resours bann Manm, gat letan *SBC* e Lepep Seselwa.

Pou *investigate* ki ti pase dan en kankan laplenn kolez ant 2 zonm. Be sa zot ozordi nou met devan zot pou fer en travay serye, pou fer en travay ki konsern Lepep Seselwa zot pa Lepep, zot pa le.

Zot ek 4 diferan leskiz 6 diferan sapo devwal travay Komite ki sipoze in *swear* en *oath* pou pa devwal travay zot Komite e sa i *ok*.

Be Mr Speaker, mwan, mon krwar ti a *ok*. Mon'n deza dir zot dan lepase *LDS* si *US* pa vin avek keksoz zot napa travay pou zot fer e klerman zot napa travay pou zot fer.

Konbyen lalwa zot Gouvernman in pase sa term? Term pase ti pas 2. 1,2 la nou dezyenm term konbyen lalwa in pase? 1 *the total of one*, zot konpran.

Nou ki masin dan zot transpor isi anndan, nou ki pe

masin zot katyapo 31 an sorti Sid Afrik.

E se sa ki zot ete zot ozordi en katyapo 31 an sorti Sid Afrik. Zot pe rouye lo por, zot larou in mou, zot starter in pete.

E zot la zot bezwen nou pouse pou zot *start* san nou, zot pa *start* zot; *you are done! you are done!* Wi zot parti kankan 2 zonm.

Mr Speaker, nou'n ariv en pwen dan sa Lasanble kot ou annan ou en *LDS* ki opoze *for the sake of* opoze e san realize sa ki i pe opoze se Lopoziyon, i pe opoz Lopoziyon.

Be si zot pa ankor sorti dan sa staz Lopoziyon ki zot ti ladan avan, pou ed zot Gouvernman gouvernen sa i eksplik sa linefikasite ki zot ek zot Gouvernman zot in pri ladan.

Sa i eksplik aköz, zot pare pou depans en pti 3 milyon pou al *wine and dine* bann etranze lo nou zil.

Be zot pa pare pou form en Komite pou asiz dan en *conference room* isi pou *meet* ek tou bann parti prenan enn apre lot e *get to the bottom of* kwa ki pe pase lo nou zil.

MR DEPUTY SPEAKER

Onorab, ou ti'n ganny dir keler ou dwatet fini.

HON JOHAN LOZE

Mr Speaker...

MR DEPUTY SPEAKER

Mon ti dir ou 7.

HON JOHAN LOZE

Ok Mr Speaker, mon a remerisi ou pour ou lendilzans. Mersi Mr Speaker, parti kankan 2 zonm *LDS*.

(APPLAUSE)

MR DEPUTY SPEAKER

Mersi Onorab, prosen entervenans lo lalis i Onorab Flory Larue, e ou, ou pou annan ziska.

Onorab Larue, ou pou annan ziska 18. Mersi.

HON FLORY LAURE

Bonn apre midi Mr Speaker. Anmezir ki nou pe perdi nou direksyon lo kote nou pe ale, ankor nou retourn en kou lo deba aköz kankan 2 zonm pa ditou dan Mosyon, en?

(laughter)

HON FLORY LAURE

E pourtant Mosyon pa pou, Mosyon pa pou *LDS* Mr Speaker, Mosyon i pou Onorab Sebastien Pillay, son *Leader LOTO*, solman li in ariv lo kankan 2 zonm.

(laughter)

HON FLORY LAURE

Anyway; Mosyon ki nou pe ganny demande la Mr Speaker, i pou kree en Komite.

Pou kree en Komite spesifik pou al fer en travay lo de twa zil akoz la *suddenly* i annan en topik ki so.

Letan ou vwar ki en keksoz i ganny monte akoz topik i so la, i montre ki en group dimoun i reaktif e zot napa en plan lonterm lo ki manner sa size i *fit in to the bigger picture*.

Mr Speaker, nou, nou travay anba lord, direktiv, fason fer alor nou annan nou *Standing Orders* ki dir nou, nou kapab kree bann Komite.

Nou annan 2 Komite ki *fix* nou *FPAC* ek *Standing Orders Committee* apre nou fer serten *Select Committees*.

Nou fer House *Committees*, *Scrutiny of Bills Committee*, *Defence and Security Committee*, *Internal Affairs Committee*, *Committee on Government Assurances* ek *Women's Parliamentary Caucus*.

Sa bann Komite i ganny, i pas dan Lasanble letan nouvo Lasanble i formen, bann Manm i ganny propoze zot non i ganny mete e souvan zot bann Komite ki ou war tou sa lafors politik ki dan sa Lasanble i ganny reprezante.

Toultan dan lepase, nou'n vwar balans bann Komite ti 5/2. Avek en

sanzman dan pei e *LDS* ki dan mazorite son lafors isi dan Lasanble Nasyonal, pou nou anvoy lanmen e travay anba nou tenm Sesel i pour tou son zanfan" nou ti le reflekte sa osi par fer ki nou'n kre plis plas lo nou bann Komite, pou nou bann koleg lot kote latab la – sa detrwa zot ki annan la nou'n *still* fer plis plas pou zot kot ti vin 4/3.

Mr Speaker, i annan lezot ki'n koze ki annan serten Komite ki ganny *Chair* par bann dimoun, bann Manm *US*, me solman nou'n montre sa *fairness* e sa lanvi pou travay ek zot par met plis zot lo Komite.

Mr Speaker, nou bezwen dir ki nou, nou'n fer en travay pou sey adres sa ki zot pe demande. Akoz serten Manm lo mon kote in dir wi zot war ki i annan en relevans lo sa topik ki zot pe demann lo la.

Me parkont kre en Komite kekfw a i pa sa larepons, akoz Mr Speaker, le 13 Avril 2022 Onorab Adelaide, ti anmenn en Mosyon devan sa Lasanble - sa menm Lasanble ki la i ti dir nou koumsa e mon *quote*.

«Dan en bi pou asir devlopman soutenab ekonomik e sosyal, tout an prezervasyon nou lanvironnman e anrisir nou pei Lasanble Nasyonal i aprouve pou etabli en Komite

Sektoryel ki pou travay pre avek sa bann departman e dan sa bann domenn swivan.

Lagrikiltir, lanvironnman, lenerzi renouvlab, sanzman klima, zil ek lekonomi ble.

I kontinyen i dir, « parey mon dir Mosyon pe demande ki Lasanble i etabli en Komisyon Sektoryel, ki pou annan sa *oversight* tre spesifik lo tou bann fonksyonman sak sa bann sekter pour ki tou langazman e lasirans ki zot donn Lasanble Nasyonal e Lepep Seselwa, i enn ki realizab e anmenn prosperite pou nou pei e nou pep. »

Mr Speaker, Onorab William, ti segonn sa Mosyon i ti siport son formasyon e i ti met lanfaz lo bann komitman enternasyonal ki Sesel in fer dapre sa bann diferan sekter.

Osi ki konversasyon lo nivo enternasyonal i pe viz plis an plis pou konsider, pou donn konsiderasyon nou lanmer, nou lanvironnman e sanzman dan nou fason fer lo kote devlopman.

Mr Speaker, dan sa deba nou ti ganny *several* dimoun ki ti anmenn zot pwennvi.

Onorab Cosgrow, i ti dir e mon *quote* Mr Speaker, atraver ou “Ozordi avan Lasanble i fermen pou al lo *recess* nou ti kapab vin avek en Mosyon ki pli sansib avek larealite ozordi. Nou vin avek en Mosyon pou

kre en lot Komite mon pa’n tann pep Seselwa lo sa bann zafer Komite, Komite, Komite, kre Komite ankor pou ganny plis larzan?”

Savedir anr letan Onorab Adelaide, ti anmenn son Mosyon le 13 Avril kot li, i pa ti anmenn zis en serten problem lo zil li.

Me i ti pe anmenn en levantay *issues* ki bann lezot Komite dan Lasanble Nasyonal pa regarde sa ki Onorab Cosgrow, ti annan pou dir lo sa Mosyon sa letan.

“Kre Komite ankor pou ganny plis larzan?” Mr Speaker, mon anvi met devan pep Seselwa ki Komite *Food Security and Sustainable Development* pa ganny peye.

Nou fer nou louvraz *free*. O kontrer nou ti pe sey gete ki Lasanble Nasyonal i adopte sa Komite avek tou sa bann topik enportan konman enn ki nou kapab *fund* li konman en *Select* Komite *from now on* dapre direksyon ki lemonn pe ale.

Me pa sa ki zot vwar zot Mr Speaker. Dan menm deba nou war Onora, Audrey Vidot, i dir nou atraver ou Mr Speaker.

“So mwan pou mon definitivman mon vremen *sorry* Onorab, mwan, mon pa an faver pou annan okenn sa bann Komite ki ladan pou form li koumsa aköz mon santi

ki Lasanble i kapab fer bokou pli byen.

E nou kapab servi resours ki nou de annan pou nou kapab adres sa bann *issues* ki ou annan dan sa size lo Komite»

Sa ki ganny dir par Onorab Audrey Vidot. Mr Speaker, mon bezwen *quote* en lot mon Manm Onorab Woodcock, ki ti dir.

“Mr Speaker, mon fransman mon en pti pe soke, ki en Mosyon sitan enportan ki devan nou Lasanble ozordi, ki bann Manm lot kote latab pe pran sa Mosyon konman en naryen ditou»

Onorab Woodcock, ki ti dir sa, mon kontinyen avek zot bann larepons Mr Speaker.

Onorab Aglae, “E ki nou parfwa nou ganny en pe siprimen pou pa demann plis kestyon se sa nou louvraz ki nou sipoze pe fer. Me se pa atraver en Komite ki sa travay pou ganny akonpli en lot pwen Mr Speaker, Lotorite *Planning li menm...* »

kontinyen sa en Onorab Aglae, i kontinyen sa en « en lot pwen Mr Speaker, Lotorite *Planning li menm* Sesel nou annan nou en Lotorite *Planning* ki tonm ek son *Parent Minister* kot nou fer bann *land use plan*. E ki si i annan bann proze ki pe vini nou annan osi parey kot *SIB Investment*, nou annan Departman

Lenvestisman. I annan bann travayer ki travay ki sipoze bann profesyonnel ki pran bann desizyon, eski sa osi nou pou bezwen met lanmenm dan desizyon *planning?* »

Mr Speaker, i kontinyen “e mon pa santi poudir sa i *the right timing* pou anmenn en Mosyon parey Komite Sektoryel lo sa bann size. Me fer en Komite Sektoryel, annou adres kou lavi, annou adres pos Seselwa. Mersi »

Mr Speaker, sa ki ti ganny dir par sa Manm par oule nou antre dan bann okenn nouvo devlopman ki pe ganny fer e nou, nou pe koz lo kote soutenabilite dir nou pa al demann kestyon, akoz i annan *planning*.

Mr Speaker, Onorab Paul Ernesta, i dir nou “e ki nou pe fer, nou pe plito vwar nou pe plito war nou pe azout plis Komite ankor letan nou azout plis komite ankor i pran plis letan travay.

E letan ki nou annan pour nou distrik, pou nou dimoun nou napa e dan sa konteks ki mwan parey mon bann koleg in deza dir pli boner, mon pa pou kapab lev mon lanmen pou siport sa akoz nou bezwen ed nou bann dimoun e nou bezwen get plis nou bann dimoun. »

Mr Speaker, zot kontinyen dir nou ki sa bann letan la letan nou pe fer

louvraz pou en nouvo Komite zot pa ti oule.

Pli gou ankor Mr Speaker, le 19 Oktob 2022 Onorab Lemiel, atraver en lot deba kot sa ti monte i ti dir,

“Mersi Mr Speaker, Mr Speaker pour le moman nou *Caucus*, nou *maintain* ki nou pa pou partisipe lo sa Komite. E si an ka i arive ki nou desizyon i sanze, nou a fer zot konnen. Mersi”

Mr Speaker si zot ti war zot anvi diskit zil la, zot ti a vin dir nou, zot ti a vin dir nou, nou ti a envit zot.

Mr Speaker, mon letan pe fini mon, mon pa ankor pas lo mon *TOR*.

Mr Speaker dan sa *TOR* mon pou lir son pwen i dir

“*SSFD will be responsible to conduct oversight work on the National Policies, Strategies, Action Plans and Measures to achieve the highest possible status of Food Security and Sustainable Development for Seychelles.*

“*The Committee will conduct oversight mainly in the following fields oversight*” pa “*advisory*” aköz mon santi kefwä Onorab Norbert, in servi en lot mo.

Me nou *TOR* ki’n pas dan nou Lasanble i dir “*oversight*” alor i pe pou tay ek sa aköz Onorab Norbert, in dir “*advisory*”.

Akoz se tou ki i pe pik lo la i pa pe get lo sa Mosyon, i pa pe get nou bann pwen ki nou pe met devan.

Nou pwen i dir “*the Committee will conduct oversight mainly in the following fields Agriculture, Environment, Climate Change and Energy, Fisheries and the Department of Blue Economy, Land Developments, Foreign Affairs and Tourism, Island Developments.*”

Savedir si zot anvi en plas pou zot mont lo zil, zot ti ava dir, zot ava dir e la mon donn loportinite atraver ou Mr Speaker, ki Onorab Rocky Uraine, i kapab demann son *Chief Whip* ki in pare pou mont lo Komite, alors zot in pare.

I anvi al vizit zil dir Onorab Lemiel, met ou, nou ava fer en plas pou ou, ou ava sel Manm ki a kapab mont lo zil si nou monte. Mersi Mr Speaker.

(APPLAUSE)

MR DEPUTY SPEAKER

Mersi Onorab Larue. E dernyen entervenän lo lalis ki’n endike i le koze se *Leader of Government Business* Onorab Georges, ki ava annan ziska 5:29 mersi.

HON BERNARD GEORGES

Mersi Mr Speaker. Mr Speaker, mon kontan ki ou’n

donn mon laparol prezan e non pa pli boner.

Annefe i ti mon lentansyon pou koz en pe pli boner, me parey mon dir ou, ou swa i enn ki absoliman apropiye. Akoz tournir ki sa Mosyon in pran dan sa dernyen erdtan i montre ki si mon ti'n koz avan mon ti pou' perdi mon letan.

E mon a dir zot Mr Speaker, mon ti pou vin devan sa Lasanble e mon ti pou dir ki mon ti pou deklar mon konfli lentere, akoz mon ti en Manm Komite zil dan 6em Lasanble.

Mon en Manm mon en *Chairman SIF* parey zot tou, zot in konnen e zot in mansyonnen.

Mon *Chairman* Fondasyon *Farquhar* mon en Manm Lo *Board ICS* ki pe fer *EIA* lo sa Proze *Assumption*.

Mon annan en konfli lentere mon pa ti pou koz lo sa Mosyon apard dan en fason teribleman *neutral*.

Mon ti pou vin koz Mr Speaker, lo larises sa Zil *Assumption* ek sa Zil Cosmoledo. Mon ti pou vin dir ki mannyer *Assumption* i en *twin* pou Aldabra alors sa ki arive lo enn i arive lo lot.

Mon ti pou vin dir Mr Speaker, ki *ICS* depi lontan ti'n dir ki *Assumption* i bezwen, i ase gran - annefe les mon dir avek Onorab Uranie, ozordi ki

apropriye ki se li ki'n koz lo *Assumption*.

Akoz *Assumption* i annan menm non ki legliz La Digue *Notre Dame de L'Assomption* pou menm rezon.

E i byen ki in koz lo la e pran laparol ozordi e pou dir ki i ti a kontan li osi al vizit bann zil.

Mon ti pou vin dir Mr Speaker, ki bann Zil Elwanye i lwen dapre zot non e ki ler en zil i lwen e i *out of sight* i normal pou bann dimoun ki reste Mahe, Praslin avek La Digue ki pa ganny en sans al dan sa bann zil, i normal pou zot, pour nou pa konnen ki pe arive laba alor form serten lide e rod lenformasyon sa i toutafe normal.

Mon ti pou al dir ki keksoz ki mon pli kontan, oubyen ki mon pli anvi, oubyen ki mon'n pli travay lo la atraver bann fonksyon ki mon fek mansyonnen, se pou fer sir ki plis dimoun, plis dimoun, plis Seselwa i al vizit nou bann zil.

Mon ti pou dir tousala Mr Speaker. Mon ti pou dir ki sa ki pli enportan avek *Assumption* ozordi ek sa devlopman ki pe arive se pou protez biosekirite Aldabra. E se pour sa rezon ki *SIF* in pran serten desizyon ki in pran.

Mon ti pe al dir ki malgre sa i annan bokou nou, sakenn parmi nou, nou annan nou

lide personnel lo sa devlopman ki pe ganny fer laba. E alor annou travay pour sey regarde ki mannyer nou pou fer sa.

Mon ti pou dir ki i annan *oversight* ki pe ganny fer i annan en *EIA* ki pe ganny prepare e kot *Planning Authority* li menm li pli tar i pou annan sa *oversight*.

Mon ti pou vin dir sa Mr Speaker, dan lentere sa deba, me malerezman - malerezman Mr Speaker, tournir, tournir ki sa deba in pran, atraver sa 3 dernyen, ou plito sa 2 dernyen dimoun ki'n koze lo kote minoriter, in donn sa deba en lapant ki mon pa konnen, mon pa krwar ki okenn nou, nou ti pou anvi.

Si ou ti anvi, si ou ti anvi ou Mosyon i pase, sey *convince* nou, pa vin kriy avek nou, pa vin zour nou pa vin dir nou tou sort kalite parol. Pa vin dispit avek nou akoz sa *cet* en fason Mr Speaker, ki zanmen ou pou ganny okenn sipor.

Annefe la apre midi, la apre midi ki nou'n vwar? Nou'n vwar 3 Manm Lasanble e mon retourn lo sa tenm ankor akoz sa *cet* en tenm ki foudre nou met dan nou lespri.

Nou annan 3 zonm, 3 zonm, 3 zonm dan sa Lasanble 3 Manm Lasanble ki annan distrik pou zot defann ki'n koz dan en serten fason.

Zot i koz byen, zot in koz dwat, zot in koz kler, zot in koz sansib.

Apre ou annan 3 ki napa okenn, napa okenn distrik pou zot defann zot, zot in fer kankan isi dan sa Lasanble apre midi sirtou sa 2 dernyen.

E i fer mon mazine Mr Speaker, ki apre midi dan sa Lasanble nou'n war kankan 3 zonm kont 3 zonm.

(APPLAUSE)

HON BERNARD GEORGES

Onorab Loze, Mr Speaker, i vini i dir nou i dir nou ki se zot ki masin *LDS* dan sa Lasanble.

Be sa msye i ekout son lekor ler i koze li?

(laughter)

HON BERNARD GEORGES

Mr Speaker, en zonm e mon pa pe fer okenn kalonmni lo li. En zonm ki zanmen in anmenn en kestyon dan sa Lasanble 4 an i la ni en kestyon i pa ankor anmennen, zanmen in anmenn en Mosyon dan sa Lasanble 4 an i la ni en Mosyon i pa'n anmennen.

Zanmen in anmenn en *Private Members Bill* dan sa Lasanble pourtan i kapab i apel son lekor en Lezislater be ki masin *LDS* ki zot ete?

Be Mr Speaker, be si zot, zot ti masin *LDS* nou loto ti

pou ankòr dan garaz pa ti pou'n sorti!

(APPLAUSE)

HON BERNARD GEORGES

Mr Speaker, vwar i annan en kantite fason pou fer *oversight* enn se anmenn en Mosyon apre midi apre ki ou parti in pas tou letan pou dir ki nou nepli bezwen Komite dan Lasanble.

En lot se Onorab *Leader* Lopozisyon, ti'n kapab fer sa ki i pe fer la apre midi dan plizyer fason.

I ti'n kapab demann annan en Minis, vin devan Lasanble oubyen plizyer Minis, vin devan Lasanble.

Parey nou'n fer a plizyer repriz pou eksplike ki pe arive pou nou tou kapab demann en kestyon ti'n kapab fer sa i pa'n anvi.

I ti kapab, olye al demann en *PNQ* pou al demann avek Minis Hassan, kisisa ki lo *notice board STC* i ti'n kapab anmenn en *PNQ* lo *Assumption*.

(APPLAUSE)

HON BERNARD GEORGES

Me olye fer sa Mr Speaker, i pa fer li i prefere anmenn en Mosyon. Selman mon kapab dir li in byen koze lo son Mosyon li - *in calm, in calm*.

Mon pa konnen ki sa ki'n fer ki 2 son bann Manm apre in deside ki zot pou vin lager ek son Mosyon.

E Mr Speaker, ou vwar annan de fwa ou demann ou lekor sa bann Manm, kisisa ki fer zot dir sa bann keksoz ki zot vin dir la apre midi.

Ou vwar Onorab Cosgrow, in vini, li akòz mon pa konnen ki problem i annan avek Aldabra avek *SIF* e li in kapab anmenn la.

E li in anvi *include* Aldabra, nou'n konmans avek *Assumption*, apre in vin *Assumption* ek Cosmoledo la in vin *Assumption*, Cosmoledo ek Aldabra.

Si deba ti'n konmans 8 er bomaten tou zil, tou zil Sesel ti pour dan sa Mosyon...

(APPLAUSE)

HON BERNARD GEORGES

Sak enn zot ti pou azout enn ; Onorab *Leader* Lopozisyon, i anmenn son Mosyon, la Onorab Cosgrow, li konmsi li papa sa Mosyon Onorab Cosgrow, li i vin met en zorey avek sa piti.

(APPLAUSE)

HON BERNARD GEORGES

Ou vwar Mr Speaker, sanmenm sa ki fer zot reste dan Lopozisyon.

Mon a dir zot en keksoz Onorab Cosgrow, i dir ki fodre i annan *oversight* lo Aldabra i normal i napa okenn problemn. Annan zot *oversight* lo Aldabra zot amenn sa ki zot bezwen fer li.

Be les mwan demann en kestyon pandan tou sa letan ki zot, zot ti dan Lasanble e pandan tou sa letan ki zot, zot ti annan mazorite dan sa Lasanble.

E pandan tou sa letan ki zot, zot dir ki rol prensipal dan Lasanble se *oversight* lo Gouvernman.

Konbyen kestyon ki zot in anmennen pou fer *oversight* lo Aldabra?

(APPLAUSE)

HON BERNARD GEORGES

Konbyen ki zot in anmennen ler Aldabra ti dan zot lanmen?

Konbyen fwa ki zot in anmenn en kestyon oubyen Mosyon pou demann *oversight* lo Aldabra ler *Chairman* Aldabra ti sa dimoun ki ti zot kandida Vis Prezidan dan dernyen eleksyon?

Konbyen fwa ki zot in fer? Prezan ki zot bezwen anmennen? Prezan ki zot bezwen anmennen? Prezan ki zot bezwen anmennen?

Konbyen *oversight* ki zot ti fer konman Lasanble ler zot, zot ti an mazorite lo Laferm

Kanmaron *Coëtivy*, Konbyen *oversight* zot in anmennen lo *SBM*?

Konbyen *oversight* zot in anmennen avek Remir letan Msye Rene ti laba tou le *weekend*? Tou sa, sa pa *oversight* sa?

Sa ki pou *US* pa *oversight* zis sa ki pou *LDS* aköz Mr Speaker? Aköz zot masin *LDS*.

Pa fer mwan zoure! Pa fer mwan zoure. Mr Speaker, ou war, Onorab *Leader* Lopoziyon, les mwan dir, les mwan dir ou mon zanmi Onorab, avan ki ou anmenn bann Mosyon dan le fitir,

Premyerman mazine ki ou pe vin fer e, dezyenmman mazine ki avek ou meyer lentansyon i annan Manm lo ou kote latab ki pou zet ou anba bis e ki pou may ou en zambek parey zot in fer la ozordi.

(APPLAUSE)

HON BERNARD GEORGES

Mr Speaker, si en tim pa kapab gard son lekor konman en tim, pa vin ofer pou vin masin okenn *LDS*.

Nou, nou kapab fer nou loto marse nou tousel, nou pa bezwen okenn zot lo sa kote latab. Mersi Mr Speaker.

(APPLAUSE)

MR DEPUTY SPEAKER

Mersi Onorab Gorges, e aprezan sa ti dernyen entervenans lo sa Mosyon prezante par Dirizan Lopoziyon in ariv ler aprezan pour son *droit de réponse*. Onorab Pillay.

HON SEBASTIEN PILLAY

Mersi Mr Speaker, e mersi pou tou Manm ki'n eksprim zot lekor lo mon Mosyon.

Tou dimoun ki'n siporte oubyen ki'n koz kont mon Mosyon, mon avek tou fransizm ek lonnekte mon'n apresye zot bann komanter.

E mon'n ekout tou zot komanter atantivman e mon ava swete ki zot ava donn mon posibilite pou fer mon bann komanter mon osi parey.

Mr Speaker, si i annan en keksoz ki kapab montre nou oubyen en portre ki rezim sa transpor *LDS* se sa enn ki la ki dan por pour le moman.

(APPLAUSE)

HON SEBASTIEN PILLAY

Sa transpor *LDS* son larou in pete, *starter* in kase, in anmenn dan garaz pou anmenn aranze, i tou rouye e finalman i pa sa enn ki Seselwa ti pe espekte zis parey i pa sa enn ki Lapolis ti espekte gannyen.

E byento parey zot in dir i pou ganny retourn Sid Afrik *LDS* li mon pa konnen kote i pou retournen li Mr Speaker.

(APPLAUSE)

HON SEBASTIEN PILLAY

Mon senserman Mr Speaker, pa ti anvi konmans koumsa akoz ler mon'n prezant mon Mosyon mon'n prezant li avek tou bon lentansyon.

Mon'n prezant li avek tou bon lentansyon akoz mon lanvi sete pou vwar Lasanble Nasyonal i *conduct oversight* lo 2 size spesifik lo *Assumption* e Cosmoledo.

E mon'n ekout atantivman bann komanter ki'n ganny fer e mon note lo mon kote bann komanter ki'n ganny fer par le 2 Manm ki'n koz an dernyen ki'n fer, ki Onorab Georges, in fer referans.

Zot in koz apre ki serten Manm *LDS* in konmans eksprim zot lekor dan en fason ki fer mon demann en kestyon fondamantal.

E la mon le dir tou Seselwa ki pe ekout nou la deor *LDS* in fini ganny aste, *LDS* in fini *bought and sold for*.

E *LDS* nepli kapab menm kapab debout kont *IDC*, nepli kapab dir okenn keksoz ki pase lo zil.

E zot in rod tout en letani leskiz pou zot demontre

manner zot pa le vin an piblik pou eksplike sa ki pe pase.

Mr Speaker, si sa Komite *Sustainable Development and Food Security* ti pe fer son louvraz, nou ti ava'n war okenn travay ki'n fer ki ti'n ava'n ganny met devan pou dir zot in al *Assumption* oubyen zot in koz lo devlopman Lotel *Assumption* zot in koz lo devlopman *airstrip* lo Cosmoledo.

Me napa naryen ki'n ganny fer e ou note Mr Speaker, ki ler zot in koz lo verbatim akoz zot pa vin ek mon verbatim?

Akoz zot pa *challenge* mwan lo sa ki mon'n dir? akoz sa ki mon ti dir i senp se ki zot ti en Komite ki ti pe vin *advise* Gouvernman.

(APPLAUSE)

HON SEBASTIEN PILLAY

Se sa ki zot ti dir e osi Onorab Loizeau, mon konpran ki i pe fer akoz se sa ki i pe fer.

I santi son lekor konman en Manm anparantyer Gouvernman be ki manner Seselwa i kapab ganny reprezante avek en Lasanble ki vin *advise* Gouvernman?

Be zot fer lapenn prezan Mr Speaker, ler mon ekout Onorab Georges, ou konnen ki i *remind* mwan? I *remind* mwan en dimoun ki'n perdi dan en dezer; en dimoun ki in

sitan perdi dan en dezer in ganny *sunstroke*, ki i pe marse eran partou pa konnen ki pou fer.

I pe sey pas dan tou distrik ozordi fer en pe kanpanny. Menm parey ler mon ti pas *Les Mamelles* ou konnen sel keksoz ki dimoun pe dir li nou nepli anvi war ou devan nou laport.

(APPLAUSE)

HON SEBASTIEN PILLAY

Nou nepli anvi war ou devan nou laport, pou le senp rezon ki ou'n zis koz mansonz avek nou. Annefe sel keksoz ki i kapab fer se al donn R3 mil sa detrwa pti men *Mamelles* ki i ti zwenn lot fwa. Sa i kapab sey fer.

Lipokrizi dan tou sa splander akoz Onorab Georges, i sa Manm li menm li ki in koz avek bann dimoun dan serten *Zournal* in dir avek zot li i pe opoz sa devlopman *Assumption*.

Ki opoze in opoze la? Mr Speaker, Onorab Georges, i en ipokrit entelektyel; i koz zoli parol me napa okenn fonman; napa okenn fonman Mr Speaker.

Si ou permet mon Mr Speaker, mon pou fer tou *d'horizon* bann largiman ki'n ganny avanse.

Ki manner en parti ki swadizan en parti entelizan, i

dir ou poudir ou Mosyon i annan bon lentansyon, tou sa ki ou'n dir i bon. Be selman i kont. I kont lo ki baz? I kont akoz i annan en Komite Lasanble ki swadizan pe fer sa louvraz.

Be mon, mon pa travay deryer rido si zot, zot anvi travay deryer rido mon pa travay deryer rido. Onorab Loizeau, e Onorab Adelaide, atraver ou menm Onorab Adelaide, i dir mon pou gete mannyer pou mwan vote apre Onorab Larue, in eksplik TOR.

Me selman avan TOR i ganny eksprimen i dir i pe vot kont Mosyon.Mwan, mon krwar lord in sorti kek par in dir zot vot kont sa zafer; zot in ganny lord vot kont.

E zot *body language* i montre zit ki annan serten zot lo kote latab pa kontan zot pe vot kont, me zot pou vot kont.

Alors Mr Speaker, pou tou sa kreol la deor ki ti krwar LDS pou reprezant the *new era of politics* dan Sesel, bliye! Bliye! Bliye! lagrenn bat latet in ganny vann in ganny senmen e pa pe aport fri. E sel fri ki Seselwa pe gannyen se mansonz, kalonmni se tou ki zot kapab donner.

Mr Speaker, annou regard en keksoz ki reel devan nou; Onorab Andre, i dir ek 2 Manm lo mon kote latab sa bann louvraz pe al ganny fer.

En Komite sitan enkonpetan en *Chairman* ki pa konnen poudir en transpor in sorti Sid Afrik i lo por, *starter* in kase pou Lapolis ek Ladefans selman i ansarz Komite Defans.Ki mannyer ou kapab montre ledwa avek 2 Manm lo mon kote latab?

E sa ki drol, en *oath of secrecy* ki mon ti donn lanmen *design* pou Komite Defans, ki dir Manm Komite Defans pa *divulge* okenn naryen ki pase lo zot Komite, menm dan zot *Caucus*, ozordi lo *Chairman* i konfirmen ki in kas sa *oath* akoz i *discuss* ek son *Caucus* .

Ki mannyer ou kapab konpran zot? Konmsi eski zot in bliye pou ki rezon zot Lasanble?

Mr Speaker, Onorab William, atraver ou i annan laenn atraver bann Manm US mon pa konnen si i zalou Onorab Cosgrow, akoz Onorab Cosgrow, i Sekreter Zeneral US ozordi.

Me selman Onorab, mon ava dir ou be ler ou'n vin koz lo verbatim Lasanble ki Onorab, in servi annou regard ou verbatim ki ou ti dir lo rol Lasanble.

E ou rol Lasanble se pou egzers *oversight* lo Gouvernman, pa pou asize bwar kafe ek Gouvernman, e tonm dakor ek Gouvernman lo sa ki pe pase.

LDS i per ! *LDS* pe kapon ozordi pou vot lo sa Mosyon.

Zot pe kapon akoz tou sa koze ki zot in koze ozordi *LDS* i montre nou poudir *LDS* i napa pider!

(APPLAUSE)

HON SEBASTIEN PILLAY

Mr Speaker, atraver ou Onorab Larue, in eksplik nou ki mannyer lo verbatim tou dimoun zot in koze.

Be mon ti ava espekite i vin ek en largiman orizinal apre tou Onorab Larue, i nou eksper later dan Lasanble.

Be malerezman nou eksper later, nou *iron girl* in perdi son *iron* e ozordi i plito en *rubber girl* akoz i nepli kapab fer naryen.

Sa ki i vin dir nou se ki ozordi i pe vin koz par deryer sa Manm ki ti pe koz lo *Green* piti, *Green island*, *Green* isi, *Green* laba ozordi ni en *green tea* i pa kapab fer.

(laughter)

HON SEBASTIEN PILLAY

E pezan ou a ganny lodas pou ou koz lo sa me Onorab Vidot, in eksprim son lekor, i lezitim e i *stand by* sa ki in dir.

Se ki nou annan en Komite ki li i krwar i dan lili ek Gouvernman pou fer *the bidding of the Government* se sa ki nou problemm ozordi.

Ki ti annan mal si nou regard dan sa devlopman ki pe fer lo *Assumption*? Ki ti annan mal pou nou al gete si sa *airstrip* ki pe ganny fer Cosmoledo napa en lenpak lo lanvironnman.

Me selman ki nou war? E i enteresan sa en Komite Lasanble ki swadizan in fer en travay la sa Minis, ki li i ansarz sa *portfolio* li i pa konnen.

E mon'n war sa an de repriz resaman ki bann Minis, ki ansarz *portfolio* pa konnen ki bann dimoun pe fer anba zot. Selman bomaten Onorab Georges, fek eksplik mon ki mannyer zot bann Lalwa sa i ganny fer dan zot fason.

Be Onorab Georges, get ou lekor dan laglas mon frer, get ou lekor dan laglas akoz ou annan en gro problemm.

E ou problemm i fondamantal akoz en Minis Radegonde, e Minis Joubert, in admet ki bann departman ki anba zot, zot pa konnen ki pe pase.

Be ki kalite Gouvernman ki nou annan ozordi? Ki kalite Gouvernman Mr Speaker.

E mwan pou mwan, mon pa war li drol Mr Speaker, akoz ou konnen dan *US* lontan nou ti annan bann dimoun ki milisya e nou bann milisya nou ti ale ti al tir fizi lo tron koko dapre dir serten zot Onorab Porice, i konnen li.

Ok e...

(Interruption)

HON SEBASTIEN PILLAY

E sa ki enteresan ozordi apre ki bann dimoun parey Onorab Porice, in gat mon parti.

Apre parey bann dimoun parey Onorab William, in gat mon parti, apre parey bann dimoun parey Onorab Zialor, in gat mon parti, zot ava annan lodas in montre mon ledwa anba mon nennen? E se sa ki mon anvi fer ozordi...

(Interruption)

HON SEBASTIEN PILLAY

Mr Speaker, sa ki kler ozordi i se ki *LDS*, *LDS* i per pou debout avek *IDC*.

LDS I per pou al gete ki pa pase lo zil...

(Interruption)

HON SEBASTIEN PILLAY

E sa ki mon war Mr Speaker, apre ki mon'n ekout Onorab Georges, i montre mon poudir ki nivo sa parti ki ti reprezant sa Mouvmman Demokratik ki zot ti koz lo la in arive.

En parti ki nepli annan en sans direksyon ; nepli annan en lidantite e avek en *Leader* dan Lasanble ki'n vin en pli gran ipokrit politik ki mon'n deza war. Akoz i sanz son kouler depandan lo dimoun ki i koz avek.

Ler i koz avek bann dimoun Lanvironnman i pe debout pou lager kont devlopman ler i koz ek *IDC* i pe siporte.

Ki nou kapab konpran Mr Speaker? Sa i montre ou ki nepli annan dimoun ki annan lwayote anver nou Konstitisyon. Zot nepli annan lwayote anver sa *oath* ki zot ti sinyen, zot nepli annan lwayote anver sa lobligasyon ki zot ti donn Lepep Seselwa.

E se pour sa rezon ozordi ki nou pei i dan sa fason ki nou ete ozordi. Ozordi etranze i pran nou pou bann fou bet dan nou pei gras a zot, ozordi transfer *condominium* 2 etranze i ganny fer koumsa en sel kou. Akoz? Akoz *LDS* pe dormi i pa pe fer son louvraz.

Ozordi en *airstrip* i ganny konstri lo en zil en Minis, pa konnen i dir ou al demande.

Ozordi en transpor pouri i arive lo *Port* e *Lapolis* e *Lafors* Defans pa konnen e sa ki enteresan son plak limero i plak Sid Afrik lo la.

(Interruption)

HON SEBASTIEN PILLAY

Apre zot a rod ou *US* ki ti fer, *US* ki ti isi laba, be zot ki la onor sa lobligasyon ki Seselwa in met dan zot lannmen. Onor sa responsabilite pou debout akote Seselwa pou defann son lentere.

For God's sake nou pe al selebre nou Lendepandans, nou endepandan *from* bann antite etranze ki le pran nou e kontrol nou.

E la demen zot tou zot ava al devan Parad e bat lanmen e dir konmsi poudir zot pe defann Lendepandans nou pei zot pe *fail* Lendepandans nou pei!

(APPLAUSE)

HON SEBASTIEN PILLAY

E sa ki reste kler Mr Speaker, partou kot nou pase dan bann distrik dimoun pa oule sa, pa oule zot en, dimoun pa oule zot...

(APPLAUSE)

HON SEBASTIEN PILLAY

Ziska finalman, ziska finalman, finalman le sel keksoz ki zot kapab fer le sel keksoz ki zot kapab fer se sey bat latet dimoun.

Sey aste dimoun, sey propoz donn larzan dimoun, fer per dimoun aköz zot letan...

(Interruption)

HON SEBASTIEN PILLAY

...konman en parti politik ki'n fini !

(Interruption)

HON SEBASTIEN PILLAY

Dan sa Lasanble ozordi Mr Speaker, dan sa Lasanble ozordi, apre midi mon lans en lapel avek tou sa bann siporte LDS e SNP...

(Interruption)

HON SEBASTIEN PILLAY

...mon lans en lapel avek tou sa bann dimoun Mr Speaker, tou sa bann dimoun ki'n finalman realize poudir napa lavi dan Bernard Georges.

Nepli annan lavi dan Clifford Andre. Nepli annan lavi dan LDS, aköz LDS Mr Speaker, LDS in ganny aste e LDS nepli debout akote Lepep Seselwa...

(Interruption)

HON SEBASTIEN PILLAY

...e sa Mr Speaker, i en keksoz ki kler ozordi...

(APPLAUSE)

(Interruption)

HON SEBASTIEN PILLAY

Mr Speaker...

(Interruption)

HON SEBASTIEN PILLAY

Mr Speaker, laverite toultan i ofans son met ozordi nou war ki mannyer zot pe reakte avek sa ki mon pe dir zot...

(Interruption)

HON SEBASTIEN PILLAY

Sityasyon i senp Mr Speaker, lefe i reste ki ozordi dan Lasanble Nasyonan se *LDS* ki'n blok kreasyon en Komite pou al regard ki pe pase *Assumption* e Cosmoledo.

Lefe i reste ki se *LDS* ki'n dezapwent Lepep Seselwa. Mon le swet tou Seselwa en bonn fet Lendepandans

(Interruption)

HON SEBASTIEN PILLAY

...e dir avek zot mon emosyonnen ozordi Mr Speaker, akoz mon santi poudir mon pei i dan lanmenm bann move dimoun.

(Interruption)

(APPLAUSE)

HON SEBASTIEN PILLAY

Mon pei i dan lanmenm bann dimoun ki napa lentera mon pe pa *care* e mon swete ki mon pep 2025 i fer sa bon swa Mr Speaker.

Mon swete 2025...

(Interruption)

HON SEBASTIEN PILLAY

... i fer ki Seselwa i fer en sel swa...

(Interruption)

HON SEBASTIEN PILLAY

... e sa swa ki Seselwa i devret fer se fer sir ki zanmen...

(Interruption)

HON SEBASTIEN PILLAY

... zanmen ankor nou annan en Gouvernman *LDS* dan sa pei parske se *US* ki sel opsyon pou Sesel Mr Speaker !

(Interruption)

HON SEBASTIEN PILLAY

Mersi.

(Interruption)

MR DEPUTY SPEAKER

In ariv ler pou pran en vot lo Mosyon ki devan nou e mon pe lir sa Mosyon koumsa.

Sa Mosyon i demande, ki en *Select Committee* i ganny kree lo nivo Lasanble pou regard dan sa devlopman ki pe fer lo *Assumption* e Cosmoledo pou asire ki sa ki pe ganny fer i dapre bann lalwa e prosedir an plas.

Tou Manm ki an faver endike silvouple, mersi. Tou Manm ki kont? Mersi.

Rezilta pou Mosyon table par *Leader* Lopoziyon i annan 8 Manm ki'n vot an faver, 21 Manm in vot, kont okenn Manm pa'n *abstain* donk sa Mosyon pa'n pase.

(APPLAUSE)

MR DEPUTY SPEAKER

Avan ki nou *adjourn* pou nou re zwenn Mardi 9 er bomaten, mon le zis enform bann Manm.

Boner mon ti pe koz avek zot lo sa bann dokiman NSC Madanm Deputy Clerk in fini sirkil; ti annan en dokiman ki montre tou bann fasilite ki NSC pe *manage* dan distrik ki pou konsern zot sirtou bann Manm elekte sa in fini ganny sirkile dam *email*.

Lot i konsern tou larzan ki NSC in peye an term *loss of earnings, childminding* ki bann lenformasyon personnel.

E ABC in tonm dakor lo ki manner bann Manm pou ganny akse avek sa e sa i dan *email* verifye.

Avan nou ale mon bezwen dir en keksoz si mon pa dir zot mon pa pou dormi byen tanto.

Mon'n asize e mon'n les zot fer sa ki zot anvi fer dan Lasanble ozordi.

Ou konnen mwan, mon en Manm parey zot e sa ki mon pe dir zot la i konsern mwan tou pou nou re evalye en pe nou konportman ler nou dan Lasanble.

E dimoun i dir mon sa ziska dernyen landrwa mon ti ete Grand Anse Sanmdi

dimoun i dir mon zot annwiye ek konportman Manm Lasanble.

E nou tou ki la anndan bokou bann adilt annou pran sa serye.

Ozordi nou ti pe diskit en size enportan, enportan pour laveni nou pei, pour pei, pour nou nasyon.

E nou, nou ti merit sezi pour nou kapab regarde ki mannyer le de kote i kapab zwenn ansanm e LDS in dir Mosyon i pa neserman move dan prensip. Me zot pa'n war nesosite pou kre en nouvo Komite, US in dir fodre kree.

Be dan sa de pozisyon eski napa en fason ki nou kapab zwenn dan milye? I annan en Komite *Food and Security* ki mon'n get son *terms of reference*.

I koz lo *Island Development*. Komite Defans pa neserman fer referans avek sa bann keksoz koumsa selman i annan en laspe sekirite.

Eski LDS i kapab konsider sed 2 plas pou permet US rezwenn sa Komite? Eski US i kapab konsider re zwenn sa Komite?

Eski Komite Defans ek Komite *Food Security* i kapab zwenn dan milye pou dir be annou ale.

Parski i enportan ki Seselwa e nou konman Manm Lasanble nou konnen ki pe

arive lo Cosmoledo, nou konnen ki pou arive lo *Assumption*.

Alor koman adilt, koman bann *Community Leaders* mon bann zanmi e sa i enkli pou mwan, i enkli pou mwan...

(Interruption)

MR DEPUTY SPEAKER

Nou pe al... *Standing Orders* i dir nou ler Speaker pe entervenir nou reste trankil.

Mon'n dir zot lo konmansman mon pe donn zot en konsey, pa aköz mon pli parfe *or whatever* selman si mon pa dir mon pa pou kapab dormi byen.

E alor demen letan nou pe diskit bann size ki konsern bann size nasyonal, annou silvouple tou le de kote latav, *focus on the issue at hand* evit bann latak personnel evit fer bann diskour ki dan stil rali politik.

E ki lo en kote i dir bann parol ki pa apropiye, lot kote i war li ofanse e i reponn avek leokri e tou sa, nou pa pou kapab kontinyen koumsa.

Fransman nou pa pou kapab kontinyen e eskiz mwan si kekfwa sa ki mon'n dir in ofans okenn dimoun, zot santi kekfwa i kapab anbaras Lasanble Nasyonal.

Selman mon pa ti pou kapab al dormi tanto san dir zot sa aköz mon vremen pa

apresye konportman ni lekip *US*, ni lekip *LDS* ozordi apre midi.

Mersi nou ava rezwenn Mardi 9er bomaten.

(ADJOURNMENT)

